

Aposel heki'walaŋ kwanai diniŋ kahat Lukdi youkuk

Yodakale Mede

Aposel'walaŋ pepa yoŋ adi Lukdi Jesu Kilisto'walaŋ Mede Momooŋ youkuk wondiniŋ diki. Pepa yendi Aposel eŋ metam Jesu Kilisto nadisukilitimiŋgiŋ adi Bepaŋ'walaŋ Uŋgoniŋ Munabulidi Pentikos nai gineŋ fooŋ fotokoyemiŋa miŋ ikiliti tiyembune Jesu'walaŋ Mede Momooŋ Jelusalem yokwet mebineŋ uŋgoŋ tububihilaŋa yohautaune Judiya kwetneŋ, Samaliya kwetneŋ eŋ Galili kwetneŋ wooŋ dapmaanŋ kwet wapum yendiniŋ dikineŋ usuwaguk wondiniŋ kahat (Fiye 1.8). Ala woŋadi Jesu Kilisto'walaŋ Kayoŋbopdi nadisukiliti foloŋ fafaŋeeŋ hatidok ninindidimelak. Tiŋa Lukdi indiiŋ maŋ youla yodakaleguk. Bepaŋdi yofolok Isilaehi metam dut tuguk u Jesudi kwanai tuguk kaŋ metam nediyeŋ adi kelegiŋ adi'walaŋ hatihatihik gineŋ mintadakaleguk.

Aposel hekidi Jesu Kilisto'walaŋ Mede Momooŋ yohoutagiŋ wondiniŋ mede kahat u kanene daŋiniŋ lufomkulitniŋ mintaiŋ. (1) Jesu kunum gineŋ loune mihiŋiye adi Jelusalem uŋgoŋ muniniŋ hatilune Bepaŋ'walaŋ Uŋgoniŋ Munabulidi fooŋ miŋ ikiliti tiyembune Jesu'walaŋ Mede Momooŋ Jelusalem yokwet mebineŋ uŋgoŋ tububihila fafaŋeeŋ yohautaune Jesu'walaŋ Kayoŋbop tububihila mintaguk. (2) Agaŋ Kanahan kwetneŋ wanaŋ hautadapmaguk. (3) Uŋaniŋ hauta hinek tiŋa Meditelenien kwetneŋ hautadapmaanŋ wooŋ Loma yokwet wapumneŋ usuwaguk.

Nemek wapum hinek adi indiiŋ. Bepaŋ'walaŋ Uŋgoniŋ Munabulidi fooŋ miŋ-ikiliti tiyembune Jesu Kilisto'walaŋ Mede Momooŋ u biyagoŋ eŋ folooŋ hinek fuliŋgoŋ yobune metamdi u nadiŋa welehek tubutakale hinek tiŋa Jesu nadisukiliti hinek timiŋgiŋ. Tiŋa Jesu'walaŋ Kayoŋbop mintagiŋ. Unduŋ tiŋa yegiŋ e Kayoŋbop nehi welekubugoŋ eŋ kiulihi tiŋa Wapumnik Jesu Kilisto'walaŋ Mede Momooŋ yohautaune kwetkwet hautaŋ udapmaguk.

Aposel'walaŋ mede diniŋ yohebet

Fiye 1 Jesudi metamŋiye yeniŋkilitiŋa kunum foloŋ loguk

Fiye 2 Uŋgoniŋ Munabulidi fotokoyemguk

Fiye 3-7 Jelusalem yokwetneŋ Mede Momooŋ yohoutagiŋ

Fiye 8-12 Judiya eŋ Samaliya kwetneŋ Mede Momooŋ yohoutagiŋ

Fiye 13-14 Pol adi Banabas dut Yesu wou yohoutade ugumuk

Fiye 15-18a Pol adi Sailas dut Yesu wou yohautadok uune nai lufom tuguk
 Fiye 18b-20 Pol adi Yesu wou yohautadok uune nai lufomkulitniņ tuguk
 Fiye 21-26 Pol adi Yelusalem usuwaune honeeņ yot fafaņeniņ gineņ
 kamegiņ
 Fiye 27-28 Pol adi muwage wapum foloņ looņ Lomade uguk

Jesudi Munabuli kameyembu fowaakdok gigitmede yeniņguk

1 ¹O notne Teopilo, nu pepane timenē youkutneņ^a uņoņ adi Jesudi kwanai tiņa metam yenindidimeeņ hatigene kunum gineņ loguk wondok youkut. ²Kunum gineņ mu looņ kwetfoloņ hatiņila Uņgoniņ Munabulidi Jesu tubulodaune Aposel heki yehidaneeņ kwanai titiņdok yenindakaleguk. ³Unduņ tiņa hatiņa Jesu kumuņa kaikaan pilakuk nai uņaniņ tububihila helebufa ⁴0 wondok tuwot agaņ kumuņ gineniņ kaikaan pilakukdi hatilak unduņ nadidok yoņa Aposel heki nai fee hinek mintayemguk. Mintayemiņa Bepaņ'walaņ namanda foloņ Hatihati Uņgoniņ wendok yeniluguk.

⁴Naininde Aposel heki dut nanaņe noņgoņ naaņ yeniņguk, “Hidi Jelusalem kwet pilap mu bikabuņa uneeņ, iņgoņ hatibune Bepaņdi nemek hamdok yofafaņeguk haniņgut u hambaak kaņ uneeņ. ⁵Jon adi Imeyout u ime hinekdi youhamguk, iņgoņ helebufa lufom-kabe dapmaune Uņgoniņ Munabulidi youhambaat.”

Jesudi mede yonadi tubudapmaan kunum foloņ loguk

⁶Aposel heki Jesu dut bopnegiņ nai uņaniņ indinē ninadigiņ, “Wapum, du kobuk me kwet noli widihiņa yabudokodok saņiniņ u Judame heki inditok kotigoņ be nimbenē?”

⁷Unduņ niņgiņ kaņ Jesudibo yeniņguk, “Nemenemek hogohogok nai deniņ hinek mintaneeņ u hidi nadidok tuwot moņ, Baņdi hogok nadilak. ⁸Hidi adi Uņgoniņ Munabuli'walaņ saņiniņdi hehitubu-kilitibune Jelusalem manē, eņ Judiya manē, eņ Samaliya manē, eņ kwet wapum yeņ dikineņ nutok sigiyakadi tineeņ.”

⁹Mede unduņ yodapmaan loguk kaņ yakakuwatune mulukwaņdi buņa tumulune kunum gineņ loguk. ¹⁰Loune mihiniye adi kunum gineņ uņgoņ hakakuwalune lohebiguk kaņ kunumnehi me lufom tinahukut fafau tugumuk adi uņgoņ mintaan yali yeniņgumuk, ¹¹“Galilihi mewoi, hidi kunum gineņ maņgoņde yadiweiņ? Hidi Jesu i lolak kaiņ undiniņgoņ hinek kotigoņ udaneeņ baik.”

^a 1:1 Luk adi pepa lufom youkuk. Koom Jesu'walaņ kahat youkuk adi 'Luk' yoyam. Eņ yoņ adi Aposel heki'walaņ kahat youkuk.

Judas'walaŋ kwelikon titiŋdok me niŋ tubumintagin

¹²Unduŋ yenimbune Oliwa Tuwai bikabuŋa kotigon Jelusalemde^b wooŋ ¹³yotmaan niŋ koom hakiŋneŋ unŋonŋ foon Pita, Jon, Jems, Endulu, Filip, Tomas, Batolomi, Matiyu, eŋ Jems Alifiya mihiniŋ, Saimon Selot, tiŋa Judas Jems mihiniŋ, ¹⁴adi welekubugon tiŋa Jesu miŋ kwayaŋ eŋ tam noli, adi maan feŋ tagiŋ undugon Bepaŋ ninadi kwanai ila tigiŋ.

¹⁵Helebufa lufom-kabe dapmaune metam nadisukilitihinit 120 adi bopneune Pitadi pilali indinŋ yoguk, ¹⁶“Me notneye, koom Uŋgoninŋ Munabulidi Dewit nimbune Youkudip Mede gineŋ yohautaguk wendok tuwot biyagonŋ hinek Judasdi memik talitimenŋ tiyembune wooŋ Jesu honegiŋ. ¹⁷Judas adi mebop indi hatiyam gineninŋ kwanai nonŋonŋ titiŋdok inŋonŋ unduŋ tuguk.” ¹⁸(Judasdi kwanai hogoli u tuguk wondininŋ muneenŋdi kwet faki-kabe niŋ tuwagiŋ. Tuwaune Judas adi kwet tuwa tigiŋ folonŋ maŋ kaba tawaanŋ kumoi miŋgilanŋonŋ labudapmaginŋ. ¹⁹Unduŋ tuguk kaŋ metam Jelusalem maaneŋ ituginŋ adi mede u nadiŋa kwet tuwagiŋ u wou nehi'walaŋ mede folonŋ Akeldama yoginŋ, u mebi Nanŋat Kwet.)

²⁰Pitadi kotigonŋ indinŋ tomboyoula yeninguk, “Koom Youkudip Mede gineŋ Kap indinŋ youkinŋ, ‘Adi yolineŋ nebek nemu ilaak, yoli adi hogok yalaak.’ Eŋ indinŋ maanŋ youkinŋ, ‘Adi kwelikonŋ u nebek niŋ nindapmaune tibaak.’ ²¹⁻²²Unduŋ doktiŋa nebek niŋ adi indi nihitomboyoula Wapum Jesu pilapilatŋinŋdok sigiyakadi timimbaak, me woŋ adi indi'walaŋ bopnik gineninŋ, ala koom Jesu dut yaugumun eŋ Jondi Imeyout mede yoguk unŋaniŋ tububihila hatitalabubuyenŋ Jesu binibuŋa kunum gineŋ loguk u agaŋ kaguk, adi kedem tibaak.”

²³Unduŋ yoŋa me lufom yehitubu-mintaginŋ, me niŋ Josep, wou noli Basabas niyagiŋ agaŋ wou noli Yusto, eŋ me noli wou Mataiyas. ²⁴Meyat u yehitubu-mintaanŋ yapmeenŋ Bepaŋ indinŋ ninadiginŋ, “Wapum, du metam'walaŋ nadinadihik hogohogok kadapmalaŋ doktiŋa meyat lufom yendi'walaaninŋ nediyenŋdi ²⁵Judas'walaŋ kwelikonŋ tiŋa Aposel noli nihitubu-lodaanŋ du'walaŋ wohoge yohautaneem u ninimbu kanim. Judas adi kwanai u agaŋ bikabuŋa hamdok gigit tuguk.” ²⁶Unduŋ ninadidapmaanŋ kusek lufom moŋgokinŋ, niŋ muniŋonŋ niŋ kweheyeninŋ, moŋgola indinŋ yoginŋ, me nediyenŋ kusek kweheyeninŋ hamanewek adi Aposel yehitomboyoule. Unduŋ yoŋa me niŋdi kohonŋ gineŋ boihebiŋa yakuk kaŋ Josep adi loonŋ muniŋonŋ hamaneguk doktiŋa Mataiyasdi Aposel noli yehitomboyoukuk kaŋ kotigonŋ 12 hatiginŋ.

Uŋgoninŋ Munabuli kameune foon metam nadisukilitihinit fotokiyemguk

2 ¹Judame heki'walaŋ hinamuni Pentikos yoyagiŋ, nai tubune me Jesu nadisukilitimiyagiŋ hogohogok buŋa nonŋonŋ yotmaanŋ kubugonŋ

^b 1:12 Kwet u 1 kilomita wondok tuwot.

ginej bopneej ikin. ²Ila nadilune nemek niŋ kunum foloŋ fifiŋ dabugoŋ fotoguk, fooŋ buŋa wooŋ yot bop tiŋa hakiŋneŋ fooŋ gigilitŋiŋdi tuwot tubune ila ³kalune kudumebem nabugoŋ mintaaŋ tawaan wooŋ mehinek ikin indigoŋ yehiwehemikuk, ⁴kaŋ Uŋgoŋiŋ Munabulidi welehiŋ maaneŋ fotokooŋ yehitubu-lodaune mede mu nadiyagiŋ u yogiŋ.

⁵Kaŋ Judahi Youkudip Mede tagimneej keleyagiŋ adi yokwet wapuhi kwetkwet haliuguk indigoŋ tuwot bugiŋ, buŋa Jelusalem uŋoŋ hatigiŋ. ⁶Ala mede wapum unduŋ totubune nadiŋa metam buŋa bopneej metam nadisukilitihiniŋdi mede uŋgoŋiŋ uŋgoŋiŋ fee hinek yobune nehi'walaŋ medehik molomolom gineŋ nadiŋa ⁷yabune beweniŋgoŋ hinek tuguk. U yabuŋa yogiŋ, “Mewoi i Galilihi ⁸iŋgoŋ dediŋ tiŋa indi'walaŋ mede unduŋ yoiŋ? ⁹Indi adi Patiya, Midiya, Ilam, eŋ Mesopotamiya, tiŋa Judiya, Kapadosiya, Pontas, Esiya, ¹⁰eŋ Filigiahi tiŋa Pamfiliya, Isip, Libiya kwet wapum maaneŋ Sailini ilune yokwet magimagineŋhi, tiŋa Loma, Kilit, eŋ Alabiyahi. ¹¹Indi Judame tiŋa me noli Bepaŋ'walaŋ feknit mokit heki Judahi'walaŋ titiŋhiŋ kelen tam, iŋgoŋ dediŋ tiŋa inde'walaŋ medenik molomolom indigoŋ hinek Bepaŋdi nemek momooŋ tinimguk wendok yobu nadiyam?”

¹²Unduŋ yoŋa boho tiŋa kiyonadi tiŋa indiŋ yogiŋ, “Kei, maŋgoŋ tiŋa indiŋ toiŋ!” ¹³Kaŋ nolidi yenimpekkit tiŋa indiŋ yogiŋ, “Mewoi i ime fafaŋeŋ naŋit tiŋa mede unduŋ hinek toiŋ.”

Pitadi Bepaŋ'walaŋ kigili mede folooŋ mintane mebi yodakaleguk

¹⁴Unduŋ yogiŋ kaŋ Aposel heki adi pilali yali Pitadi metam indiŋ yenhautagak, “Judame heki eŋ metam Jelusalem itowiŋ, hidi magi kametnadi tineŋ kaŋ nemek i mintalakdok mebi hanindakalewe nadineŋ. ¹⁵Metam i ime fafaŋeŋiŋ mu naŋit, i 9 kilok haniŋ.^c ¹⁶Nemek polofet Joeldi koom youkuk u agaŋ mintalak. ¹⁷Indiŋ youkuk, ‘Bepaŋdi nai wapum dulalune indiŋ tibat yoguk,

“Nu Uŋgoŋiŋ Munabuline u metam hogohogok ugoloyembene wapmihihie adi nu'walaŋ kigili medene yohautaneŋ eŋ mekuyahi adi nemek lihine gineŋ nabugoŋ mintayambu kaneŋ, eŋ me kilitiŋiŋ adi lihine tineŋ. ¹⁸Na'walaŋ tipilapilaye-metamneye adi maan nai uŋaniŋgoŋ Munabuli ugoloyembaat kaŋ nu'walaŋ kigili medene yohautaneŋ. ¹⁹Eŋ foloniŋ kunum foloŋ kudi tibat eŋ kwetfoloŋ iŋoŋ nemek mu mintadok u tibe mintaneŋ, naŋgat mintawaak kaŋ kudup daune mupmuk gouyeniŋ lowaak, ²⁰eŋ mele mambip tibaak kaŋ muyakip naŋgat nabugoŋ gimindawaak kaŋ Wapum'walaŋ nai wapum saŋiniŋnit

^c 2:15 Judahi'walaŋ titiŋ adi indiŋ hatuguk doktiŋa unduŋ yeniŋguk. Adi 9 kilok haniŋ hogohogok ninadi kwanai tagiŋ. Nai undineŋ ime fafaŋeŋiŋ mu nayagiŋ.

tiņa holiholiņenit mintawaak. ²¹Unduņ mintaune nebek niņ Wapumdi tubulodadok ninadiwaak adi kedem tubulodawaak.”’

²²“Juda me heki, nu hanimbe nadineņ, Jesu Nasaletniņ adi Bepaņ’walaņ saņiniņ foloņ kudi mebimebi mehinekdi mu titiņ u agaņ miņgoņ tubune kaņ nadigiņ, ²³eņ koom nadihebet tuguk u agaņ Jesu hidi kohohik foloņ kameune me kadakaniņ titiņdi hehitubu-lodaan kolonđabek foloņ ulukumuņgiņ. ²⁴Iņgoņ kumuņ diniņ saņiniņgiņ tuwot moņ dokti Bepaņdi kumuņ’walaņ saņiniņ ulatifooņ tubupilakuk. ²⁵Wondoktiņa Dewitdi Jesudok indiiņ yoguk,

‘Nu Wapum helemahemaņ hebetne foloņ yalune kalat, eņ adi yamaiņgoņ hatilak doktiņa nu kadakaniiņdi mu nehitubu-kadakawaak.

²⁶Unduņ doktiņa mede nadifo foloņ yolat, nu me fafaņeņ moņ, kumuņ tibaat iņgoņ Bepaņ adi nehitubu-lodaan kumuņ kwetneņ mu binabaak. Adi nehitubu-pilalaak doktiņa Bepaņdok nadinadi hogok hatilat. ²⁷Bepaņ, du’walaņ kwanai-mege bikabune kwetfoloņ meyoťneņ iņoņ mu bitakawaak. ²⁸Hatihati fofooņ diniņ talik agaņ nanindidimeguņ doktiņa hebeke foloņ nadifo wapum hinek tibaat.’

²⁹“Notneye, nu Dewit papanik’walaņ mede hebiņiņ hanimbe nadineņ. Adi agaņ kumumbune wenefulagiņ kaņ adi’walaņ sitiņi u agaņ kanadiyam ale indiiņ yolat. ³⁰Adi polofet ala Bepaņdi mede yofafane timiņa yalakiņiņ niņdi Mapme Wapum mintaan Dewit ne ikuk undugoņ ilaak yoņa nindapmaņ tuguk. ³¹Kaņ Dewit adi kougoņ Bepaņdi nemek tibaak u kanadiņa Kilisto’walaņ pilapilatdok indiiņ yoguk,

‘Adi meyoťneņ mu bikabune hatibaak eņ folooņ bom giņeņ mu hali bitakawaak.’

³²“Bepaņ adi Jesu agaņ kaipmuņ tubupilakuk kaņ indi mede biyagoņ wondok sigiyakadi tam. ³³Adi agaņ Bepaņdi tubupilali nagilooņ kohoņ didimeniņneņkade kameeņ mede yofafane tuguk undugoņ Uņgoņiņ Munabuli mimbune kahileguk. Kahileeņ kamenimbu folak doktiņa nemek kaņ nadiiņ yoņ adi Jesudi kamenimilak. ³⁴U Dewit kunum foloņ loguk adi mu tuguk, adi yadi indiiņ yoguk,

‘Bepaņnedi nu’walaņ Wapumnedok indiiņ niņguk, “Kohone didimeniņneņkade iņandiņ ileņ ³⁵kaņ memikgeye hogohogok kayo uloloņ unduņ kayoge falipmeņ yapmewaat.”’

³⁶“Judahi metam, hidi indiiņ hinek nadineņ. Hidi Jesu ulukumuņgiņ iņgoņ me uņakoņ Bepaņdi Wapum eņ Kilisto kambiyatnimguk.”

Metam feedi wele tubutakale tubune Imeyout tiyemgiņ

³⁷Pitadi unduņ yenimbune metamdi mede u nadiņa dediiņ titiņdok yoņa Pita eņ Aposel noli yeninadigiņ. “Notniye, indi dediiņ tinim?”

³⁸Unduņ yogiņ kaņ Pitadi yeniņguk, “Hidi hide, molomolom hinek kadakaniiņhik sigilulum tiyemiņa buņa Jesu Kilisto wou giņeņ Imeyout

tubune Bepañdi kadakanihik kedem tumolokuhamuja Uñgoniñ Munabuli ugolohambek. ³⁹Gigit woñ adi hiditok tiña wapmihihiedok eñ metam neeñ kweetniñ hatiñ, nebek Bepañnikdi netok gigit kutiyenilak aditok yofafañe tugukdi tilak.”

⁴⁰Pitadi mede fee yenija yenindokoñ mede indin yeninguk, “Hidi me kadakanij tiñ u mu yehikelej taneñ. Adi kougoñ Bepañdi kibikon yembaak.”

⁴¹Unduñ yobune metam feedi mede u nadisukilitiña buña Imeyout tigiñ kañ melenai wondok metam feedi Jesu’walañ kayoñbop gineñ yehitomboyoulu yokunathik 3 tausen tuguk. ⁴²Metam unduñ tiña Aposel heki’walañ mede nadigalikañ buña bopneñ welekubugoñ tiña Bepañ ninadiña Dumuñ nayagiñ.

Metam nadisukilitihinit adi welekubugoñ hinek tiña hatigiñ

⁴³Unduñ tiña Aposel hekidi kudi fee hinek tubune metamdi u yabuña nadiune uñgoniñ hinek tuguk. ⁴⁴Metam nadisukilitihinit adi tomboyoula welekubugoñ tiña bopneñ welesiloñ foloñ bombonhik kibikibi tiña hatigiñ. ⁴⁵Bombonhik noli tuwadok boiune metam nolidi buña tuwaune muneñ moñgola dane tagiñ.

⁴⁶Helemahelemañ Silonyotneñ bopneyagiñ eñ yohineñ noñgoñ bopneñ welesiloñ tiña nanañe nadifo foloñ naañ ⁴⁷Bepañ niutumbayagiñ. Kañ metam nolidi yabuña nadiune utumba tuluguk. Unduñ tubune helemahelemañ Wapumdi metam gitipmuhi yanagila yehitomboyoutuguk.

Pitadi Jesu wou foloñ me niñ kayoñ kadakanij tubukedebaguk

3 ¹Heleniñ Pita dut Jon adi 3 kilok tebele Bepañ ninadidok Silonyotneñ fode ugumuk. ²Wooñ talik yeme wou Momooñ, uñoñ wooñ me niñ kayoñ kadakanij kagumuk. Adi undiniñgoñ mintaguk doktiña helemahelemañ noliñiyedi nagi wooñ uñoñ kameune metam noli buune muneñdok nayo ila tuluguk. ³Ala Pita dut Jon ugumuk kañ yabuña nemek neeñbe mindemek yo yeninadiguk.

⁴Kañ meyat adi uñoñ yaliña kahohoñe tiña Pitadi indin niñguk, “I niben,” ⁵kañ me u meyatdi nemek neeñbe minde niyamuk yoña yabuguk. ⁶Kañ Pitadigoñ koti indin niñguk, “Nu muneñne nemoñ, iñgoñ nemek niñ kame hatilat uñak gambit. Jesu Kilisto Nasaletniñ adi wou foloñ ganilat, pilali talik yaweñ.”

⁷Unduñ niña kohoñ didimeniñdi honeune me u kayoñ didimeune pilakadoña yali uñambuñat tuguk. ⁸Unduñ tiña wooñ tatakula Bepañ niutumbaañ meyat dut Silonyotneñ noñgoñ fogiñ. ⁹Foune metam uñoñ hakiñ adi me kayoñ kadakanij u kakiyondañ yogiñ, ¹⁰me i Yeme Momooñ gineñ ilañ bombonhik nayo tilak i detiña buña tatakula Bepañ niutumbalak, yoña boho tigiñ.

Pitadi Silonjyot gineŋ Jesu'walaŋ mebiŋiŋ yenindakaleguk

¹¹ Unduŋ tulu me kayoŋ kadakanij adi Silonjyot walanda niŋ, Solomon diniŋ yoyagiŋneŋ, Pita dut Jon yohonekiliti tiŋa yatune metam adi boho tiŋa kiyaneen Pita heki yakiniŋneŋ uune ¹² Pitadi indij yeninguk. “Isilaehi metam, hidi maŋgoŋde nemek yendok boho tiŋa nibuhohoŋe tiŋ. Indi inde'walaŋ titiŋ kedem be saŋiniŋnik foloŋ mu tide me i utumbalak. ¹³⁻¹⁴ Yadi Abalaham, Aisak, Jekop, eŋ papaniye adi'walaŋ Bepaŋdi tipilapilaye-meŋiŋ Jesu wou niŋa tiloloŋdok tubukedebaŋak. Iŋgoŋ hidi koom Jesu moŋ niŋa mikme heki kohohik foloŋ kameune nagi wooŋ mede gineŋ kamegiŋ. Kaŋ Bepaŋ'walaŋ Me Uŋgoniŋ, me didimeniŋ i Pailatdi bikabudok yoguk iŋgoŋ hidi gicine tiŋa Pailat nimbune me kadakanij titiŋ u bikabu uune ¹⁵ Hatihati Molom i ulukumungiŋ. Iŋgoŋ mindaŋ Bepaŋdi kumuŋ gineniŋ tubukaikaguk, kaŋ kobuk indi folooŋ kaŋ nadisukilitimiŋa keleyam, ¹⁶ adi'walaŋ saŋiniŋ foloŋ tubukedebamut. Nemek i tide kaŋit adi nadisukilitinik Jesu'walaŋ hatak doktiŋa kwanai i tumut. Kaŋ Jesu wou foloŋ me i utumbaŋak.

¹⁷ “Unduŋ doktiŋa notniye, nu indij hanimbit. Hidi talitimerŋhiye dut Jesu adi Bepaŋ'walaŋ Kilisto u mu nadidakaleeŋ ulukumungiŋ. ¹⁸ U agaŋ koom Bepaŋdi polofet yenimbune Kilisto folofigita nadiwaakdok yotabugiŋ doktiŋa hidi unduŋ tigiŋ, kaŋ mede wondi undugoŋ mintaguk. ¹⁹ Ale hidi kadakanijhik sigilulum tiyemiŋa Bepaŋ'walaŋkade uune adi kadakanijhik tumolokuhambune welehek lodawek. ²⁰ Unduŋ tubune Jesu, Bepaŋ ne hiditok Kilisto nindapmaguk, u kamehambu baik. ²¹ Ala adi kunum gineŋ uŋgoŋ hatitauyeen koom Bepaŋ'walaŋ polofet hekidi yogiŋ unduŋ, naiŋiŋ foloŋ kotigoŋ buŋa nemenemek yehitubu-didimewaak.

²² “Koom Mosesdi indij yoguk,

‘Bepaŋ Wapumhikdi polofetŋiŋ nu napmeguk undiniŋgoŋ kamehambaak. Tiŋa polofet u hide'walaaniŋgoŋ me niŋ kamewaak, ala hidi adi'walaŋ mede hogohogok nadiŋa tiloloŋ taneen. ²³ Nebek niŋdi medeŋiŋ nadiŋa mu takaliluwaak adi Bepaŋdi widihikumunŋ tibaak.’

²⁴ “Samuel tiŋa polofet noli mindaŋ kwanainegiŋ adi nemek kougoŋ mintawaak wendok yohautagiŋ kaŋ folooŋ kobuk mintalak. ²⁵ Bepaŋdi polofetŋiye yofafaŋe mede yeninguk kaŋ hidi Bepaŋdi papahiye dut yofolok tuguk u hidi maŋ hehionelak. Abalaham niŋguk unduŋ,

‘Du yalakige foloŋ metam hogohogok kwetfoloŋ hatiŋ kahaŋ tiyembaat.’

²⁶ “Unduŋ yoguk doktiŋa Bepaŋ adi kwanai-meŋiŋ kameune fooŋ kahaŋ hiditok timenŋ tihamuŋa kadakanij gineniŋ hanagikuk.”

Pita dut Jon mede gineŋ yapmeŋiŋ

4 ¹⁻² Pita dut Jon adi metam Jesudi kumuŋ gineniŋ kaikaŋ pilakuk undugoŋ kougoŋ metam kumuŋa pilatneeŋ unduŋ hayenilune

Silonyot diniŋ talitimerŋ heki eŋ mikme Silonyot kadoko tagiŋ heki tiŋa Sadusi heki adi buŋa Pita yakat hakumukneŋ busuwaanŋ mede u nadiune tuwot mu tuguk. ³Kaŋ yohonegiŋ, iŋgoŋ tebele tuguk doktiŋa yanagi woŋ yot fafaŋeniŋneŋ yapmeune uŋgoŋ ilu heleyemguk.

⁴U tiyemgiŋ nai uŋaniŋ metam feedi medehik nadiŋa nadisukilitigiŋ kaŋ kunakunathik adi ⁵tausen tuguk.

⁵Yot fafaŋeniŋneŋ ilu heleyembune Judame heki'walaŋ talitimerŋ, me wapuhi eŋ Yodoko Mede hinale heki ⁶adi Jelusalem uŋgoŋ Silonyot diniŋ Talitimerŋ Wapum Anas, eŋ Kaifa, eŋ Jon Alesanda, tiŋa Anas'walaŋ mihiniye noli noŋgoŋ bopneŋ ⁷Aposel yakat yenimbune woŋ namandahik gineŋ yalune kisaŋgoŋ hinek indiŋ yeninadigiŋ, "Neeŋdi behik tihambune kudi i tugumuk? Mangonŋ saŋiniŋ be neeŋ wou folon kudi u tugumuk? Mu yoyamuk!"

⁸Unduŋ yeninadilu Uŋgoniŋ Munabulidi Pita welenŋ maaneŋ fotokoune yeniŋguk, "Me wapuhiŋiye, ⁹indi me kayonŋ kadakaniiŋ u dediiŋ timinde kedebaguk wondok nininadiiŋ doktiŋa indiŋ nadineŋ. ¹⁰Isilaehi metam hogohogok hidi, me kayonŋ kadakaniiŋ i Jesu Kilisto Nasaletniŋ, hide ulukumunŋgiŋ kaŋ Bepaŋdi kumuŋ gineniŋ tubupilakuk, adi'walaŋ saŋiniŋniŋ gineŋ utumbaguk. ¹¹Jesu Kilistodegoŋ Youkudip Mededi indiŋ yolak,

'Yot taka niŋ me yot mamaŋ tiŋdi hogoli yo tukukiŋ kaŋ mindaŋkade loloŋnit tuguk.'

¹²Hatihati fafaŋeniŋ diniŋ talik u adigoŋ. Kwet folon iŋonŋ Bepaŋdi nebek noli nemu niŋguk, moŋ hinek."

¹³Unduŋ yenimbune me wapuhi adi meyat u me-fit, adi nadinadi yot wapumneŋ mu fogumuk iŋgoŋ dediiŋ tiŋa mede muntanit mokit mahik loŋgoŋ yoyamuk yo yabunadiune uŋgoniŋ hinek tuguk. Iŋgoŋ kougoŋ Jesu keleyaugumuk u naditomgiŋ. ¹⁴Unduŋ tiŋa me kayonŋ kadakaniiŋ utumbaguk adi maanŋ noŋgoŋ yakiiŋ doktiŋa mede lohi tiŋa ¹⁵wabi yeniŋkulune fougiŋ. Kaŋ me wapuhi nehi uŋgoŋ hali ¹⁶mangonŋ hinek tiyemdok yoŋa yonadi tigiŋ. Tiŋa indiŋ yogiŋ, "Metam hogohogok Jelusalem maaneŋ itowiŋniŋ adi kudi uŋgoniŋ tugumuk u agaŋ mintaune kaŋ nadidapmaiŋneŋ, indi yalaŋ tuwot mu yeninim. ¹⁷Unduŋ doktiŋa gigit yendi kwetkwet mu hautadok nadiŋa meyat yeninene Jesu wou kotigoŋ mu yoyademeek." ¹⁸Unduŋ yoŋa Pita yakat kotigoŋ yenimbu loune Jesu wou kotigoŋ mu yoyaudok yo moŋ hinek yenihegiŋ.

¹⁹Unduŋ yeniŋgiŋ kaŋ Pita dut Jondibo mede indiŋ tubu-udaneyemgumuk, "Hidi hide nadineŋ. Indi Bepaŋ'walaŋ medeŋiŋ bikabuŋa hidi'walaŋ mede tagimnede Bepaŋdi nadiu utumbawek be? ²⁰Unduŋ doktiŋa indi nemek inde kaŋ nadigumut u wabidimdok tuwot moŋ."

²¹Unduŋ yeniŋgumuk kaŋ me wapuhi adi kadakaniiŋhik nemu tubumintagiŋ doktiŋa kotigoŋ yenihep fafaŋeniŋgoŋ tiŋa yeniŋkulu fo

ugumuk. Me wapuhi adi widihi titiŋdok iŋgoŋ metam feedi nemek u mintagukdok Bepaŋ niutumbagiŋ doktiŋa wabigiŋ. ²²Me kayoŋ kadakaninŋ utumba tuguk adi me kilitiniŋ. Gulet 40 agaŋ kalakapme tuguk.

**Metam nadisukilitihinit adi nemenemek
titiŋdok welekubugoŋ tiŋa tiyagiŋ**

²³Pita dut Jon yeniŋkulu fakaŋ fooŋ wooŋ me noli yehibopneeŋ me wapuhidi mede yeniŋgiŋ hogohogok u yenimbu ²⁴nadiŋa nadinadihik kiulaŋa Bepaŋ indinŋ ninadigiŋ,
“O Wapumnik, Saŋiniŋ Molom, du nemenemek kwetfoloŋ be kunum gineŋ be imeŋgwaŋ wapum gineŋ yobune mintaguk hatak. ²⁵Du koom Uŋgoŋinŋ Munabulidi papanik Dewit da’walaŋ kwanai-mege mede niŋ indinŋ nimbu yoguk,

‘Me Judahi’walaŋ feknit mokit heki Judahi’walaŋ Yodoko Mede mu nadiin^d adi maŋgoŋde kwihita tiinŋ? Metam adi nadihebet hogohihogohi kabukabup maŋgoŋde tiinŋ? ²⁶Kwetfoloŋ iŋoŋ mapme heki eŋ me kwet kaulidoko tiinŋ adi kikasop tiŋa Bepaŋ dut Kilistoŋinŋ aditok mik tiyemne bop molomgoŋ tiinŋ.’

²⁷O Bepaŋ, koom undugoŋ Helot dut Pailat adi me Judahi’walaŋ feknit mokit eŋ Judame heki iŋgoŋ hatiinŋ adigut bopneeŋ Jesu Kilisto, tipilapilaye-mege uŋgoŋinŋ u mik timiŋgiŋ. ²⁸Adi bopneeŋ da yodapmaguŋ wondok tuwot tigiŋ. ²⁹Ale Wapum, du kamiŋ folofigita be kwanai nimne tiinŋ u yabunadiŋa kwanai-megeye indi ninindapmaune medege muntamuntanit mokit yohautanim. ³⁰Kaŋ da kohoge kihiwali tutumba kwanai be kudi mebimebi u tipilapilaye-mege uŋgoŋinŋ, Jesu, adi wou foloŋ tubune mintatauluwaak.”

³¹Bepaŋ unduŋ ninadidapmaune yot bopneeŋ hali ninadigiŋ u ti mahamut tuguk kaŋ Uŋgoŋinŋ Munabulidi fotokiyembune Bepaŋ medeŋinŋ muntanit mokit mahik loŋgoŋ yogiŋ.

³²Metam nadisukilitihinitdi welekubugoŋ tiŋa hatiŋa nebek niŋdi nemek niŋ u ne’walaŋ hogok mu yoluguk. Bombonhik hogohogok u kubugoŋ ilune moŋgola hatiyagiŋ. ³³Bepaŋdi kahaŋ momooŋ tiyemilune Aposel heki adi Wapum Jesu’walaŋ pilapilatniŋ diniŋ mede saŋiniŋnit yoyagiŋ. ³⁴⁻³⁵Metam kwethinit be yothinit adi meeniŋdok yembu tuwaune muneŋ moŋgo buune Aposel hekidi dane tagiŋ, doktiŋa nebek niŋ nemek niŋdok baniŋ tiŋa lohilohi nemu tuguk.

³⁶Ala me niŋ wou Josep adi Lewi yalakiŋinŋ, Saipalas uŋoŋ mintaguk kaŋ Aposel hekidi wou kobuli Banabas niyagiŋ (mebi, wele tubukiliti me). ³⁷Adi kwet faki niŋ diniŋ molom ala tuwadok yobu tuwaune muneŋ u Aposel hekidok yemguk.

^d 4:25 Metam Judahi moŋ.

Ananiya gut Safaila'walaŋ kahat

5 ¹Josep adi unduŋ tuguk kaŋ me niŋ wou Ananiya dut tamŋiŋ Safaila adi kwehik tuwadok yobune tuwagiŋ ²kaŋ tamŋiŋ dut yonadiŋa muneen diki nehitoŋ boiŋa diki Aposel hekidok Ananiyadi moŋgo wooŋ yemiŋa kunilit hamulat yeninguk. ³Yenimbune Pitadi niŋguk, “Du maŋgoŋde Sadan nadimimbune welege gineŋ fotokiŋa galamulune muneen diki datok boiŋa Uŋgoniŋ Munabuli yalaŋ nilaŋ. ⁴Kwet be muneen u da'walaŋ hogok. Daneen boidok be kunilit boidok u da nadilaŋ. Kaŋ maŋgoŋde yalaŋ undiniŋ nanilaŋ? Du mehinek yalaŋ yenilat yo Bepaŋ yalaŋ nilaŋ.”

⁵Unduŋ yobune Ananiya adi mede u yanadiŋa maan kumuŋa hakuk. Kaŋ metamdi gigit u nadiŋa hehele tigiŋ. ⁶Kaŋ mekuyahidi buŋa folooŋ dabaŋ u tumula tiŋa wooŋ wenefulagiŋ. ⁷Kaŋ muniniŋ hali melenai awa lufomkulitniŋ dapmaune tamŋiŋdibo yohoi kumuŋguk u mu nadiŋa buguk ⁸kaŋ Pitadi niŋguk, “Muneen i kwet tuwaune moŋgolumuk hogohogok-ku be?”

Unduŋ nimbune yoguk, “Eeŋ, muneen moŋgolumut hogohogok uŋakoŋ.”

⁹Unduŋ yoguk kaŋ Pitadibo niŋguk, “Du tiŋa yohoge, hidi Wapum'walaŋ Uŋgoniŋ Munabuli-kube tikamanda timimuk?” Unduŋ niŋa niŋguk, “Me yohoge folooŋ dabaŋ tiŋa wooŋ wenefulaŋit heki adi dubo gehi-ibibemuŋa une yeyemeŋ yakiŋiŋ.”

¹⁰Unduŋ nimbu nai uŋaniŋgoŋ Pita kayoŋ foloŋ maan kumuŋguk. Kumumbune mekuyahi fooŋ bemŋa wooŋ yohoi wenegiŋneŋ uŋgoŋ haŋgalaŋ yehiweneŋiŋ. ¹¹Unduŋ tubune kayoŋbop eŋ metam hogohogok adi u nadiŋa hehele kisaŋ tigiŋ.

Aposel hekidi Bepaŋ kunumneniŋ'walaŋ kudi mebimebi tigiŋ

¹²⁻¹⁵Metam nadisukilitihinit adi wooŋ Siloŋyotneŋ Solomon'walaŋ walanda gineŋ uŋoŋ bopneyagiŋ. Kaŋ metam noli adi wooŋ yehitomboyoutdok iŋgoŋ adi nadisukilitihinitdi hogok bopneŋneŋ yoŋa nadibedi tagiŋ. Unduŋ doktiŋa wohiye hogok yeniŋtilooŋ yeniutumbayagiŋ. Iŋgoŋ mindaŋ metam feedi nadisukiliti tiŋa yehitomboyoukiŋ. Unduŋ tubune Aposel heki adi Bepaŋdi saŋiniŋ yembune kudi uŋgoniŋ hinek u metam bophik gineŋ tagiŋ, kaŋ metam noli yagithinit yanagi buŋa talipmeŋ gulup iyemiŋa Pita'walaŋ woliniŋdi yehiwehemilu kedebadok yoŋa yapmeune deihaliwagiŋ. ¹⁶Kaŋ metam noli Jelusalem fawineŋ yokwet kuyahikuyahineŋ itowagiŋ adi yagithinit eŋ yabaphinit yanagila buune wanaŋ yehitubu-kedebadapmaune wagiŋ.

Aposel heki Jesu wou doktiŋa kudi mebimebi tiyemgiŋ

¹⁷Unduŋ tubune Siloŋyot diniŋ Talitimeŋ Wapum eŋ me noliŋiye, Sadusi heki adi Aposel heki yabunadiune tuwot mu tuguk kaŋ

bopneer yonadiņa ¹⁸yanagila wooŋ yot fafaŋeniŋneer yapmegiŋ. ¹⁹Iŋgoŋ timiŋ Wapum'walaŋ aŋelodi yot fafaŋeniŋ diniŋ taliyeme u dilitomyemiņa yanagila fakaŋ fooŋ wooŋ yeniŋguk, ²⁰“Hidi Siloŋyot maaneŋ fooŋ metam Hatihati Kobut diniŋ Mede Momooŋ wanakaŋ hinek yenindapmaneŋ.” ²¹Unduŋ yenimbu Aposel heki adi aŋelo'walaŋ maŋiŋ mede tagimneeŋ heleune Siloŋyotneŋ metam Mede Momooŋ yenihautagiŋ.

Unduŋ tulune Siloŋyot diniŋ Talitimeŋ Wapum eŋ me noliŋiye adi mu nadiņa Judame heki'walaŋ talitimeŋ yenimbu bugiŋ kaŋ nongoŋ bopneer. Bopneer kumondulum heki yenimbune Aposel heki yanagitne yot fafaŋeniŋneer ugiŋ. ²²Wosuwaan kagiŋ e uŋoŋ mu hakiŋ, kaŋ buŋa indiŋ yeniŋgiŋ, ²³“Indi yot fafaŋeniŋ yeyemeŋ wooŋ me yeme kadoko tiŋ heki yabuŋa yeme kamun adi tehepnit yalak, iŋgoŋ yeme dilitomuŋa maaneŋ fooŋ kane uŋoŋ nebek nemu halak.”

²⁴Unduŋ yenimbune memik Siloŋyot kadoko tagiŋ'walaŋ talitimeŋ eŋ Siloŋyot diniŋ talitimeŋ heki adi dediŋ tiŋit yo nadigiyonŋiyone tigiŋ. ²⁵Kaŋ me niŋ busuwaan yeniŋguk, “Hidigili! Me yot fafaŋeniŋneer yapmeŋit adi kotigoŋ wooŋ Siloŋyotneŋ metam Jesu'walaŋ Mede Momooŋ yeniyeniŋ tiŋ.”

²⁶Unduŋ yenimbune nadiņa mikme Siloŋyot kadoko tagiŋ'walaŋ talitimeŋ adi me noli yanagila Siloŋyotneŋ wooŋ Aposel heki kotigoŋ yanagila bugiŋ. Adi widihiņa yanagila bubuŋdok nadigiŋ iŋgoŋ unduŋ tubune metamdibo kawadedi widihineneŋ yoŋa muntaŋ hogok yanagila bugiŋ.

²⁷Yanagila buŋa me wapuhi bopneer hakiŋneer yapmeune Siloŋyot diniŋ Talitimeŋ Wapumdi indiŋ yeniŋguk, ²⁸“Indi koom Jesu wou foloŋ metam mu yenindidimedok haningumun, iŋgoŋ hidi mede i yobu Jelusalem maaneŋ agaŋ hautalak. Hidi unduŋ tiŋa Jesu indi ulukumunŋumun-kube ninine tiŋ.”

²⁹Unduŋ yeniŋguk kaŋ Pita tiŋa Aposel nolidi yogiŋ, “Indi Bepaŋ'walaŋ maŋiŋ mede ula kwetfoloŋ me hidi'walaŋ mahik mede tagimnedok u talik nemu hatak. ³⁰Hidi Jesu kolonŋdabek foloŋ ulukumunŋiŋ iŋgoŋ papaniye'walaŋ Bepaŋdi kumuŋ gineniŋ koti tubupilakuk. ³¹Bepaŋ ne Judahi indi kadakaniŋnik sigilulum tinene tumolokutnimdok nadiņa Jesu tubupilali tiŋalooŋ kohoŋ didimeniŋneer kade kameer Talitimeŋ eŋ Tubuloda-me nindapmaguk. ³²Unduŋ doktiņa indi Uŋgoŋiŋ Munabuli dut nemenemek u mintagak wendok sigiyakadi tiyam. Metam nediyeŋ Bepaŋ'walaŋ maŋiŋ mede tagimneiŋ adi Uŋgoŋiŋ Munabuli yemulak.”

³³Aposel hekidi mede unduŋ yenimbune me wapuhi adi kwihita tiŋa widihikumunŋdok nadigiŋ, ³⁴iŋgoŋ Falisi niŋ wou Gameliyel adi Judahi'walaŋ Yodoko Mede hinale ala metamdi kaune loloŋnit hinek tuluguk, adi pilali yali yenimbune Aposel heki yanagila fakaŋde fougiŋ.

³⁵Karj me wapuhi indij yeninguk, “Isilaehi me notneye, hidi mewoi i nemek tiyemne karj nadinadinjila tinej. ³⁶Koom me nij wou Tiudas adi ne me wapum yobu metam 400-di adut tomboyoukiy ingonj mindanjcade ulukumuj tigiñ karj metamjiye adi momodapmaune kwanainij fikuk. ³⁷Mindanj me nij Galiliniñ wou Judas adi kiyapdi wohiye kutibune yatuwat nai folonj metam fee yenimbune kelegij ingonj me u ulukumuj tiña metamjiye maanj widihi tigiñ karj momopupuheneñij. ³⁸Unduj doktiña mewoi i nemek mu tiyemnim. Biyabune hatiña kwanaineneñ, ala u kwetfolonj me’walaaniñ nobu taneñ karj kedem fiilaak. ³⁹Eñ Bepanj’walaaniñ nobu taneñ karj u hidi tuwot mu yehitifoneñ. Tigene hidigonj Bepanj mik timineeneñ ala.”

⁴⁰Unduj yenimbu me wapuhi adi Gameliyel medeñij nadiune foloonj tubune Aposel heki yenimbu labune widihiña Jesu wougigit koti mu yoyaudok yo yenihep tubu fougiñ. ⁴¹Fowoonj nadigiñ, Bepanjdi kedem hinek nadinimbune me wupuhidi Jesu wougigit doktiña nihitubu-mekanj kedem nindihijit yo nadifo tiña ugiñ.

⁴²Unduj tiyemgiñ ingonj fiit adi gigne tiña helemahelmanj Silonjyotneñ eñ metam yohineñ molomolom Jesu Kilisto diniñ Mede Momoonj tomboyoula yeniyaugiñ.

Nanaje bomboj danedanedok me gitipmuhi 7 yehitubu-mintagiñ

6 ¹Kabe muniniñ hatilu Aposel heki’walañ yokunathikdi kabe-wapumgonj tuguk, karj helenij Judahi metam nadisukilitihinit Gilik mede yoyagiñ adi nehi’walahi tam kahat hekidok nanaje tuwolit mu daneyemiij yonja Judahi noli Hibulu mede yoyagiñ heki dut siwe tigiñ. ²Unduj tigiñ karj Aposel heki adi metam nadisukilitihinit hogohogok yenimbune buña bopneune yeningij, “Me Bepanj’walañ kwanai tiyam, indi kwanai u wabiña nanaje danedane mu taneem. ³Unduj doktiña, notniye, hidi me Uñgonij Munabulidi welehiñ maaneñ fotokoguk eñ me nadinadihinit 7 yehitubu-mintaneñ karj adi kwanai u kadokoonj taneñ. ⁴Karj indi inde helemahelmanj Bepanj ninadiña Mede Momoonj yoyo hogok taneem.”

⁵Unduj yenhautaune nadiña metam Aposel hekidi yogij unakonj nadiune tuwot tubune me indij yehitubu-mintagiñ: Stiwen Uñgonij Munabulidi welenj maaneñ fotokoguk tiña nadisukilitinit aganj Filip, Polokolos, Naikano, Timon, Pamenas, eñ Nikolas adi me Yodoko Mede mu nadiyagiñ’walaaniñ ala Judame heki yehitomboyoukuk, adi Antiyokniñ. ⁶Yehitubu-mintaune Aposel heki’walañ uune kohohik mebihik folonj boiña Bepanj ninadigiñ. ⁷Unduj tubune Bepanj’walañ Mede Momoonjdi kwetkwet hautaguk. Karj Jelusalemhi metam feedi Mede Momoonj nadiña nadisukilitigiñ, karj kunakunathikdi wapum tuguk. Unduj tigiñ karj Silonjyot diniñ talitimeñ feedi maanj nadisukilitiña yehitomboyoukiñ.

Jesu wou doktiņa Stiwen mede gineņ kamegiņ

⁸Stiwen adi Bepaņdi kahaņ timiņa saņiniņ wapum hinek mimbune kunumneniņ kudi tubune metamdi kayagiņ. ⁹Iņgoņ heleniņ Judahi mebop niņ Stiwen dut siwe tigiņ. Mebop indinđi tigiņ: Sailinihi eņ Alesandiliyahi adi Judahi'walaņ bopyotneņ kubugoņ bopneyagiņ tiņa nohiye Silisiya eņ Esiya yokwet wapumneņ bugiņ.^e Judahi mebop unduņdi Stiwen dut siwe tigiņ. ¹⁰Iņgoņ Stiwen adi Uņgoniņ Munabulidi nadinadi mimbune mede yenimbune adibo mede niniņdok talii lohigiņ, tiņa moņ kaņ ¹¹me noli yehitubu-mintaañ indinđ yoneņ yeniņgiņ, "Indi me i mede yolak nadine Bepaņ dut Moses mik dabu tiyemilak."

¹²Unduņ yoņa metam eņ me wapuhi eņ Yodoko Mede hinala heki weleyouyout tiyemgiņ kaņ Stiwen honeeņ nagila me wapuhi'walaņ bophik gineņ ugiņ. ¹³Nagi wooņ kameune me noli yalaņ mede yodok yehitubu-mintagiņ adi indinđ yogiņ, "Me i helemahemaņ mede yolak adi Moses'walaņ Yodoko Mede eņ Siloņyot u mik tiyemilak. ¹⁴Tiņa undugoņ nadine niņ indinđ yoguk, 'Jesu Nasaletniņ adi Siloņyot kedem uyakula titiņnik Mosesdi nimguk u kedem yehitubu-fila titiņ gitipmuņ yehitubu-mintawek.' " ¹⁵Unduņ yobune me uņoņ ikiņ hogohogok adi dauhik diweeņ Stiwen namanda kagiņ kaņ adi'walaņ namanda adi aņelo namanda dabugoņ tuguk.

Stiwen adi me talitimeņ wapuhi namandahik foloņ yakuk

7 ¹Siloņyot diniņ Talitimeņ Wapumdi Stiwen indinđ niņguk, "Unduņ u biyagoņ hinek-kube yolaņ?"

²Ninadiguk kaņ Stiwendibo yeniņguk, "Notneye eņ batneye, nanimbe nadineņ. Koom Bepaņ Kunumneniņ Saņiniņnit adi papanik Abalahamdi Halan mu wooņ Mesopotamiya uņgoņ hatilu indinđ niņguk, ³'Magemageye eņ kwet i biyabuņa kwet nu ganimbaatneņ uņoņ waaņ.'

⁴"Unduņ nimbune yolikweli bikabuņa Halan kwetneņ itowe uguk. Uņoņ wooņ hatiņa Abalaham beu kumumbune Bepaņdi nimbune kwet kobuk hatiyamneņ iņoņ buguk. ⁵Buguk kaņ Bepaņdi kwet faki-kabe Abalaham netok yo nemu niņguk. Bepaņdi yofafaņe tuguk adi indinđ: kwet u kougoņ yalakiņiyedi maañ kwet molom tiņa hatineeņ. Bepaņdi yofafaņe tuguk nai uņaniņ Abalaham adi wapmihiņiye nemoņ ⁶iņgoņ indinđ niņguk,

'Du'walaņ yalakigeye adi kwet noli gineņ hatiņa gulet 4 handelet wondok tuwot kwanai tuwaņit mokit tineeņ eņ momooņ mu tiyemneeņ. ⁷Unduņ tiyemneeņ wondok nubo kibi kougoņ

^e 6:9 Mebop i koom tipilapilaye kwanai tuwaņit mokit tiyagiņ. Unduņ tiņa kwanai bibiņdok talik muneeņdi yehituwaaņ biyabune ugiņ.

nemek tiyembaat, kaŋ kougoŋ kwet u bikabuŋa iŋoŋ buŋa nu naniutumbaneŋ.’

⁸“Abalaham eŋ yalakiŋiye adi Bepaŋ dut yofolok tigiŋ diniŋ fek Bepaŋdi Abalaham sigiŋ gitnem diki foloŋ fek timiŋguk, kaŋ Abalahamdibo Aisak mintaaŋ halu Sonda kubugoŋ dapmaune sigiŋ gitnem foloŋ fek tuguk. Kaŋ Aisakdibo Jekopdok fek u timiŋguk, kaŋ Jekopdibo mihiniŋiye 12 sigihik gitnem diki foloŋ fek tiyemguk.

⁹“Kaŋ mindaŋkade mewoi 12 adi Josepdok kwihita timiŋa me noli hekidok kwanai tuwaŋit mokit tuluwaak yoŋa yemiŋa muneŋ mongokiŋ, kaŋ adibo nagila Isipde ugiŋ. Ingoŋ Bepaŋdi Josep momooŋ hinek kadokooŋ ¹⁰malabumuŋ gineŋ tubulodaguk. Josepdi Mapme Felo namanda foloŋ loguk nai uŋaniŋ Bepaŋdi nadinadi fofooŋ mimbune looŋ momooŋ timiŋguk doktiŋa Mapme Felodi nimbune kwet wondiniŋ eŋ Felo ne yoli diniŋ kadokome wapum hatiguk. ¹¹Unduŋ tiŋa hatilu nanaje map wapum Isip eŋ Kanahan kwetneŋ mintaguk, kaŋ papaniye adi nanaŋedok lohilohi wapum tigiŋ. ¹²Unduŋ doktiŋa Jekop adi haŋgom Isip uŋoŋ ikiin nadiŋa mihiniŋiye yeniŋkulu wooŋ u tuwaŋ bugiŋ. ¹³Buŋa hatiŋa kotigoŋ yeniŋkulu ugiŋ, nai uŋaniŋ Josep u adi’walaŋ kwayahik u nadigiŋ, kaŋ nai uŋaniŋ Mapme Felodi maŋ Josep daliye u nadiyemguk. ¹⁴Unduŋ tiŋa Josepdi mede kameune beu eŋ meŋimeŋiye’walaŋ buune metam 75-di ugiŋ. ¹⁵Wooŋ uŋoŋ hatitauyeŋ Jekop tiŋa papaniye adi kumuŋgiŋ. ¹⁶Kumumbune yanagi buŋa bom koom Abalahamdi Hemo metam’walaŋ kwet niŋ meyotdok yoŋa muneŋdi tuwagukneŋ Sikem uŋoŋ yehiwenegiŋ.

¹⁷“Bepaŋdi Abalaham yofafaŋe mede niŋguk u agaŋ folooŋ mintadok nai dulaune Judahi metam Isip uŋoŋ yokunathik agaŋ wapumgoŋ tuguk ¹⁸kaŋ mindaŋ me niŋ Josep mu nadimiŋguk adi mapme ila Isip kwet u kadokoguk. ¹⁹Tiŋa indi’walaŋ metam bolik tiyemiŋa yehitubu-kadaka tiŋa wapmihihie gimimigiŋiŋ fakaŋfakaŋ yapmeune haliiŋa kumuŋ titiŋdok yeniluguk.

²⁰“Nai uŋaniŋ Moses mintauŋe Bepaŋdi kaune mihi momooŋ tuguk. Kaŋ beu yolineŋ kadokooŋ hatibune muyakip lufomkulitniŋ dapmaguk. ²¹Unduŋ ti hatigene nagi fooŋ fakaŋ kameune Felo waabiŋiŋdibo nagi wooŋ natiune bediguk. ²²Bediŋa Isiphi’walaŋ nadinadihik nindidimeune nadidapmaguk eŋ medeŋiŋ yoyo be titiŋiŋdi tubune saŋiniŋnit tuguk.

²³“Moses adi guletniŋ 40 tubune Isilaehi meŋimeŋiye yabe uguk. ²⁴Wooŋ yabulu Isipniŋ me niŋdi Isilaeniŋ ya ukuk, kaŋ Mosesdibo wooŋ Isilaeniŋ u tubulodaaŋ Isipniŋ me u ulukumunguk. ²⁵Moses adi indiŋ nadiŋa tuguk, ‘Bepaŋdi metamneye talitimeŋ tiyemiŋa yanagitdok yodapmaguk nobu nadidakaleneŋ.’ Adi unduŋ yoŋa tuguk ingoŋ metamdi u kaŋ mu nadidakalegiŋ. ²⁶Heleune kotigoŋ Isilaehi meyat lufomdi mindobu tubune wooŋ yehidaneŋ indiŋ yeniŋkulemaguk, ‘Ai! I nadiyamuk! Hidi yanolitdigoŋ maŋgoŋde mindobu tamuk?’

27“Unduŋ yenimbune me noli mik tuguk adi Moses silonetukula indin niŋguk, ‘Du neeŋdi indi nibudokoweŋ yoŋa talitimeŋ gameŋak kaŋ bu yolaŋ. 28Be da kwe Isipniŋ me niŋ ulukumunŋuŋ unduŋ-ku be nulukumumbene buŋa ya tilaŋ.’

29“Unduŋ nimbune Mosesdi mede u nadiŋa munta tiŋa momoŋ Midiande uguk. Uŋoŋ wooŋ hatibune mihiniyat lufom mintagumuk 30kaŋ hatibu gulet 40 dapmaune Sainai kweboboe gagayeŋ kwet fiileŋ uŋoŋ bem daune aŋelodi Moses kudumbem gineŋ mintamiŋguk. 31Mintamimbune Moses adi kaŋ boho tiŋa yamaŋgoŋ wooŋ baigoŋ kadakalewit yo uguk kaŋ Wapumdi indin niŋguk, 32‘Nu papageye Abalaham, Aisak, eŋ Jekop heki’walaŋ Bepaŋ.’

“Unduŋ nimbune Moses adi muntaŋ hehele tiŋa uŋandiŋ mu diweguk. 33Kaŋ Wapumdi niŋguk, ‘Kwet yayat tilaŋ uyadi uŋgoniŋ doktiŋa kayoŋnamokopge kwihikut tibeŋ. 34Nu metamneye Isip uŋoŋ kwanaimiŋ kadakanin hinek tiŋa katibulabulaye tiŋ u kaŋ nadiŋa yehitubu-lodawe foŋat ale buune ganiŋkule Isipde weŋ.’

35“Kaŋ Isilaehi adi Mosesdi talitimeŋ yayatdok moŋ nadiŋa indin niŋiŋ, ‘Du neeŋdi indi nibudokoweŋ yoŋa talitimeŋ gapmeguk!’ Adi unduŋ yogin iŋgoŋ Bepaŋ ne Mosesdi talitimeŋ tiyemiŋa yabudokoŋ yanagitdok yoŋa Aŋeloŋiŋ niŋkulune kudumbem gineŋ mintamiŋguk. 36Bepaŋdi nindapmaguk wondok tuwot wooŋ metamŋiye yanagila kudi titiŋdegoŋ eŋ mu titiŋdok u Isip kwetneŋ eŋ Imeŋgwaŋ Giminiŋ gineŋ eŋ kwet fiileŋ gulet 40 wondok tuwot yanagila titauguk.

37“Mosesdigoŋ Isilaehi metam indin yeniŋguk, ‘Bepaŋdi kougoŋ polofet niŋ nu napmeune buŋa hanagitat undugoŋ hinek hide’walaŋ lekiŋgoŋhik gineniŋ niŋ tubumintaŋaŋ kamehambune baik.’

38“Moses adi Isilaehi metam kwet fiileŋ yanagi uguk. Wooŋ Sainai kweboboe foloŋ loune Aŋelodi Bepaŋ’walaŋ hatihati fafaŋeniŋ diniŋ mede u nimbune tiŋa foŋ Isilaehi yeniŋguk. 39Unduŋ tuguk iŋgoŋ adi medeŋiŋ mu nadiŋa sigilulum timiŋa kotigoŋ Isipde momoŋ uuŋdok yoŋa 40Alon indin niŋiŋ, ‘Moses adi Isipniŋ ninigila buŋak, buŋa kweboboe gineŋ loŋak loŋak debek tiŋa mu bulak. Ale bepaŋnik neeŋ tutumbanimbune adi talitimeŋ tinimbune unim.’ 41Unduŋ yobune kohohikdi makau mihiniŋ welewele tiŋa kameeŋ kale muni hemeŋa hinaŋ wapum tigiŋ. 42Unduŋ tigiŋ kaŋ Bepaŋ adi sigilulum tiyembune bamholiŋa heki yeniutumbagiŋ. Mede u koom polofet heki’walaŋ pepa gineŋ youkiŋ undugoŋ hinek mintaguk. Indin youkiŋ, ‘Isilaehi metam, hidi kwet fiileŋ gulet 40 wondok tuwot kale widihina muni hemeŋ u nutok tiŋa mu tigiŋ. Mokoŋ. 43Hidi Molak’walaŋ seliyot bemŋa bepaŋ yalayalaŋ yeniutumbaŋ bamholiŋa bepaŋhik Lefan weleweleŋiŋ niutumbagiŋ. Unduŋ tigiŋ doktiŋa nu Bepaŋhikdi mede indin yofafaŋelat. “Hehikelekule Babilonde wooŋ kwanai tuwaŋit mokit tineeŋ.” ’ ’

44“Mamani-papaniye adi kwet fiilenj danj yauginj indigonj Bepanj’walañ seli yot mayaginj. Bepanjdi Moses seli yot namandap dediniñ mamañdok ninguk wondok tuwot mayaginj. 45Kañ mihihiedibo Silonyot selidi maginj unakonj uyali tiña Josuwa dut woony Bepanjdi yehitubu-lodaune metam niñ itowaginj yehikelegukneñ Josuwa hekidibo woony kwet unakonj kahileej ikinj. Ilaña Silonyot selidi maginj unakonj yali ulune Dewitdi mapme mintaguk. 46Kañ Bepanjdi Dewit kaune utumbaguk. Unduñ tubune Dewitdi Bepanjdok Silonyot fafañej kedem be mawit yoña Bepanj ninadiguk. 47Ingonj mihiniñ Solomondi mindanj maguk.

48“Unduñ tiginj ingonj Bepanj Lolonit adi koom polofet hekidi yoginj unduñ mehinekdi yot mainneñ unonj mu itoulak. 49Wapumdi indinj yoguk, ‘Kunum adi popne ungoninj eñ kwet adi kayone yaliña ikula tilat. Hakuladok kwet danjonj tutumbanamneñ eñ yot dediniñgonj manamneñ? 50Kunumkwet wa nagonj yehitubu-mintagut.’

51“Kihiwom fafañehi hidi! Sigihik gitnem gineñ fek tiña ‘Inde Bepanj’walañ medeñinj tagimneyam’ yoinj, ingonj welehiñ mu tubutakaleinj doktiña Bepanj’walañ mede mu nadiinj. Hidi adi hide papahiye dabugonj. Ungoninj Munabulidi nemek kedem titindok hanimbu mu tiinj. 52Koom polofet heki hatiginj u hidi papahiyedigonj mube widihi yehitubu-kadakatabuginj ale? Polofet me noli Bepanj’walañ Me Didimeninj baak wendok yoyuginj adi maanj, hidi papahiyedigonj widihikumunjinj kañ kobuk foloonj aganj hide yalañ niña ulukumunjinj. 53Bepanj’walañ Yodoko Mede añelodi aganj hamguk ingonj mu tagimneinj.”

Stiwen kawadedi ulukumunjinj

54Me wapuhi bop tiña ila Stiwen’walañ mede u nadiña welehiñ kadakaune mahik sikilitiña kwihitanonj kaginj. 55Kañ Stiwen adi Ungoninj Munabulidi welenj maaneñ fotokoguk kañ adi kunum folonj diweeñ Bepanj’walañ sañiniñ gineñ kaune Jesu adi Bepanj kohonj didimeniñneñkade yakuk. Kañ yeninguk, 56“Gu kanenj! Kunum dilitombu kawe Me Kobumunj adi Bepanj kohonj didimeniñneñkade yatak.”

57Unduñ yenimbune me wapuhi adi magihik teheña pilali kakaliña Stiwen yakukneñ woony 58honeeñ silonetaune yokwet magineñ foune kawade mongola ukinj. Kañ me yalañ mede niñginj heki adi dahidahi wahiniñhik kwihiniña mongola me wou Sol adi yabudokowek yoña boiña woony 59kawadedi ha utu utu Stiwen adi Wapum indinj ninadiguk, “Wapum Jesu, du munabuline nagilenj.”

60Unduñ ninadiña mulelem tiña wapumgonj indinj kutiguk, “Wapum, du kadakaniniñhik i biyembenj.” Unduñ kutiña kumuñ tuguk.

Soldi metam nadisukilitihinit yehitubu-kadaka tiyauguk

8 1 Unduñ tubune Sol adi Stiwen ukiñdok welemomoonj nadiguk. Nai unaniñgonj Jesu’walañ kayonbop Jelusalem maaneñ hatiyaginj

folofigita wapum yemiņa yehitubu-kadakaune momoņ Judiya eņ Samaliya kwetneņ udapmagiņ, kaņ Aposel heki hogok adi Jelusalem uņoņ hatigiņ. ²Kaņ me noli Bepaņ'walaņ titiņņiņ kelen tagiņ adi Stiwen makunum timiņa bemņa wooņ wenefulagiņ. ³Unduņ tigiņ kaņ Sol adi Jesu'walaņ kayoņbop yehitubu-kadakawe yotyot indigoņ looņ me be tam Jesu nadisukilitimiyagiņ yanagila wooņ yot fafaņeniņneņ yapmeluguk.

Samaliyahidi Jesu'walaņ Mede Momooņ nadiņa nadisukilitigiņ

⁴Unduņ tulune me Jesu nadisukilitimiyagiņ adi kwetkwet wooņ metam Jesu'walaņ Mede Momooņ yenhautagiņ. ⁵Kaņ Filip adi wooņ Samaliyahid'walaņ yokwet wapumneņ uņoņ Kilisto'walaņ Mede Momooņ yeniyeniņ tiņa ⁶⁻⁷kudi tubune yabap kadakahi mehinek fe'walaņ welehik maaneņ yakawe wapum toņa labuņa buņa wagiņ, eņ me noli foloohik diki kumuhi eņ me noli talik mu yawagiņ u yehitubu-kedebaguk. Unduņ tubune metam adi kabup ilaņa medeņiņ nadiņa kudi u kagiņ. ⁸Unduņ tiņa metam uņahi adi nadifo wapum tigiņ.

⁹⁻¹⁰Me niņ uņoņ hatiluguk wou Saimon, adi nemek kahaņkahaņ moņgo hatiluguk kaņ metam uņoņ hatiyagiņ adi Saimondok nadimimbune uņgoņiņ hinek tuluguk. Me loloņnit be fofoņnit uņoņ itowagiņ adi Saimondi nemek tuluguk u kabup hinek ilaņa kayagiņ. Unduņ tiņa ne me loloņnit hinek yoluguk kaņ metam adi me i bepaņ'walaņ saņiniņ wapum yoiņ uku kame hatilak yoyagiņ. ¹¹Nai kweheyeņiņ hinek kwanai u titabuguk doktiņa metamdi adi'walaņ mede nadiyagiņ.

¹²Iņgoņ Filipdi Bepaņ'walaņ Hatihati Uņgoņiņ diniņ eņ Jesu Kilisto'walaņ Mede Momooņ yenimbune u nadisukilitiņa me be tam Imeyout tigiņ. ¹³Kaņ Saimon ne maaņ undugoņ nadisukilitiņa Imeyout tiņa Filip keleyauņa Bepaņ kunumneņiņ'walaņ kudi mebimebi tiyauguk u yabuņa nadiune uņgoņiņ hinek tuguk.

¹⁴Unduņ tiņa hatilu Aposel Jelusalem hatigiņ adi Samaliya metam Mede Momooņ nadiņa Imeyout tigiņ, adi'walaņ kahathik nadiņa Pita dut Jon yeniņkulu ugumuk. ¹⁵⁻¹⁶Wosuwaan metam Jesu Kilisto wou gineņ hogok Imeyout tigiņ doktiņa Uņgoņiņ Munabuli foyembek yoņa Bepaņ ninadi kwanai tugumuk. ¹⁷Tiņa kohohik metam kihik foloņ kameune Uņgoņiņ Munabuli foyemguk.

¹⁸Pita yakatdi kohohik metam kihik foloņ kameune Uņgoņiņ Munabuli moņgolune Saimondi u yabuņa muneeņ Pita dut Jon yemiņa yeniņguk, ¹⁹“Saņiniņ nutok maaņ nambune kohone mehinek kihik foloņ kamewene Uņgoņiņ Munabuli moņgokaneeņ.”

²⁰Unduņ yeniņguk kaņ Pitadibo niņguk, “Du Bepaņ'walaņ welesiloņ u muneeņdi tuwadok nadisuņa yolaņ doktiņa muneeņge bumbut hamdok gigit tibaaņ. ²¹Du welegedi Bepaņ'walaņkade didime mu tilak doktiņa indi kwanai tamut i diki du mu gohonewek. ²²⁻²³Du saņiniņ

undiniŋ u tiŋa da sigige tilolonŋdok nadilaŋ eŋ kadakanŋ hogoli hinekdi gehifolokenelak doktiŋa nadihebetge hogoli i sigilulum timiŋa Wapumdi nadinadi kadakanŋ undiniŋ tilaŋ u bigamdok ninadiweŋ.”

²⁴Unduŋ nimbune Saimondibo Pita dut Jon yeniŋguk, “Hidi Bepaŋ ninadiune nemek undiniŋ mu mintanambaak.”

²⁵Aposel yakat adi Wapum’walaŋ mede yeniŋa koti Jelusalemde ugumuk. Talipmeŋ uŋjila Samaliya maaneŋ yokwet fee ila ugiŋneŋ woŋ Mede Momooŋ yeniŋtaugumuk.

Filipdi Itiopianiŋ me loloŋnit niŋ Mede Momooŋ nindakaleguk

²⁶Adi unduŋ titaulune Filip adi Wapum’walaŋ aŋelodi buŋa niŋguk, “Tiulidoko tiŋa pilali talik Jelusalem woŋ Gasa wosuwalak u keleweŋ.” (Talik u kwet fiilenkade ulak.)

²⁷Unduŋ nimbune Filip adi tiulidoko tiŋa uguk. Woŋ Itiopiahi’walaŋ Tam Wapme^f diniŋ me loloŋnit, muneŋ bombon yabudoko tuluguk, adi Jelusalemde Bepaŋ niutumbawe uguk ²⁸ala kaliŋiŋ^g foloŋ buguk. Talipmeŋ buŋjila pepa niŋ koom polofet Aisaiyadi youkuk u kunatabuguk. ²⁹Kaŋ Uŋgoniŋ Munabulidi Filip niŋguk, “Du woŋ kali ila ulakneŋ uŋgoŋ ya naditaweŋ.”

³⁰Unduŋ nimbune Filip adi kiyaneŋ woŋ yamaŋgoŋ ya naditulune me u polofet Aisaiyadi Youkudip tuguk u kunalu nadiŋa niŋguk, “Du nemek kunataŋ u maŋbe nadidakalelaŋ?”

³¹Unduŋ nimbune yoguk, “Na dediŋ tiŋa nadidakalewit yoŋa yolaŋ. Nebek niŋdi nanindakaleune kedem nadidakalewit oŋ.” Unduŋ yoŋa Filip nimbune loŋ nonŋoŋ ikumuk. ³²Mede kunakuk u polofetdi indiŋ youkuk.

“Me u nagila woŋ dompa widihikumiŋ unduŋ timiŋiŋ. Adi nagi uune dompa mihiniŋ dumuniŋhik dobune mede mu toiŋ unduŋ tuguk, ³³eŋ yalaŋ niŋa folomeka wapum hinek miŋiŋ. Adi hatihatiniŋ kwetfoloŋ iŋoŋ agaŋ dapgaguk doktiŋa nediyeŋdi kunali nadidakaleeŋ naŋgat dikiŋiye yenindakalewaak?”

³⁴Mede u kunali me muneŋ yabudoko tuluguk adi Filip indiŋ ninadiguk, “Mede i netok be youkuk, be me niŋdok youkuk u nanimbu nadiwit.”

³⁵Unduŋ nimbune Filipdi uŋgoŋ tububihila Jesu’walaŋ Mede Momooŋ u niŋguk. ³⁶Nintafofoyeŋ ime niŋ gineŋ fosuwaŋ me muneŋ yabudokolugukdi Filip niŋguk, “Ime yoŋ, maŋgoŋdi Imeyout titiŋdok kamehep tinamulak?”

³⁷[Unduŋ yobune Filipdibo niŋguk, “Welegedi nadisukilitidapmaŋ kedem Imeyout tibeŋ.”

^f 8:27 Itiopiahi’walaŋ Tam Wapme, wou Kandasi. ^g 8:28 Kaliŋiŋ wou kalis, wosi hekidi yehihamaneŋ yawagiŋ.

Unduŋ yobune yoguk, “Nu Jesu Kilisto Bepaŋ mihinŋiŋ u nadisukilitimilat.”]

³⁸Unduŋ yoŋa dalaiwa nimbu wosi tawahik hamaneune kali uŋgoŋ kilitiŋa yalune fooŋ Filipdi me loloŋnit u Imeyout timiŋguk. ³⁹Imeyout tubudapmaanŋ labune Wapum’walaŋ Munabulidi buŋa Filip nagila uguk kaŋ me loloŋnit adi kotigoŋ mu kaguk, tiŋa nadifo wapum tiŋa uguk. ⁴⁰Uŋgoŋiŋ Munabulidi Filip nagi wooŋ Asdot kameune yokwet indigoŋ wooŋ Mede Momooŋ yotauyeŋ Sisaliya yokwetneŋ wosuweguk.

Wapum Jesudi Sol mintamiŋa mede niŋguk

(Aposel 22:6-16; 26:12-18)

9 ¹Filip adi unduŋ tulune Sol adi Jelusalem uŋgoŋ metam Wapum nadisukilitimiyagiŋ yanagila yot fafaŋeniŋneŋ yapmeeŋ widihikumunŋ tibe yoluguk. ²Ala heleniŋ Siloŋyot diniŋ Talitimeŋ Wapum’walaŋ loune yodakale pepa youlimimbu tiŋa wooŋ Judahi’walaŋ bopyot hogohogok diniŋ talitimeŋ heki Damasko uŋgoŋ yembu kaune metam momoŋ wooŋ Damasko uŋgoŋ Wapum’walaŋ talik keleyagiŋ u yanagila kotigoŋ Jelusalemde buŋa yot fafaŋeniŋneŋ yapmeŋdok yoŋa nimbune youlimiŋguk.

³Youlimimbune tiŋa wooŋ Damasko yokwet wapum tubudulaanŋ talipmeŋ ila ulune pilap hinek hauta kunum gineniŋ fooŋ folooŋ foloŋ hautaune ⁴maanŋ kwetfoloŋ hali nadilune mede niŋ kunum gineniŋ indiŋ foguk, “Sol, Sol, du maŋgoŋde nula nehikele ti-hatilaŋ?”

⁵Unduŋ nadiŋa Soldibo yoguk, “Me wapum, du nedigoŋ?”

Unduŋ yonadiune Jesudi indiŋ niŋguk, “Nu Jesu. Du nula nehikele ti-hatilaŋ, nukuyoŋ! ⁶Ale pilali yokwet maaneŋ foune maŋgoŋ titiŋdok u uŋgoŋ ganineeŋ.”

⁷Unduŋ tubune me Sol dut ugiŋ adi mede mu yoŋa hogok yakiŋ, yali mede mintaguk hogohogok u nadigiŋ iŋgoŋ nebek nemu kagiŋ.

⁸Kaŋ Sol kwetfoloŋ maanŋ hakukneneŋ pilali diweguk iŋgoŋ dawi subudapmaune nemek nemu kaguk. Kaŋ me adut ugiŋdi kohoŋ foloŋ hamaneeŋ wooŋ Damasko wosuwagiŋ. ⁹Wooŋ helebufa lufomkulitniŋ nanaje ime mu naaŋ hogok itouguk.

¹⁰Kaŋ uŋgoŋ me niŋ Wapum’walaŋ talik keleluguk wou Ananiya, adi Bepaŋdi nadinadiŋiŋ tubutumbu nemek lihine foloŋ dabugoŋ indiŋ kaguk: Wapumdi indiŋ niŋguk, “Ananiya” nimbu yoguk, “Wapum, nu yoŋ” yoguk ¹¹kaŋ niŋguk, “Tiulidoko tiŋa talik wou Talik Didimeneŋ yoŋneŋ uŋgoŋ wooŋ Judas yolineŋ looŋ me Tasusniŋ wou Sol, aditok yonadiweŋ. Adi uŋgoŋ hali ninadi kwanai tilak. ¹²Kaŋ nu nadinadiŋiŋ tubutombe lihine foloŋ dabugoŋ indiŋ kaŋjak: me niŋ wou Ananiyadi wooŋ kohoŋ folooŋ foloŋ kameune kedem diwedakaleŋjak. Ale weŋ.”

¹³Wapumdi unduŋ nimbune Ananiyadi yoguk, “Wapum, nu metam feedi me u metamgeye Jelusalemhi nemek kadakaniŋ hinek tiyemiŋa

¹⁴İngon maan metamgeye undugon tiyembe me Silonjot dinij talitimen hekidi sanjiniŋ miŋa nindapmau buŋak, yobu nadiŋatneŋ.”

¹⁵Unduŋ yoguk kaŋ Wapumdibo niŋguk, “Fiit weŋ. Nagon me u wotnene metam nu’walaŋ fekhinit mokit eŋ me mapmehiye lolonjhinit eŋ Isilaehi yenimbu nadineeŋ yoŋa nindapmagut. ¹⁶Kaŋ nu na kougouŋ nutok tiŋa folofigita nadiwaak u nimbe nadiwek.”

¹⁷Unduŋ nimbune Ananiya adi mede nadiŋa wooŋ yopmaŋ fooŋ kohon Sol folooŋ foloŋ kameeŋ niŋguk, “Notne Sol, nu Wapum Jesu, talipmeŋ mintagamguk, ne naniŋkulune bulat. Nu bene du dauge kotigouŋ kedem diwedakaleune Uŋgoniŋ Munabulidi fotokigambek yoŋa nanimbu bulat.”

¹⁸Unduŋ nimbune nemek pisi kolopŋiŋ dabugouŋdi Sol dawı gineniŋ kagiyali maan foguk kaŋ kotigouŋ diwedakaleguk. Unduŋ tiŋa pilali yalu Imeyout timimbune ¹⁹nanaje naan sanjiniŋnit tuguk.

Soldi Damasko uŋon Jesu’walaŋ Mede Momoon sanjiniŋnit yohautaguk

²⁰Unduŋ tiŋa helebufa lufom-kabe metam nadisukilitihinit dut Damasko uŋon hatiŋila Judahi’walaŋ bopyot indigouŋ tuwot wooŋ Jesu’walaŋ Mede Momoon yohoutaan “Jesu adi biyagouŋ hinek Bepaŋ’walaŋ mihiniŋ” yeniŋguk.

²¹Unduŋ yobu metam hogohogok uŋon hatigiŋ adi medeŋiŋ nadiŋa boho tiŋa yogiŋ. Me i Jelusalem uŋon metamdi Jesu nadisukilitimiŋa tubune widihiŋa yanagila yot fafaŋeniŋneŋ yehidahinjak yoŋit, me inakon bidak? Eŋ inon metam nadisukilitihinit yanagila Jelusalemde we buŋak, inon deti unduŋ tilak?

²²İngon Sol adi Jesu’walaŋ Mede Momoon sanjiniŋnit hinek yohoutaan yeniŋguk, Kilisto adi Jesu uŋakon. Unduŋ yenimbune Judame uŋon hatiyagiŋ adi u nadiŋa mede toboniŋ tubu-udanemiŋdok lohi tigiŋ.

²³Unduŋ tiŋa hatigene Judame heki adi Sol uurdok yoŋa bopneeŋ mede yohebet tigiŋ. ²⁴İngon Sol adi mede yohebethik u agaŋ nadiguk. Kaŋ Judame heki adi helebufa indigouŋ Sol uurdok yoŋa yokwet wapum diniŋ gimbaŋaŋ yeyemeŋ woomiyagiŋ. ²⁵Unduŋ doktiŋa heleniŋ timiŋ me Sol dut hatiyagiŋ adi nagi wooŋ bondibondi gineŋ kameeŋ tawa tehiŋa yokwet wapum diniŋ gimbaŋaŋ fatna kapmaune fooŋ kwetfoloŋ fosuwaguk.

Sol adi Jelusalem uŋon Jesu’walaŋ Mede Momoon yohautaguk

²⁶Unduŋ tiŋa momon tiŋa Jelusalemde wooŋ metam nadisukilitihinit uŋon hatigiŋ yehitomboyoule tuguk inon yalaŋ bidak tilak yo kaŋ munta tigiŋ. ²⁷Kaŋ Banabasdi buŋa tubulodaan nagila wooŋ Aposel heki hakiŋneŋ uune Soldi Wapum ne talipmeŋ uŋon dediŋ timimbu kaguk, eŋ Wapumdi mede dediŋ niŋguk u maan yenimbu nadigiŋ. U yeniŋa Damasko uŋon Jesu wou be Mede Momoon munta mokit yohautaguk

wendok maan yenimbu nadigin. ²⁸U yeniņa Sol adi Aposel heki dut unjon itouņa Jelusalem maaneņ munta mokit yaudapmaan Wapum wou foloņ Mede Momooņ yeniyauguk. ²⁹Judame heki Gilik mede yoyagin adut maan munta mu tiņa mede gineņ siwe tuluguk doktiņa uutdok talik lohigin. ³⁰Unduņ tubune me noliņiye adi u tubumintaan nagi wooņ Sisaliya unjon kameune Tasusde uguk.

³¹Nai unaniņ kayoņbop Judiya, Galili eņ Samaliya maaneņ hatiyagin, adi kulema mintayemguk. Mintayembune Unjonin Munabulidi yehitubulodaune metam'walaņ yokunathikdi wapum tuguk. Kaņ metamdi Wapum Jesu adi me loloņnit hinek unduņ nadi-muntaan medeņin takaliņa hatigin.

Pitadi Bepaņ Kunumneniņ'walaņ kudi tuguk

³²Pita adi kwetkwet yaudapmaan, heleniņ Bepaņ'walaņ metam Lida unjon itowagin yabe uguk. ³³Unjon wooņ me niņ wou Ainea kaguk. Me u kayoņ kumuhi doktiņa gulupņin gineņ hogok itoune gulet 8 dapguk. ³⁴Me u wokaan niņguk "Ainea, Jesudi gehitubu-kedebalak ale pilali gulupge woben." Unduņ nimbu Ainea pilakuk. ³⁵Pilalu metam Lida eņ Selon yokwetneņhi adi u kaņ Wapum nadisukilitimigin.

³⁶Yopa yokwetneņ unjon tam niņ hatiluguk, wou Tabita (Gilik mede gineņ Dokas), tam adi nadisukilitinit. Adi helemahelamaņ metam fiywakahi momooņ tiyemiņa yehitubulodaluguk. ³⁷Ala nai unaniņ yagit tiņa kumumbune sigin gitnem youtela tiņa looņ yot kiwahiņ ala yotmaan wahiņ wendok kamegin.

³⁸Yopa yokwet adi yamaņgoņ ala metam nadisukilitihinit unjon hakiņdi Pita Lida unjon hatak nadiņa meyat lufom yeniņkulune wooņ kaņ niņgumuk, "Pilap hinek indi gut wooņ nihitubu-lodaweņ." ³⁹Unduņ nimbune tiulidoko tiņa nongoņ Yopade ugin. Wosuwaune Pita nagila yotmaan wahiņ login. Losuwaune tam kahat heki Dokasdi dahidahi tibineyemguk u mimbune yabune makat ila kokiņ.

⁴⁰Unduņ tigin kaņ Pitadi yeniņkulu foudapmagin kaņ mulelem tiņa Bepaņ ninadiguk. Ninadiņa udaneņ dabaņ hakukneņkade diweeņ niņguk, "Tabita, pilat." Nimbune dawi diweeņ Pita kaņ pilali ikuk. ⁴¹Kaņ Pitadi kohoņ kihilali hamaneune pilali yakuk. Unduņ tiņa tam kahat nadisukilitihinit heki eņ metam noli nadisukilitihinit kutiyenimbu buune Tabita agaņ kaikaguk u yenimbu kagin. ⁴²Kaņ gigit wondi Yopa maaneņ hautadapmaune metam feedi Wapum Jesu nadisukilitimigin.

⁴³Unduņ tiņa Pita adi me niņ wou Saimon, adi kale gitnem kwanai tuluguk^h, adut helebufa fee hinek itougumuk.

^h 9:43 Kale gitnem kwanai u yadi indinok yolak. Koom makau eņ dompa gitnem kweheneņ mele foloņ boiune dasilidaune Seliyot eņ kayoņnamokop eņ nemek noli maan tibineyagin.

Koniliyasdi Pitadok mede kamemimbune wooŋ kaguk

10 ¹Sisaliya uŋoŋ me niŋ hatiluguk wou Koniliyas, adi Loma mikme bop wohik Itali Mikme yeniyagiŋ'walaŋ talitimeŋ. ²Adi ne tiŋa wapmihiniŋ-tam Bepaŋ kunumneniŋ gikiŋgoŋ timiŋa niutumbayagiŋ, eŋ Juda memetam fiyewakahi siloŋ tiyemiluguk, eŋ Bepaŋ helemahelamaŋ ninadiluguk. ³Ala heleniŋ 3 kilok tebele Bepaŋdi nadinadiŋiŋ tubutombu nemek lihine foloŋ dabugoŋ indiiŋ kaguk: Bepaŋ aŋeloŋiŋdi buŋa indiiŋ niŋguk, “Koniliyas”.

⁴Unduŋ nimbune munta tiŋa uŋgoŋ kahohoŋe tiŋa yoguk, “Wapum, maŋgoŋ?”

Yobune aŋelodibo niŋguk, “Bepaŋ adi fiyewakahi yehitubu-lodaaŋ momooŋ tiyemilaŋ eŋ Bepaŋ ninadilaŋ wondok nadiune momooŋ tilak doktiŋa medege agaŋ nadilak. ⁵Unduŋ doktiŋa du me neeŋ yeniŋkulune Yopade wooŋ me niŋ wou Saimon Pita kaŋ nagi buneeŋ. ⁶Adi, wou yolineŋ nalum buŋa hatak. Wou adi imenŋgwaŋ gagayeŋ itouŋa kale gitnem kwanai tilak.”ⁱ

⁷Unduŋ niŋa aŋelo adi kotigoŋ uguk, kaŋ Koniliyas adi tipilapilaye-meŋiŋ lufom eŋ ne'walaŋ mikme bop gineniŋ me Bepaŋ gikiŋgoŋ timiluguk niŋ yenimbu bugiŋ. ⁸Buune nemek mintaguk u yeniŋa yeniŋkulune Yopade ugiŋ.

⁹Heleune Yopa tubudulalu mele lekiŋgoŋ ilune Pita adi Bepaŋ ninadiwe yot ki foloŋ loguk. ¹⁰Nanaŋe kougoŋ tiulidokolu map nadiune Bepaŋdi nadinadiŋiŋ tubutombu nemek indiiŋ kaguk: ¹¹kunum dilitombune molom diniŋ saŋiniŋ nemek haule batei dabugoŋ diki lufolufom gineŋ honekilitiniŋ kameu fou kaguk. ¹²Maaneŋ uŋoŋ miŋgembet, kale, bagi mebimebi boigiŋ. ¹³U yabuŋa nadilu mede niŋ indiiŋ mintaguk, “Pita, pilali widihiŋa hinaweŋ.”

¹⁴Mede unduŋ mintaguk kaŋ Pitadi yoguk, “Wapum, koom Mosesdi kamehep tinimguk doktiŋa nu nemek undihi-kabe nemu nakagut.”

¹⁵Unduŋ yobu kotigoŋ yoguk, “Bepaŋdi nemek kedem yolak kaŋ du maŋgoŋde moŋ yolaŋ?” ¹⁶Nemek u nai lufomkulitniŋ mintaune kotigoŋ kunum gineŋ hamaneune udaneŋeŋ loguk.

¹⁷Unduŋ tubune Pita adi nemek u mintaguk mebi nadiwit yoŋa hanadisulu me Koniliyasdi yapmeune ugiŋ adi wooŋ Saimon yoli kaŋ yeyemeŋ woyakiŋ. ¹⁸Yaliŋa indiiŋ yonadigiŋ, “Me nalum niŋ wou Saimon Pita, adi iŋgoŋ be hatak?”

¹⁹Nai uŋaniŋ Pita adi nemek lihine dabugoŋ wondiniŋ mebi nadiwe nadinadi kwanai hatuguk. Kaŋ Munabulidi indiiŋ niŋguk, “I kalaŋ! Me lufomkulitniŋ adi du golohitabiŋ, ²⁰ale tiulidoko tiŋa fooŋ yabune uuŋdok yoneŋ, kaŋ kibida mu tibeŋ. Mewoi u nagoŋ yenimbe buŋit.”

ⁱ 10:6 Kale gitnem kwanai diniŋ yodakale mede 9:43 gineŋ kunali nadiweŋ.

²¹Unduŋ nimbune Pita adi fooŋ yabuŋa yeniŋguk, “Hidi me lohitibaŋ nu iŋakoŋ ale maŋgoŋde buŋit? U kedem nanineŋ.”

²²Unduŋ yenimbune adibo niŋgiŋ, “Mikme’walaŋ talitimeŋ Koniliyasdi ninimbune bumun. Adi me momooŋ, Bepaŋ niutumalak, eŋ Judame hekidi nadimimbu loloŋnit tubu momooŋ timiŋ. Bepaŋ’walaŋ aŋelo uŋgoŋiŋdi indiiŋ niŋguk, du ganimbune adi yolineŋ wooŋ mede yobune nadidok niŋguk doktiŋa niniŋkulune bumun.”

²³Unduŋ niŋgiŋ kaŋ Pitadibo yahaŋeeŋ yopmaŋ yapmeeeŋ uŋgoŋ deikiŋ, ala heleune tiulidoko tiŋa noŋgoŋ ugiŋ, kaŋ me Yopahi noli nadisukilitihiniŋ noŋgoŋ yehikeleeŋ ugiŋ. ²⁴Ugiŋ kaŋ heleune Sisaliya uŋoŋ Koniliyas adi wapmihiŋiŋ-tam tiŋa meŋimeŋiye eŋ me noliŋiye yehibopneeŋ woom halu wosuwaŋiŋ. ²⁵Wosuwaŋ Pita yot maaneŋ fowe tubune Koniliyas adi mulelem timiŋguk. ²⁶Kaŋ Pitadi honeŋ tubupilalu yalu niŋguk, “Nu maŋ me iŋgoŋ, ale unduŋ mu tinambeŋ.”

²⁷Mede niŋila niŋila yot maaneŋ fooŋ kalu metam fee bopneeŋ hakiŋ. ²⁸Yabuŋa yeniŋguk, “Hidi agaŋ nadiiŋ, Judame adi me Bepaŋ’walaŋ feknit mokit adigut menot titiŋdok moŋ yoiŋ. Iŋgoŋ nu Bepaŋdi nemek undiniŋ u mu kelej titiŋdok naniŋak. ²⁹Unduŋ doktiŋa hidi nutok mede kamenamuŋit kaŋ lakata mu tiŋat. Ale haninadiwit, hidi maŋgoŋde nutok mede kamenamuŋit?”

³⁰Unduŋ yeniŋguk kaŋ Koniliyasdi yoguk, “Helebufa lufolufom agaŋ ulak, wendok maaneŋ heleniŋ 3 kilok tebele Bepaŋ ha-ninadiluwene me niŋ tinahukut fafau hinek tiŋa buŋa namandatne foloŋ yali yoguk, ³¹‘Bepaŋ adi medege agaŋ nadiŋa fiyewakahidok momooŋ tiyemilaŋ wendok welemomooŋ nadilak. ³²Ale nebek neeŋ yeniŋkulune Yopade wooŋ me niŋ Saimon wou noli Pita adi wou yolineŋ nalum buŋa hatak wooŋ nagila buneŋ. Wou adi imeŋgwaŋ gagayeŋ itouŋa kale gitnem kwanai tilak.’” ³³Unduŋ naniŋguk doktiŋa pilap hinek me yapmewe ganagitne ugiŋ. Kaŋ du mede nadiŋa buŋaŋ. Ale indi Bepaŋ iŋgoŋ nibudokoune bopneeŋ ilaŋa Wapumdi mede ganiŋguk u ninimbu nadinim yoŋa woomgamam.”

Pitadi Koniliyas yolineŋ Jesu’walaŋ Mede Momooŋ yohautaguk

³⁴Unduŋ nimbune Pitadibo mede tububihila indiiŋ yoguk, “O, kobuk agaŋ kadakalelat. Biyagoŋ hinek, Bepaŋ adi metam hogohogok talik kubugoŋ keleeŋ yabudokolak. ³⁵Tiŋa metam hogohogok kwetkwet hatiŋ indigoŋ, nebek niŋdi Bepaŋ niutumbaŋ titiŋ didimeŋiŋ tilak adi Bepaŋdi kaune utumba tilak. Uŋoŋ kamehep nemu hatak. ³⁶Hidi Bepaŋdi Isilaehidok mede kameune hautaguk u agaŋ nadiiŋ. Mede u indiiŋ: Jesu wou foloŋ Bepaŋ’walaŋ welekulema mintalak. (Adi

^j 10:32 Kale gitnem kwanai diniŋ yodakale mede 9:43 gineŋ u kunali nadiweŋ.

kunumkwet diniŋ Molom.)³⁷ Tiŋa hidi Jon Imeyout Tububihitdi mede yobune mindanŋkade nemek Galili eŋ Judiya maaneŋ mintaguk u maan agan nadiiŋ.³⁸ Hidi Jesu Nasaletniŋ adi Bepaŋdi Uŋgoniŋ Munabuli kamemiŋa saŋiniŋ miŋguk u agan nadiiŋ. Bepaŋdi adut hatiguk doktiŋa kwetkwet wooŋ metam momooŋ tiyemiŋa me kadakaniiŋ'walaŋ saŋiniŋ gineniŋ yanagikuk.³⁹ Indi adi nemenemek Jelusalem eŋ Judiya maaneŋ tugukdok sigiyakadi timiyam. Adi unduŋ tubune kolonŋdabek foloŋ ulukumunŋgiŋ.⁴⁰ Inŋoŋ helebufa lufomkulitniŋ dapmaune Bepaŋdi tubupilalune⁴¹ me sigiyakadi timindok hogok mintayemiŋa nanane ime noŋgoŋ nagiŋ, u adi indikuyoŋ. Metam noli moŋ. Nihidane tuguk indi hogok.⁴² Indi yadi metam Mede Momooŋ indiŋ yenindidimeeŋ yenihautadok niniŋguk. Jesu adi Bepaŋdi mehinek kaipmuŋ hatiŋ eŋ kumuŋ tigiŋ adi'walaŋ mede nadinadi tibaak nindapmaguk u yohautadok niniŋguk.⁴³ Polofet hogohogok adi indiŋ yohautagiŋ, metam nediyeŋ Jesu nadisukilitimiyaneŋ adi kadakaniiŋhik Jesu wou foloŋ tumolokuyemdok.”

⁴⁴Pita adi mede yayolune Uŋgoniŋ Munabuli adi metam uŋoŋ hakiŋ hogohogok welehik maaneŋ foguk.⁴⁵ Unduŋ tuguk kaŋ Judame nadisukilitihiniŋ Pita dut bugiŋ adi Bepaŋdi Uŋgoniŋ Munabuli Judahi'walaŋ fekhiniŋ mokit kameyembu foune⁴⁶ mede mebimebi gineŋ wou niŋa tilogiŋ yabuŋa boho tigiŋ.

Boho tubune Pitadi indiŋ yoguk,⁴⁷ “Metam i agan indi tugumun undugoŋ Uŋgoniŋ Munabuli moŋgokiŋ ale nebek niŋdi Imeyout titiŋdok kamehep mu tiyembek.”⁴⁸ Unduŋ yoŋa yenimbune Jesu Kilisto wou gineŋ Imeyout tigiŋ. Tiŋa Pita adigut uŋgoŋ muniniŋ hatiŋa yapmeeŋ uuŋdok niŋgiŋ.

Pita adi koti Jelusalemde udaneŋ uguk

11¹ Aposel heki eŋ me nadisukilitihiniŋ Judiya kwetneŋhi, adi kahat indiŋ nadigiŋ. Me Judahi'walaŋ feknit mokit heki Bepaŋ'walaŋ mede nadiiŋ. Kahat u nadigiŋ ala² Pitadi Jelusalem wosuwaune Judame nadisukilitihiniŋ Pita nintoŋa indiŋ niŋgiŋ,³ “Du me feknit mokit yohineŋ nalum wooŋ hatiguŋ, hatiŋa nanane maan naguŋ.”

⁴Unduŋ nimbune Pitadibo nemek tuguk be mintaune kaguk wondok kahat didimeniŋgoŋ tiyemiŋa indiŋ yeniŋguk,⁵ “Nu Yopa uŋoŋ Bepaŋ ha-ninadiŋa nemek lihine foloŋ dabugoŋ kawe Molom diniŋ saŋiniŋ nemek haule batei dabugoŋ diki lufolufom gineŋ honekilitiniŋ kunum gineniŋ kameu fou kagut.⁶ Kaŋ maaneŋ heweŋa kawene kale hogohogok kwetfoloŋ iŋoŋ ikiŋ, kale mikhiniŋ eŋ bagi, eŋ miŋgembet heki ilune yabugut.⁷ Kaŋ mede niŋ kunum gineniŋ indiŋ foguk, ‘Pita, pilali widihiŋa hinaweŋ.’

⁸“Unduŋ naniŋguk iŋgoŋ nu moŋ yogut, koom Mosesdi kamehep tiniŋguk doktiŋa nemek undihi-kabe nemu nakagut.⁹ Unduŋ yogut kaŋ

kotigoŋ mede indiy mintaguk, ‘Bepaŋdi nemek kedem yolak kaŋ du maŋgoŋde moŋ yolaŋ?’

¹⁰“Nemek u nai lufomkultitniŋ mintaune kotigoŋ kunum gineŋ hamaneune udaneŋ loguk. ¹¹Nai uŋaŋiŋgoŋ Sisaliyahi me lufomkultitniŋ yeniŋkulune ugiŋ, wooŋ yot nu hakutneŋ wosuwaŋiŋ. ¹²Kaŋ Munabulidi indiy naniŋguk, ‘Me Sisaliyade uneŋ ganimbu kibida mu tibeŋ’ naniŋguk doktiŋa wene Yopahi me 6 i ikiŋiŋ adi maŋ nehitomboyoulune wooŋ Koniliyas yolineŋ fogumun.

¹³“Fonene aŋelodi Koniliyas mintamiŋa dediy niŋguk eŋ me neeŋ yeniŋkulune Yopade wooŋ nu nanagi bubuŋdok niŋguk u ninimbune nadigumun. ¹⁴Kaŋ nu wooŋ nanagi buune ne be wapmihiniŋ-tam yehitubu-lodaŋ Mede Momoŋ yenimbe nadiŋa nadisukiliti tubune Bepaŋdi yanagilek, ¹⁵unduŋ yoŋa yenimbu wooŋ nanagi ugiŋ. Kaŋ nu mede yayoluwene Uŋgoŋiŋ Munabuli indi koom niŋguk undugoŋ hinek aditok maŋ yemguk. ¹⁶Kaŋ nu Wapumdi mede indiy niniŋguk u naditomgut, Jon Imeyout Tububihit adi metam imedi hogok youyemguk, iŋgoŋ hidi adi Uŋgoŋiŋ Munabulidi youhambaat. ¹⁷Indi koom Wapum Jesu Kilisto nadisukilitiminene nemek niŋguk undugoŋ me feknit mokit heki maŋ yemguk, kaŋ nu me dediniŋgoŋdi Bepaŋ kamehep timimbit.”

¹⁸Unduŋ yenimbune nadiŋa mede wabiŋa Bepaŋ niutumba tiŋa yogiŋ, “Bepaŋ adi me Judahi’walaŋ feknit mokit agaŋ yehitubu-lodaune udaneŋ Hatihati Kobut kahileiŋ.”

Jesu’walaŋ Mede Momoŋdi Antiyok uŋoŋ mintahautaguk

¹⁹Koom Stiwen ulukumuŋa me nadisukilitihinit noli folofigita yemne tubu momoŋ kwetkwet ugiŋ. Kaŋ noliyeŋ Fonisiya, Saipalas eŋ Antiyokde wooŋ Mede Momoŋ Judame heki hogok yeniŋgiŋ. ²⁰Iŋgoŋ me Saipalashi eŋ Sailinihi adi Antiyokde wooŋ Wapum Jesu’walaŋ Mede Momoŋ u me Judahi’walaŋ feknit mokit maŋ yeniŋgiŋ.

²¹Unduŋ tubune Wapum’walaŋ saŋiniŋ u adut halune mede yobu metam feedi Wapum’walaŋkade udaneŋ nadisukilitigiŋ. ²²Unduŋ tigiŋ kaŋ gigit wondi Jelusalem kayoŋbop’walaŋ hautaune Banabas niŋkulune Antiyokde uguk. ²³Wosuwaŋ Bepaŋdi metam kahaŋ tiyemguk u kaŋ metam welehiŋki hinek Wapum dut galihatidok yeniŋkiliti tuguk.

²⁴Banabas adi me momoŋ, nadisukilitinit eŋ Uŋgoŋiŋ Munabulidi welen maaneŋ fotokoguk doktiŋa metam nadisukilitihinit yehitubu-lodaune metam hogok hatigiŋ feedi Wapum’walaŋkade udaneŋgiŋ.

²⁵Unduŋ tiŋa Banabas adi Tasmusde Sol lohitauguk. ²⁶Lohitawooŋ kaŋ nagila Antiyokde udaneŋ metam kayoŋbop tigiŋ yehibopneŋ metam fee yenindidimetaune gulet kubugoŋ dapmaguk. U Antiyok uŋoŋ tigiŋ kaŋ metam nadisukilitihinit adi wohik Kilisto’walaŋ kayoŋbop (Kilisten) timenŋ hinek uŋoŋ yeniŋgiŋ.

²⁷Nai uŋaniŋ polofet Jelusalemhi Antiyokde ugiŋ, wosuwaune ²⁸adi'walaaniŋ niŋ polofet Agabo adi Uŋgoniŋ Munabulidi nimbune pilali indiŋ yeniŋguk, “Denimbek kwetkwet indigoŋ nanaŋe ime map wapum hinek mintawaak.” (Kaŋ biyagoŋ hinek Kalaudiyodi mapme wapum ikukneŋ map wapum u mintaguk.)

²⁹Unduŋ yohautaune metam nadisukilitihinit adi kayoŋbop Judiya maaneŋ hatigiŋ yehitubu-lodadok yoŋa muneŋ bopneŋiŋ. ³⁰Bopneŋ Banabas dut Sol kohohik foloŋ boiune adi moŋgola Jelusalem kayoŋbop diniŋ talitimenŋ kohohik foloŋ boide ugumuk.

Helotdi metam nadisukilitihinit malabumuŋ yemgiŋ

12 ¹Nai uŋaniŋgoŋ Mapme Helotdi^k mikmeŋiye yenimbune metam kayoŋbop tigiŋ noli widihigiŋ. ²Tiŋa Jems, Jon dali, adi maanŋ miknoŋdi youlukumuŋgiŋ. ³Unduŋ tubune Judame heki welehiŋ utumbaguk kaŋ u yabuŋa Judahi'walaŋ hinamuni wapum^l nai foloŋ kotigoŋ Pitabo honegiŋ. ⁴Honeŋ hinamuni dapmaune sigineŋ mede titiŋdok yoŋa nagila yot fafaŋeniŋneŋ kamegiŋ. Kaŋ uŋoŋ mikme bop lufolufom, ala bop kubugoŋ gineŋ mikme lufolufomdi yot fafaŋeniŋ maaneŋ Pita kadokogiŋ. ⁵Kadokoune yot fafaŋeniŋneŋ uŋgoŋ hatune metam nadisukilitihinit adi Bepaŋdi Pita tubulodadok yoŋa yohineŋ haliaŋa ninadi kwanai tigiŋ.

Bepaŋ'walaŋ aŋelodi Pita yot fafaŋeniŋ gineŋiŋ tubulodaguk

⁶Heleune haniŋ Pita adi mede gineŋ yayatdok nai wendok timiŋ sen lufomdi youkilitigiŋ kaŋ mikme lufom fukufukuŋ kamadi yakumuk kaŋ adi lekiŋgoŋ deihakuk. Unduŋ tubune mikme noli adi yot fafaŋeniŋ taliyeme u kadoko fafaŋeŋ tugumuk.

⁷Unduŋ tiŋa hatune Wapum'walaŋ aŋelo niŋdi pilap hinek yot fafaŋeniŋ maaneŋ fooŋ yalune hauta wapumdi yotmaanŋ u hautadapmanŋ tuguk. Kaŋ Pita kaluwanŋiŋ foloŋ honeŋ talamsukuleeŋ niŋguk, “Pilap pilataŋ.” Unduŋ nimbune tawa fafaŋeniŋ (sen) lufom Pita kohoŋ foloŋ youkilitigiŋ u diliteleeŋ fooŋ hakumuk. ⁸Kaŋ aŋelodi niŋguk, “Kiyegelepge youkilitiŋa kayoŋnamokopge beŋa kadahiune udim!” Nimbune u tubune kotigoŋ niŋguk, “Dahidahige fakaŋneniŋ u tiŋa dahiaŋa nehikeleweŋ.”

⁹Unduŋ niŋa uune takaliŋa fakaŋde fooŋ ude ugumuk. Wooŋ Pita adi aŋelodi biyagoŋ tuluguk u mu nadidakaleeŋ lihine binek tilak yoŋa nadiguk. ¹⁰Unduŋ nadiŋa bugumuk, buŋa mikme timeŋ yakuk u

^k **12:1** Mapme Helot yoŋadi Jesu mintagukneŋ hatiguk u moŋ. Yoŋadi adi'walaŋ laaŋdok yolak. Ala mindaŋkade mihiŋiŋ Agilipadibo me Mapme mintaguk. ^l **12:3** Judahi'walaŋ hinamuni wou “Aŋelodi Yabukiyondaŋ Yalakapmeguk eŋ Belet Sipakaŋ diniŋ Hinamuni”.

kalakapmeen buņa niņ yakuk u maan kalakapmeen buņa mindaņ hinek taliyeme fafaņeniņ gineņ busuwagumuk. Busuwaune taliyeme fafaņeniņ u ne hogok dilitomguk kaņ fobugumuk. Fobuņa yokwet maaneņ foon woon aņelodi Pita bikabuņa fiit tuguk.

¹¹ Unduņ tubune mindaņ Pitadi kaņ nadidakaleeņ yoguk, “O, i biyagoņ hinek. Wapum’walaņ aņeloņiņdi nu nehitubu-lodaaņ Helot’walaņ saņiniņ gineņ eņ Judame hekidi nemek tinamdok nadiņit gineniņ nanagi buņak.”

¹² Unduņ nadiņa momoņ woon metam noli, Maliya (Jon wou noli Mak, adi miņ) adi yolineņ bopneeņ hali Bepaņ ninadi kwanai hatigiņneņ uņgoņ fakaņ woon yali yeme youkuk.

¹³ Kaņ tipilapilaye waabi niņ wou Loda adi talik dilitombit yoņa buguk. ¹⁴ Buņa Pita medeņiņ kiyoņ nadiņa nadifo tiņa talik mu dilitomuņa kotigoņ udaneeņ kiyane woon metam yeniņguk, “Pita agaņ buņa fakaņ yatak.”

¹⁵ Unduņ yoguk kaņ metamdibo niņgiņ, “Nadibubuye be tiņa bu yolaņ?” Iņgoņ adi biyagoņ yoņa gigne tubune wabiņa, “U Pita’walaņ aņelo^m binek” unduņ yogiņ.

¹⁶ Unduņ ha yolu Pita adi yeme uņgoņ yougigine tuguk, kaņ woon talik dilitomuņa kaņ boho tigiņ. ¹⁷ Boho tiņa mede wapum togiiņ kaņ kohoņdi kabup itneņ tiyembu kabup ilune Wapumdi tubulodaaņ yot fafaņeniņ gineniņ nagi buguk wondok kahat tiyemguk. Tiyemiņa yeniņguk, “Kahat i nadiņa woon Jems eņ metam nadisukilitihinit noli yenineņ.” Unduņ yeniņa biyabuņa kwet niņkade uguk.

¹⁸ Heleune me yot fafaņeniņ kadoko tigiņ adi Pita moņ lohiiņa kaņ tibubuye wapum hinek tigiņ. ¹⁹ Pita uņoņ moņ kaņ Helotdi me yenimbu Pita lohigiņ iņgoņ mu kagiņ. Doktiņa Helotdi me Pita kadokogiņ adi kumuņdok gigit yenindapmaguk. Yenindapmaaņ Judiya kwet biņa Sisaliya uņoņ muniniņ hatibene uguk.

Helot kumumbune Wapum’walaņ mededi kwetkwet udapmaguk

²⁰ Helot adi Saidonhi eņ Taiyahi metam dut siwe tigiņ. Metam uņahidi Helot’walaņ kwelineņ woon nanaje beyagiņ doktiņa tigene yenihep tibaakneņ yoņa nadibedi tiņa woon Helot’walaņ tipilapilaye-me heki’walaņ talitimerņhik me Bilasto woon kaune yehitubu-lodaune bopnit woon Helot weleņ kulemawekdok ninadigiņ.

²¹ Ala nai kamegiņ foloņ Helot adi mapme diniņ dahidahi tinahukulaņa popņiņ uņgoņiņ foloņ ila mede yoguk. Mede yobune metam adi medeņiņ nadigalikaņ yogiņ, ²² “I mehinekdi mu yolak, yadi bepaņdi yolak.” Unduņ

^m **12:15** Nai uņaniņ Judahi me feedi indii nadisuyagiņ. Metam hogohogok hatiiņ adi aņelohik molomolom hatiyemiiņ. Tiņa adi’walaņ namandap wele unduņ mintaiņ. Unduņ yonadiyagiņ.

yoŋa kakaliŋa mede nadigalika tigiŋ. ²³Unduŋ tubune Helot adi netok nadiune loune Bepaŋ wou mu niŋa tiloguk. Unduŋ doktiŋa Wapum'walaŋ aŋelodi pilap hinek buŋa ulatukulu maguk kaŋ binemdi naune kumuŋguk.

²⁴Unduŋ tulune Bepaŋ medeŋiŋdi kwetkwet hautaguk. ²⁵Kaŋ Banabas dut Sol adi kwanai tubudapman-dapmaŋdok muneŋ moŋgo buŋa Jelusalem kayoŋbop diniŋ talitimeŋdok yemiŋa Jon wou noli Mak adi maan nagila Antiyokde ugiŋ.

**Banabas dut Sol Mede Momooŋ yohautadok
yenindapmaan yapmeune ugumuk**

13 ¹Gawaŋbop Antiyokⁿ uŋoŋ me wohiye indiŋdi polofet eŋ hinale hatigiŋ: Banabas, Simion (wou noli Naisa),^o Lusiyas Sailiniŋ eŋ Manaen (adi Helot me wapum dut wanaŋ hatibedigumuk) agaŋ Sol. ²Adi Wapum niutumbaaŋ ninadi kwanai tine nanaŋe kamehep tiŋa hatigiŋ. Kaŋ Uŋgoniŋ Munabulidi buŋa indiŋ yeniŋguk, “Nutok me Banabas dut Sol yehitubu-dakaleune kwanai titiŋdok nadiyemgut u tidemeek.” ³Unduŋ yenimbu nanaŋe kameheŋa Bepaŋ ninadiŋa kohohik meyat kihik foloŋ kameeŋ yeniŋkulu Mede Momooŋ yohauta kwanai tide ugumuk.

Banabas dut Sol adi Saipalas uŋoŋ Wapum'walaŋ mede yohautagumuk

⁴⁻⁵Uŋgoniŋ Munabulidi Banabas dut Sol yeniŋkulune Jon wou noli Mak kwanai noŋgoŋ yehitubu-lodadok yoŋa nagila ugiŋ. Wooŋ Selusiya wosuwaŋ muwage foloŋ looŋ Saipalas kwet kambaŋgitneŋ ugiŋ. Wooŋ kwet kambaŋgit wondiniŋ yokwet wapum niŋ wou Salamis uŋoŋ wosuwaŋ Judahi'walaŋ bopyot indigoŋ tuwot fooŋ Bepaŋ'walaŋ mede yoyo tigiŋ.

⁶Unduŋ tiŋa Salamis biŋa Saipalas kwet kambaŋgitneŋ yaudapmaan wooŋ Pafos wosuwaŋ Judaniŋ me niŋ wou Balayesu adi haki mebimebi behatiŋa kudi tuluguk kaŋ metamdi polofet yoŋa kaune hatiluguk u tubumintagiŋ. ⁷Kwet wondiniŋ kiyap wapum hatiluguk adi wou Sesiya Polas. Adi me nadinadime eŋ Balayesu dut me not tiŋa hatiyaŋgumuk. Ala kiyap adi Bepaŋ'walaŋ mede nadiwene Banabas dut Sol yenimbune yolineŋ ugumuk. ⁸Iŋgoŋ me haki mebimebi tuluguk wou Gilik mede gineŋ Elimas niyagiŋ, adi me kiyap nadisukilitiŋiŋ ulatifowe Banabas yakat kwanai u mu wooŋ titiŋdok yoŋa kamehep tiyemguk.

⁹Kaŋ Sol, wou noli Pol, adi Uŋgoniŋ Munabulidi welen maaneŋ fotokoguk doktiŋa me Elimas kahohoŋeeŋ niŋguk, ¹⁰“Sadaŋ mihiŋiŋ, du

ⁿ 13:1 Antiyok yokwet lufom. Noli niŋ Siliya kwetneŋ uŋoŋ ikuk. Eŋ Antiyok yokwet noli Pisidia kwetneŋ uŋoŋ ikuk. Ala kayoŋbop Antiyok yokwet Siliya kwetneŋ itougiŋdi Pol heki yeniŋkukiŋ. ^o 13:1 Naisa mebi adi indiŋ, “gouyeniŋ”. Kaŋ me nolidi Saimon adi Afilikaŋiŋ binek, unduŋ yoŋiŋ.

titij didimenjndok mik timilan, tiņa welege maaneņ tikamanda feedi fotokilak kaņ helemahemean Wapum'walaņ mede biyagon u tubu-fambakaneune yalaņ mintalak. ¹¹Unduņ doktiņa Wapum'walaņ saņiniņ mintagambek kaņ helebufa noli dauge sipmakaņ hatibaaņ.”

Unduņ nimbu nai uņaniņgoņ dawi holiholiņeņ gouyeguk, kaņ nediyen nehimaneu udim yoņa honediwediweye tuguk. ¹²Kaņ kiyap adi Bepaņ medeņiņ diniņ saņiniņ eņ kudi u kau uņgoniņ hinek tubune medeņiņ nadidakaleeņ nadisukilitihinakaguk.

**Pol dut Banabas adi Antiyok Pisidia kwetneņ uņoņ
wapum'walaņ mede yohautagumuk**

¹³Pol adi me noliņiyat dut Pafos uņoņ muwage foloņ looņ yokwet wapum niņ Pamfiliya maaneņ hatuguk wou Pega uņoņ wosuwaņiņ. Wosuwaaņ Jon wou noli Mak adi uņgoņ biyabuņa kotigoņ Jelusalemde uguk. ¹⁴Kaņ meyat nehi hogok Pega biņa yaue yaue Antiyok noli Pisidia maaneņ hatak uņoņ wosuwagumuk. Ala Sabat foloņ Judahi'walaņ bopyot maaneņ fooņ ilaņa Moses'walaņ Yodoko Mede eņ polofet heki'walaņ Youkudip Mede u kunakiņ. ¹⁵U kunali mindaņ me bopyot diniņ talitimeņ hekidi me niņ niņkulune wooņ Pol dut Banabas indiņ yeninadiguk, “Notniyat, hidi metam mede yeniņkiliti nenobu tidene nadiņa kedem yenindemek.”

¹⁶Mede unduņ kameyembu nadiņa Poldi pilali yaliņa kohowobu tiņa indiņ yoguk, “Isilaehi metam eņ metam noli Bepaņ niutumbaiņ, hidi indiņ nadineņ. ¹⁷Koom Isilaehi'walaņ Bepaņdi mamani-papaniye yehidaneune Isip uņoņ buņambu hatiņa metam bop wapum hinek mintagiņ. Kaņ kotigoņ Bepaņ'walaņ saņiniņdi Isip kwetneņniņ ¹⁸yanagila kwet fiileņ uņoņ momooņ hinek yabu-ulidokoune hatibu gulet 40 tuguk. ¹⁹Hatitabuņa Kanahan kwetneņ buņa Bepaņdi mebop 7 wendiniņ metam yehitubu-liwedapmaaņ kwet wapum u kibikoņ metamņiye Isilaehidok yemguk. ²⁰Nemenemek u gulet 450 maaneņ mintaguk. Mintadapmaune me talitimeņ yehitubu-mintaune yabudoko hatitaulu wahinķade polofet Samuel tubumintaguk. ²¹Kaņ me mapme yemdok niņgiņ kaņ Kis mihiniņ Sol yembu adi me mapmehik gulet 40 wondok tuwot ila yabudokoguk. Adi Benjamin'walaņ yalaki. ²²Gulet 40 dapmaune Bepaņdi Sol kekulana Dewit me mapmehik tubumintaaņ kameguk. Tubumintaaņ kameeņ Dewitdok indiņ yoguk,

‘Nu me Dewit Jesi mihiniņ adi undiniņdi me wapum titiņdok nadilat.

Adi nu nemek titiņdok nadilat uņakoņ kelej tilak.’

²³“Ala koom Bepaņdi Dewit'walaņ yalaki niņdi Isilaehi'walaņ Tubuloda me mintawaak yoguk u adi Jesu kuyoņ. ²⁴Adi kwanaiņiņ mu tububihitune Jondi metam kadakanihik sigilulum tiyemiņa Imeyout

tineŋ yeniluguk. ²⁵Unduŋ yeniŋa kwanaiŋiŋ tubudapmandok nai dulaune indiiŋ yeninguk, ‘Hidi Kilisto tutumbanik kwetfoloŋ mintawaak gigitŋiŋ u nadiŋa woomiiŋ. Nu hidi me woomiiŋ u moŋ, adi yadi kougoŋ mindaŋ bulak, kaŋ nu aindiniŋdi tipilapilaye timindok tuwot moŋ.’

²⁶“Judahi metam, Abalaham yalakiŋiye eŋ metam noli Bepaŋ niutumbaiŋ, hidi indiiŋ nadineŋ. Bepaŋdi nihitubu-lodadok nadiŋa mede i kameguk. ²⁷Metam be me talitimenŋ Jelusalem uŋoŋ hatiyagiŋ adi Tubuloda-meniŋ u Sabat nai indigoŋ polofet hekidi mede youkiŋ u kunatabiiŋ, iŋgoŋ mu nadidakaleiŋ doktiŋa Jesu folooŋ mintaune mu kakiyondaŋ uutdok mede yofafaŋe tigiŋ. Unduŋ tigiŋ kaŋ polofet hekidi mede youkiŋ u folooŋ tuguk. ²⁸Tiŋa ulukumundok mede nemu tubumintagiŋ iŋgoŋ Jelusalemhidi Pailat ningigineeŋ ulukumundok yogiŋ. ²⁹Unduŋ tiŋa nemenemek kigili mededi yolak undugoŋ hinek timiŋgiŋ. Tiŋa kolonŋdabek foloŋ kibidalitifoŋ bom gineŋ kamegiŋ. ³⁰Iŋgoŋ Bepaŋdi kotigoŋ tubupilalune ³¹metam nediyeŋ neet hinek Galiliniŋ tububihila hatitawooŋ Jelusalem wosuwaŋiŋ adi hogok mintayembu kagiŋ. Kaŋ adibo medeŋiŋ Isilaehi yenihautaiŋ.

³²“Unduŋ doktiŋa Wapumdi koom mamani-papaniye nemek yemdok yofafaŋe tuguk ³³u folooŋ yalakihiye indi’walaŋ mintaguk, doktiŋa indi mede i tiŋa bu haniam. Wondegŋ Kap 2 gineŋ mede indiiŋ youkiŋ hatak.

‘Du biyagoŋ hinek na’walaŋ mihine. Nu kamiŋ tububihila du’walaŋ baha tilat.’

³⁴Ala Bepaŋdi bom gineŋ hali bitakawaakneŋ yoŋa tubupilali indiiŋ yoguk,

‘Nu kahaŋ be nemek momooŋ Dewitdok mimiŋdok yofafaŋe tugut u hambaat.’

³⁵Tiŋa Kap niŋ gineŋ indiiŋ yolak,

‘Du tipilapilaye-mege niŋkukuŋ u tuwot mu bikabune bitakawaak.’

³⁶“Bepaŋdi Dewit kwanai titiŋdok niŋguk u keleŋ tiŋa metamŋiye yehitubu-lodaŋ kumuŋguk kaŋ beuye yehiwenegiŋneŋ uŋgoŋ weneune hali bitakaguk. ³⁷Iŋgoŋ Bepaŋdi kumuŋ gineŋiŋ tubupilakuk adi yadi unduŋ mu tuguk.

³⁸⁻³⁹“Unduŋ doktiŋa Isilaehi, me notniye, hidi indiiŋ hinek nadineŋ. Indi Jesu wou gineŋ kadakaniiŋ bibiŋdok mede i haniam, eŋ metam hogohogok Jesu nadisukilitimiŋ adi koom Moses’walaŋ Yodoko Mede gineŋ hatigiŋneŋ kadakaniiŋhik mu biyemguk u kamiŋ nai yendok wanaŋ hogohogok biyemulak. ⁴⁰Ale kikadoko tubune koom polofet heki youkiŋ u hidi mu mintahambaak.

⁴¹‘Me mede yohihili tiŋiŋ hidi, mede i nadineeŋ.

Nu kwanai tibaat u hidi naihiŋ foloŋ mu nadisukilitineeŋ.

Eŋ nebek niŋdi tuwot mu hanindakaleune nadisukilitineeŋ.

Hidi kwanai u kakabeleen hatiņa kumuņ tineeņ.’ ”

⁴² Poldi mede unduņ yodapmaañ Banabas dut fooņ uuņdok ulune metamdi Sabat noli wondok foloņ koti buņa tomboyoula mede kotigoņ yodok yeneņgiņ. ⁴³ Unduņ yeniņa metam bopyotneņ hakiņ mowoune Judahi eņ metam noli Judahi’walaņ titiņhik keleyagiņ adi Pol dut Banabas yehikeleti ugiņ. Kaņ meyat adi Bepaņ’walaņ welesiloņ gineņ hatiņ undugoņ hatidok yoņa yeniņkilitigumuk.

⁴⁴ Ala Sabat noli foloņ metam fee yokwet uņoņ itowagiņ Wapum diniņ mede nadine bugiņ. ⁴⁵ Buņa bop wapum tigiņ kaņ Judame heki adi yabuņa nadiune tuwot mu tubune Pol weleņ tubukadakadok yoņa mede yoguk u yokadaka tigiņ. ⁴⁶ Unduņ tigiņ kaņ Pol dut Banabas adi munta mu tugumuk, adi fafaņe tiņa yaliņa indiņ yeniņgumuk, “Judame, hidi Mede Momooņ timen hanindok yoguk iņgoņ hidegoņ kamehep tiņa hatihati fafaņeniņ mu kahilene yoņ doktiņa bihabuņa metam noli Judahi’walaņ feknit mokit adi’walaņ udim. ⁴⁷ Wapum adi undudegoņ tiņa indiņ niniņguk, ‘Nu du metam Judahi’walaņ feknit mokit aditok hauta gapmelat, doktiņa Tubuloda-mehik hatitauyeen kwet dikineņ hatidapmawaañ.’ ”

⁴⁸ Unduņ yenimbu metam Judahi’walaņ feknit mokit adi u nadiņa nadifo tiņa Wapum’walaņ mede u yotiloloņ tigiņ. Tiņa me hatihati fafaņeniņdok yehidaneguk adi nadisukiliti tigiņ. ⁴⁹ Kaņ Wapum’walaņ Mede Momooņdi Pisidia maaneņ hautadapmaguk.

⁵⁰ Iņgoņ Judame hekidi Pol dut Banabasdok nadiyembu tuwot mu tubune widihidok yoņa me wapuhi eņ tam muneen bomboņhinit Antiyokhi Bepaņ niutumbayagiņ weleyouyout tiyemgiņ. Unduņ tiņa Pol yakat yeninto tiņa mede kadakanı yeniņa Pisidia kwetneņ uņoņ hatidok moņ yeniņa yeniņkut tigiņ. ⁵¹ Unduņ tiyembune Aposel yakat adi metam’walaņ kadakanı u adut mu tomboyoutdok yoņa kwam kayohik foloņ ulumakuyemiņa Aikoniamde ugumuk. ⁵² Kaņ metam nadisukilitihinit adi Uņgoņiņ Munabulidi welehiķ maaneņ fotokoune nadifo kisaņ tigiņ.

Jesu’walaņ Mede Momooņ doktiņa daneen mebop lufom mintagiņ

14 ¹ Aikoniam uņoņ maañ Pol dut Banabas adi Judahi’walaņ bopyotneņ fooņ mede galikit yobune Judame eņ metam Judahi’walaņ fekhinit mokit feedi nadisukiliti tigiņ. ² Kaņ Judame noli nadisukiliti mu tigiņ adi me Judahi’walaņ feknit mokit noli yeniņgigine tigiņ kaņ nadisukilitihinit not mu tiyemgiņ. ³ Iņgoņ Aposel yakat adi Wapum dut galiņa munta mu tiņa uņoņ yagigi hatiņa Mede Momooņ yoyo tugumuk. Kaņ Wapumdi mede u biyagoņ adi’walaaniņ u kadakaleneņdok yoņa saņiniņ yembu Bepaņ kunumneniņ’walaņ kudi mebimebi tugumuk.

⁴Kaŋ Aikoniam uŋoŋ metam hatiyagiŋ adi daneeŋ bop lufom tigiŋ. Noli daneeŋ Judame heki dut yakiŋ kaŋ noli daneeŋ Aposel yakat dut yakiŋ. ⁵Ala Judame eŋ metam noli adi talitimenŋhiye dut yali Aposel yakat kudi kadakaniiŋ tiyemiŋa kawadedi widihidok yoŋa yohebet tigiŋ. ⁶Kaŋ meyat adi u kanadiŋa momoŋ Likoniya kwetneŋ yokwet wapuhi lufom ikumukneŋ ugumuk. Yokwet u wouhiyat Debi dut Listala. ⁷Uŋoŋ wooŋ tomboyoula Mede Momooŋ yoyo ti-hatigumuk.

Meyat adi Likoniya kwetneŋ uŋoŋ Mede Momooŋ yohautagumuk

⁸Listala uŋoŋ me niŋ koom kuyanineŋ kayoŋ kadakaniiŋ mintagak doktiŋa talik mu yauluguk. ⁹Ala Pol dut Banabas adi wooŋ mede yobu ila nadiguk, kaŋ Pol adi me u nadisukilitiiŋ kanadiŋa kayoŋ kedem tubukedebadok nadiŋa uŋoŋ kahohoŋe tiŋa ¹⁰mede wapum indiiŋ niŋguk, “Pilali didimeŋoŋ yaliŋa yaleŋ.”

Unduŋ nimbune me u pilali kayoŋdi yaliŋa yauyau tuguk. ¹¹Kaŋ metamdi Pol kudi tuguk u kaŋ kakaliŋa nehi’walaŋ mede gineŋ indiiŋ yogiŋ, “Bepaŋ heki agaŋ kamiŋ mehinek dabugoŋ yageleŋ indi’walaŋ iŋoŋ foŋit.” ¹²Unduŋ yoŋa Banabas adi bepaŋ yalayalaŋhik niŋ wou Sus u niŋgiŋ, kaŋ Pol adi mede yoyo tuluguk doktiŋa Hemes^p niŋgiŋ. ¹³Ala bepaŋ yalayalaŋ Sus diniŋ me talitimeŋ adi siloŋyotŋiŋ yokwet wapum diniŋ gimbahaŋ gagayeŋ yamaŋgoŋ uŋoŋ yatuguk doktiŋa makau eŋ wowoŋgimiŋ moŋgo buŋa talik yeyemeŋ yali metam dut noŋgoŋ Aposel yakat siloŋ tiyemne tigiŋ.

¹⁴Unduŋ tigiŋ kaŋ Pol dut Banabas adi nadiŋa tinahukuthik yehitubu-bulagineŋ kiyaneŋ metam bopneŋ yakiŋneŋ lekiŋgoŋhik gineŋ fooŋ mede wapum indiiŋ yeniŋgumuk, ¹⁵“Indi adi mehinek fit, hidi dabugoŋ, ale maŋgoŋde indiiŋ tiŋ? Ai! Hidige! Indi adi Mede Momooŋ haninde nadiŋa bepaŋ yalayalaŋ hatihatihinit mokit u sigilulum tiyemiŋa Bepaŋ Hatihati Molom, kunumkwet be imeŋgwaŋ wapum be nemenemek uŋoŋ ikiŋ yehitubu-mintagak adi’walaŋkade udaneneŋ yoŋa haniyamut. ¹⁶Tiŋa adi koom hatitalabugiŋneŋ metam biyabune nehi nadinadi hatigiŋ. ¹⁷Iŋgoŋ kobuk hidi mebiŋiŋ kanadi titiŋdok yoŋa nemek momooŋ tihamuŋa gwi mele u naiŋiŋ foloŋgoŋ hambune nanaŋe duhuduhu tubumintaŋ nanadifo foloŋ hatiŋ.” ¹⁸Meyat u mede unduŋ yoŋa metamdi siloŋ mu tiyemdok gineŋeŋ kamehep tiyemgumuk.

¹⁹Unduŋ tiŋa hatilu Judame noli Aikoniam eŋ Antiyok yokwetneŋ bugiŋ, adi buŋa me noli yeniŋgigine tiŋa metam fee yanagila Pol kawadedi ulaŋa agaŋ kumulak yoŋa hamaneŋ wooŋ yokwet wapum

^p 14:12 Gilikhi metamdi bepaŋ yalayalaŋ fee hatiŋ unduŋ nadisukilitiyagiŋ. Unduŋ doktiŋa Sus adi bepaŋ yalayalaŋhi’walaŋ mapme eŋ Hemes adi mede bebuŋa yohauta diniŋ bepaŋ.

maginej kukiņ. ²⁰Karj metam nadisukilitihinit noli adi kelemadiņa kamadiyakiņ karj pilali kotigoņ yokwet wapum maaneņ foņ deikuk. Ala heleune Banabas dut Dehide ugumuk.

**Banabas dut Pol adi metam Jesu nadisukilitimiņģiņ
yeniyehtubu-kilitigumuk**

²¹Debi wooņ Pol dut Banabas adi Mede Momooņ yoyo tugumuk karj metam feedi nadisukiliti tigiņ, karj meyat adi kotigoņ udaneņ Listala, Aikoniam, eņ Antiyokde ugumuk. ²²Wooņ metam Bepaņ nadisukilitimiyagiņ yehitubu-kilitiņa nadisukiliti folooņ titiņdok yoņa indij yeniņgumuk, “Hidi Bepaņ’walaņ Hatihati Uņgoniņ gineņ fone nadiņa timeņ adi nadisukiliti gineņ yali malabumuņ mebimebi mintahambune fafaņeņ kelekufali foyaneņ.” ²³Unduņ yeniņa kayoņbop hatigiņ indigoņ wooņ me talitimeņhiye yehitubu-mintayemgumuk. Unduņ tiņa metam Bepaņ nadisukiliti timiyagiņ adi Wapumdi yabudokodok yoņa nanaņe kamehep tiņa hali ninadi kwanai tugumuk.

²⁴Pisidia kwet wapum yaudapmaaņ Pamfiliyade wooņ ²⁵Pega uņoņ Mede Momooņ yoyo tiņa Ataliyade fogumuk. ²⁶Uņoņ muwage foloņ looņ Antiyokde⁹ ugumuk. Koom uņoņ Wapum’walaņ welesiloņ gineņ yenindapmaune kwanai tububihila tugumuk, ala kotigoņ kwanai uņoņ tubudapmagumuk. ²⁷Antiyok wosuwaaņ metam kayoņbop tigiņ yehibopneņ, Bepaņdi dedij tiyemguk be me Judahi’walaņ feknit mokit hekidok talik dilitomyembu nadisukiliti tigiņ wondok yenimbu nadigiņ. ²⁸Unduņ tiņa kayoņbop dut uņoņ yagiņ hatigiņ.

Judahi’walaņ fek foloohik diki foloņ tagiņ wendok mede mintaguk

15 ¹Judiyahi noli Antiyokde wooņ metam nohiye nadisukilitihinit Judahi’walaņ feknit mokit uņoņ hatigiņ indij yeniyehtubudidimegiņ. “Hidi Judahi indi’walaņ titiņnik keleņ Mosesdi yodidimeguk unduņ sigihik gitnem diki foloņ fek mu tineeņ adi Wapumdok gigit mu tineeņ.”

²Unduņ yobune Pol dut Banabas adi nadiņa siwe wapum tiņa me noli Pol yakat dut Jelusalemde wooņ Aposel heki eņ me wapuhi dut bopnedok yogiņ. ³Unduņ tiņa Pol dut Banabas adi Antiyokhi me noli kayoņbopdi yenindapmaune noņgoņ ugiņ. Wooņ Fonisiya eņ Samaliya maaneņ yawooņ me noli Judahi’walaņ fekhinit mokit heki Bepaņ’walaņkade udaneņiņdok gigit yenintaune nadiņa nohiye adi nadifo wapum hinek tigiņ.

⁴Unduņ titawooņ Jelusalem wosuwaune kayoņbop hekidi yabuņa nadifo tigiņ. Karj meyatdi kwanai tubune Bepaņdi nemenemek tuguk wondok

⁹ 14:26 Yoņ adi Antiyok yokwet Siliya kwetneņ ikuk wendok yolak.

kahat tiyemgumuk. ⁵Karj me nadisukilitihinit noli Falisi heki'walaŋ bophik gineŋ hatigiŋdi indiŋ yogiŋ, “Me nadisukilitihinit Judahi'walaŋ feknit mokit adi sigihik gitnem diki foloŋ fek tiŋa Moses'walaŋ Yodoko Mede keleneeŋ wondi kedem. Eŋ mu keleneeŋ wondi tuwot mu hinek tibaak.”

⁶Unduŋ yogiŋ karj Aposel heki me wapuhi dut nonŋoŋ bopneeŋ mede u yonadigiŋ. ⁷Yagigi hinek ila yonadigiŋ karj Pitadi pilali indiŋ yoguk, “Hidi nu Bepaŋdi me noli Judahi'walaŋ feknit mokit Mede Momooŋ yenimbe nadiŋa nadisukilitineŋ yoŋa hidi'walaŋ lekiŋgoŋhik foloŋ naninguk u agaŋ nadiiŋ. ⁸Tiŋa Bepaŋ me welehik maaneŋ kadapmalakdi metam fekhinit mokitdok maŋ nadiyemilak u mintadakaledok yoŋa Uŋgoŋiŋ Munabuli inditok kamenimguk undugoŋ hinek aditok maŋ kameyemguk. ⁹Adi talik molomolom mu keleeŋ ninigikuk. Adi be indi, talik kubugoŋ gineŋ nihitubu-lodaŋ ninigilune nadisukilitigumun doktiŋa welenik youtewalandaguk. ¹⁰Karj hidi maŋgoŋde Bepaŋ tikamanda timiŋa nemek malabumuŋ u koom mamani-papaniyedi be inde tagimnedok tuwot moŋ, u me feknit mokit Imeyout tigiŋ adibo tagiyemne yoiŋ. ¹¹Jesu Kilisto'walaŋ welesiloŋŋiŋdi indi be, be me feknit mokit heki maŋ nihitubu-lodaŋ ninigitak doktiŋa unduŋ mu titiŋdok.”

¹²Me bop uŋoŋ hakiŋ adi kabup ila nadilune Pol dut Banabas adi Bepaŋdi saŋiniŋ yembune adi'walaŋ kudi tugumuk wendok kahat tiyembu nadigiŋ.

¹³Pol yakat adi mede yodapmaune Jemsdibo indiŋ yoguk, “Me notneye, hidi mede i nadineŋ. ¹⁴Saimon adi kobuk tububihila Bepaŋdi me fekhinit mokit hekidok maŋ nadiŋa yabudokoŋ netok yehikahileguk u ninindakaleune nadiyam. ¹⁵U polofet hekidi koom youkiŋ undugoŋ hinek mintalak. Koom indiŋ youkiŋ,

¹⁶‘Mindaŋkade Wapumdi kotigoŋ udaneŋ buŋa Dewit'walaŋ yot gologuk u kotigoŋ tubupilalaat yolak. Nemek kadakagiŋ u kotigoŋ tutumbaŋ makambiyalaat. ¹⁷Karj me Judahi'walaŋ feknit mokit yehikahile tugut heki adi maŋ Wapum lohineŋ. ¹⁸Mede i Wapumdi koomkwaha yobu nadigiŋ.’

¹⁹“Nu'walaŋ nadinadine adi indiŋ. Me fekhinit mokit Bepaŋ'walaŋkade udaneŋdok malabumuŋ mu yemnim. ²⁰Adi tobo pepa hogok indiŋ youyemne kunali nadineŋ. Nanaŋe bepaŋ yalayalaŋdok siloŋ tiyemiŋ u mu nanaŋdok yeninim. Unduŋ tiŋa kefile mu tiyaneŋ. Tiŋa undugoŋ kale naŋgathinit mu nayaneŋ, doktiŋa kale kodihik foloŋ ibikilitiune kumiŋ u maŋ undugoŋ mu nayaneŋ. ²¹Moses'walaŋ Yodoko Mede u Judahi indi'walaŋ bopyot indigoŋ tuwot Sabat nai foloŋ hogohogok kunalu nadiiŋ, be medeŋiŋ yokwet wapuhi indigoŋ yohautaune nadiiŋ.”

Judahi'walaŋ feknit mokit agaŋ nadisukilitigiŋ aditok pepa youyemgiŋ

²²Unduŋ yobune Aposel heki eŋ me wapuhi noli adi kayoŋbop dut nonŋoŋ bopneeŋ me neeŋ yehitubu-mintaŋ yeniŋkulune Pol yakat dut

Antiyokde uundok yonadigin. Yonadija meyat lufom me wapuhi dabugon yabunadiyagin wohik Sailas dut Judas (wou noli Basabas niyagin) yehitubu-mintan 23 pepa indin youyembu tija ugin.

“O notniye, Judahi’walañ feknit mokit, Antiyok, Silisiya enj Siliya kwet hatiin.

Aposel enj me wapuhi indi hiditok welemomoon mede kamehamam.

24 Me noli indi’walañ bop gineñ inon ugin woon mede hanimbune hidi welemulap be nadilakata tigin u indi’walañ manik mu tija woon yogin. 25 Unduñ doktiña indi inon me noli maan medenik tija woon hanindok yonja Pol yakat dut yeningumun. 26 Meyat adikuyeñ hatihatihik Wapumnik Jesu Kilistodok mindapmagumuk. 27 Kañ indi me yehitubu-mintagumun Judas dut Sailas, ala adi mede pepa gineñ youhamam u mahikdi maan hanimbune nadineen.

28 Indi Uñgonin Munabuli dut welekubugon tija malabumun mu hamdok yonja mede indin hogok keleen hatidok yoyam. 29 Hidi nanaje bepañ yalayalañ yemiyaneen u mu nayaneen, be kale nangathinit mu nayaneen, be kale kodihik folon ibikilitiu kumiin u mu nayaneen, tija kefile maan undugon mu tiyaneen. Kadakanin hogohogok indih u sigilulum tiyemiña kedom hogok hatiyaneen.

Unduñ hogok.”

30 Pepa unduñ youla yembu tija Pol yakat dut Antiyokde woon metam nadisukilitihinit yehibopneen pepahik yemgin. 31 Kañ metamdi yeningkiliti mede pepa folon kunali kañ nadifo wapum hinek tigin. 32 Sailas dut Judas adi nehi polofet doktiña metam yehitubu-kilitiña mede momohi noli yeningumuk. 33-34 Unduñ tija unon muninin hatigumuk kañ nohiyedi kotigon welekulema folon yapmeune me yeningkulu bugumuk’walañ udanedok yeningin.^r 35 Kañ Pol dut Banabas adi Antiyokhi’walañ talitmeñ heki dut unon hatiña metam Wapum’walañ Mede Momoon yeniña yenindidime kwanai tija hatigin.

36 Hatitauyeen helenin Poldi Banabas indin ninguk, “Kamiñ yokwet wapuhi gineñ Wapumnik Jesu Kilisto’walañ Mede yoyaugumutneñ woon me notniye debek hatiin yabudim.”

37 Unduñ yoguk kañ Banabas adi Jon wou noli Mak adi maan nongon nagila uundok yoguk 38 ingon Pol adi koom talik nai nin yauginneñ mu yaudapmaañ Pamfiliya unon woon talik baniñ yapmeen uguk, doktiña nadiune tuwot mu tuguk. 39 Unduñ doktiña nehi ungon siwe tugumuk tija daneen Banabas adi Mak nagila Saipalalde ugumuk. 40 Kañ Pol adi

^r 15:33-34 Nadinadi me nolidi mede nin maan yowo 34 gineñ hata yoin. Mede u indin 15:34 [Ingon Sailas adi unon hatidok yoguk.]

Sailas kahileen nagilune kayonbop nohiye adi Wapum'walaŋ kulema foloŋ yapmeune ugumuk. ⁴¹Wooŋ Siliya dut Silisiya maaneŋ yaunŋ kayonbop yehitubu-kiliti tiyaugumuk.

Poldi Timoti tubumintaŋ nagila kwanai nonŋoŋ tiyaugiŋ

16 ¹Unduŋ tiŋa mowoŋa Pol dut Sailas adi Debi eŋ Listala kwetneŋ uŋa me niŋ Jesu'walaŋ mede nadiŋa tiloloŋ tuluguk wou Timoti tubumintagumuk. Timoti adi miŋ Juda niŋ ala nadisukilitinit kaŋ beu adi Gilik me. ²Ala Timoti adi me noliŋiye Listala eŋ Aikoniam uŋoŋ hatiyagiŋdi nadimimbu utumba tuluguk ³doktiŋa Poldi Timoti nonŋoŋ nagila yaudok yoŋa sigiŋ gitnem diki foloŋ Judame heki'walaŋ fek timiŋguk. Judame uŋoŋ hatiyagiŋ hogohogok adi Timoti beu Gilikniŋ u agaŋ nadiyagiŋ doktiŋa unduŋ timiŋguk. ⁴Fek unduŋ timiŋa nagila yokwet wapuhi maaneŋ yaunŋ Aposel heki eŋ me wapuhidi Jelusalem uŋoŋ kayonbop hekidi talik dediŋ keledok yogiŋ u yeniyauŋiŋ. ⁵Kaŋ kayonbop hogohogok adi nadisukilitihikdi kilitiune helemahelamaŋ kunakunathikdi loloŋ tuluguk.

Wapum'walaŋ Munabulidi Pol heki talitimenŋ tiŋa yahaŋeluguk

⁶Unduŋ titaunŋa Pol heki Esiya maaneŋ Mede Momoonŋ yoyo titiŋdok yobu Uŋgoniŋ Munabulidi kamehep tiyembu Filigia eŋ Galesiya kwet uŋoŋ hogok yaudapmagiŋ. ⁷Yaudapmaŋ wooŋ Misia'walaŋ kwet diki kalakapmeenŋ Bitiniya kwetneŋ fonim yo tigiŋ kaŋ Jesu'walaŋ Munabulidi kamehep tiyemguk kaŋ ⁸Misia maŋ hogok kalakapmeenŋ Tolowade ugiŋ. ⁹Uŋoŋ timiŋ Poldi damo gineŋ kaune Masedoniyanŋ me niŋdi buŋa kolonŋ yali indiŋ nimbulabulayeguk, "Masedoniyade buŋa indi nihitubu-lodaneŋ."

¹⁰Poldi damo gineŋ u kaune indi nonŋoŋ^s pilali tiulidokoŋ Bepaŋdi Mede Momoonŋ uŋoŋ yodok niniŋguk doktiŋa ugumun.

Lidiya tiŋa metam adut itowagiŋ adi nadisukiliti tiŋa Imeyout tigiŋ

¹¹Indi Tolowa yokwet biŋa muwage foloŋ looŋ wooŋ Samotala wosuwaŋ deikumun, ala heleune Neapolide ugumun. ¹²Uŋaniŋ pilali kwet tabe wooŋ Masedoniya kwet wapum maaneŋ yokwet wapum niŋ wou Filipai uŋoŋ wosuwagumun. Yokwet u Lomahi feedi uŋoŋ itowagiŋ ala wooŋ helebufa noli uŋoŋ hatigumun. ¹³Hatiŋa Sabat foloŋ yokwet wapum u biŋa ime magineŋ Judame hekidi Bepaŋ ninadi tagiŋ kwet uŋoŋ nenobu yoŋa diwetaugumun. Wooŋ tamwoi uŋoŋ bopne hakiŋ woyabuŋa nonŋoŋ foilaŋa Jesu'walaŋ Mede Momoonŋ yeniŋgumun. ¹⁴Kaŋ

^s **16:10** Luk ne uŋoŋ yehitomboyoukuk doktiŋa "indi ugumun" youkuk. Kahat i Lukdi youkuk.

tamwoi adi'walaaniŋ tam niŋ wou Lidiya, adi Tayatailaniŋ. Ala adi haule gimih^t tutumbaluguk, tiŋa undugoŋ Wapum niutumbaluguk doktiŋa Wapumdi nadinadiŋiŋ dilitomimbune Poldi mede yoguk u baigoŋ ila nadiguk. ¹⁵Unduŋ tiŋa adi tiŋa metam yot kubugoŋ itowagiŋ Imeyout tigiŋ tiŋa niniŋguk, “Hidi nu Wapum biyagoŋ nadisukilitilat nadiŋa kaŋ kamiŋ buŋa nu yotneneŋ itouneŋ.” Unduŋ ninimbune wooŋ adut itougumun.

Pol dut Sailas adi Filipai uŋoŋ yot fafaŋeniŋneŋ yehidahigiŋ

¹⁶Heleniŋ indi metamdi bopneŋ Bepaŋ niutumba tagiŋneŋ ugumun. Wooŋ tipilapilaye tamkuya niŋ yabapnit kagumun. Tam kuya u yabapŋiŋdi tubulodaune metam'walaŋ mebihik yeniluguk kaŋ muneŋ wapum hinekdi tuwaune muneŋ u tamkuya weŋ'walaŋ me wapuhiŋiyedi moŋgokagiŋ. ¹⁷Ala indi ugumun nai uŋaniŋ indiŋ kutiŋa nihikeleguk, “Mewoi ya Bepaŋ loloŋnit'walaŋ tipilapilayeniye doktiŋa hatihati fofooŋ kahiledok haniŋiŋ.”

¹⁸Helebufa fee hinek unduŋ hogok katilu katilu Pol adi kaŋ kwihitaŋ udaneŋ yabap indiŋ niŋguk, “Nu Jesu Kilisto wou gineŋ yabap du tamkuya i welen maaneŋniŋ labubuŋa weŋ ganilat.”

Unduŋ nimbu nai uŋaniŋgoŋ labuŋa uguk. ¹⁹Unduŋ tubu tamkuya weŋ'walaŋ wapuhiŋiyedi adi muneŋ moŋgomogot talik agaŋ tehenimiŋiŋ yoŋa Pol dut Sailas yokwet wawaliweŋ me wapuhi namandahik foloŋ yanagila fogiŋ. ²⁰Yanagila fooŋ me mede nadinadi namandahik foloŋ yapmeŋ indiŋ yeniŋgiŋ, “Meyat ya Judahi, adi iŋoŋ buŋa malabumuŋ nimde tamuk, ²¹tiŋa indi Lomahi'walaŋ yodoko medenik gineŋ nemek mu titiŋdok yolak u ninindidimeyamuk.”

²²Unduŋ yobune metam uŋoŋ bopneŋ yakiŋdi Pol yakat'walaŋ memikhiye yehitomboyoula toboniŋ yalune me mede nadinadi hekidi yodapmaune Pol yakat tinahukuthik yehitubu-bulagineŋ widihigiŋ. ²³Widihigiŋ yanagi wooŋ yot fafaŋeniŋneŋ yapmeŋiŋ, yapmeŋ me yot fafaŋeniŋ kadoko tuluguk adi yeme fafaŋeŋgoŋ tubukilitiwek niŋgiŋ. ²⁴Unduŋ niŋgiŋ kaŋ me u meyat yanagila yotmaŋ niŋ maaneŋ hinek hatugukneŋ yehidahiga bem malabuhi ginanŋhinit moŋgo buŋa kayohik baŋamneŋ boiŋa yehitubu-kapepeneguk kaŋ uŋoŋ hakumuk. ²⁵Uŋoŋ hali Pol dut Sailas adi timiŋ lekiŋgoŋ Bepaŋ niutumbaŋ kap toŋa ninadi kwanai timiŋgumuk kaŋ me yot fafaŋeniŋneŋ hakiŋ nolidi hanadikuwakiŋ.

²⁶Unduŋ hatulu kenim wapum tiŋa yot fafaŋeniŋ u mahamulu simen kwetfoloŋ galigiŋ u tawaguk, kaŋ yot fafaŋeniŋ taliyeme hogohogok dilitomdapmaŋ tubune tawa fafaŋeniŋ (sen) me uŋoŋ hakiŋ kayohik

^t 16:14 Haule gimih^t u adi muneŋ wapumdi tuwayagiŋ.

foloŋ youkilitigiŋ u gitagoŋ giyali magiŋ. ²⁷Kaŋ me yot fafaŋeniŋ kadoko tuluguk adi pilali taliyeme hogohogok dilitomhinit yabuŋa me hogohogok agaŋ binek fouŋit yo nadiŋa miknoŋ tiŋa ne iŋgoŋ youlukumumbe tuguk. ²⁸Iŋgoŋ Poldi mede wapum indiŋ niŋguk, “Indi hogohogok iŋgoŋ hakam ale dagoŋ maŋgoŋde unduŋ tiŋa kumumbe tilaŋ?”

²⁹Unduŋ nimbune me yot fafaŋeniŋ kadokoguk adi wabiŋa kamaŋdok kutibune tipilapilaye-meniyedi kamaŋ tiŋa bu mimbune tiŋa wooŋ Pol dut Sailas yabuŋa muntaaŋ heheleen kayohik foloŋ maŋ hakuk. ³⁰Maŋ hali pilali yanagila fakaŋ fooŋ yeniŋguk, “Me wapuhineyat, nu dedin tiŋa kougoŋ hatihati fofooŋ kahilewaat?”

³¹Unduŋ yeniŋguk kaŋ indiŋ niŋgumuk, “Wapum Jesu nadisukilitimiŋa kougoŋ hatihati fofooŋ kahilewaan. Wapmihige-tam maŋ undugoŋ.” ³²Unduŋ niŋa metam yot uŋoŋ hakiŋ Wapum’walaŋ Mede yenimbu nadigiŋ.

³³Nai uŋaniŋ timiŋ me yot fafaŋeniŋ kadoko tuluguk adi Pol dut Sailas yanagila wooŋ naŋgathik youteyemguk. Unduŋ tiŋa ne eŋ wapmihiniŋ-tam Imeyout tigiŋ. ³⁴Tiŋa Pol dut Sailas yanagila yolineŋ looŋ nanaŋe yembu nagumuk. Kaŋ nai uŋaniŋgoŋ me yot fafaŋeniŋ kadoko tuluguk adi Bepaŋ nadisukilitimiŋguk doktiŋa adi tiŋa wapmihiniŋ-tam adi nadifodi welehiŋ maaneŋ fotokoguk.

³⁵Heleune haniŋ Loma me wapuhidi kumondulum indiŋ yeniŋa yeniŋkulu ugiŋ, “Wooŋ meyat yeniŋkulu foudemek.”

³⁶Unduŋ yeniŋgiŋ kaŋ me yot fafaŋeniŋ kadoko tulugukdi meyat yeniŋguk, “Me wapuhi agaŋ kedem foudemek yoiŋ ale kulemaŋgoŋ udemek.”

³⁷Unduŋ yeniŋguk kaŋ Poldibo kumondulum heki indiŋ yeniŋguk, “Indi Lomahi iŋgoŋ, tiŋa indi kadakaniŋ nemu tumut, kaŋ metam namandahik foloŋ nihiwihitnadiŋa ninigila yot fafaŋeniŋneŋ nihidahiŋit, ale agaŋ kabukabup be niniŋkutne tiŋ? Tuwot moŋ hinek. Loma me wapuhi nehigoŋ buŋa niniŋkulune foudim.”

³⁸Unduŋ yenimbu kumondulum heki udaneŋ wooŋ Loma me wapuhi yeniŋgiŋ, “Meyat adi Lomahi iŋgoŋ.” Unduŋ yenimbu me wapuhi adi u nadiŋa munta tiŋa ³⁹wooŋ welekulema mede yeniŋgiŋ. Unduŋ tiŋa fakaŋ fooŋ yokwet wapum u biŋa uuŋdok yeninadigiŋ.

⁴⁰Unduŋ yeniŋgiŋ kaŋ Pol dut Sailas adi Lidiya yolineŋ wooŋ me nohiye nadisukilitihinit uŋgoŋ yabuŋa mede yeniŋkiliti tiŋa biyabuŋa ugumuk.

**Tesalonaikahi metam noli adi Pol dut Sailas
yabukahile mu tiŋa mik tiyemgiŋ**

17 ¹Wooŋ Amfipolis dut Apolonia yokwet yalakapmeen Tesalonaika yokwetneŋ ugumuk. Uŋoŋ Judame heki’walaŋ bopyot uŋgoŋ

yatuguk, ²ala Pol adi feŋ tuluguk unduŋ, wodapmaanŋ wooŋ bopyotneŋ foguk. ³Unduŋ tiŋa uŋoŋ hatiŋa Sabat lufomkulitniŋ u metam dut Judahi'walaŋ Youkudip Mede gineŋ mede hatak wondok yonadiŋa indiŋ yeniŋguk, “Kilisto adi kumuŋa pilalaak yogiŋ kaŋ nu kobuk Jesu'walaŋ kahat tihambe nadiiŋ u Kilisto uŋakoŋ.”

⁴Unduŋ yobu metam noli Pol dut Sailas medehik u nadiune biyagoŋ tubune yehitomboyoukiŋ, eŋ Gilikhi metam Bepaŋ niutumbayagiŋ tiŋa tam loloŋhinit feedi maanŋ undugoŋ yehikeleerŋ ugiŋ. ⁵Unduŋ tigiŋ kaŋ Judame nolidi yabunadiune tuwot mu tubune me noli hogok hatifit tigiŋ yehibopneerŋ baham kakaliŋa Yeson yolinerŋ wooŋ Pol dut Sailas yanagiŋa metam namandahik foloŋ yapmeŋdok ugiŋ. ⁶Wooŋ Pol dut Sailas uŋoŋ mu yehitubu-mintaanŋ wabiŋa Yeson tiŋa mewoi nadisukilitihinit noli yanagiŋa me yokwet wondiniŋ talitimeŋ loloŋhinit'walaŋ wooŋ indiŋ yogiŋ, “Meyat u yokwet noli agaŋ yehitubu-kadakaanŋ kamiŋ indi'walaŋ i tubukadakade bumuk. ⁷Kaŋ Yesondi yanagiŋa yolinerŋ yapmeguk. Adi mapme niŋ wou Jesu yoŋa Loma Mapme Wapumnik'walaŋ mede hogohogok yalakapmedapmaŋ tiŋ.”

⁸Unduŋ yobune me talitimeŋ heki eŋ metam adi yalaŋ mede u nadiŋa sukule tiŋa nadibedi tigiŋ. ⁹Unduŋ tiŋa Yeson eŋ metam noliŋiye kadakanihikdok mebi muneerŋ boineŋ yenimbune boiune biyabuŋa yeniŋkulu ugiŋ.

Pol dut Sailas adi Beliya uŋoŋ Jesu'walaŋ Mede Momooŋ yogumuk

¹⁰Unduŋ tiŋa hatu bufaune Pol dut Sailas adi nohiyedi yeniŋkulune Beliyade ugumuk. Wosuwaanŋ dapmaanŋ Judame heki'walaŋ bopyotneŋ fogumuk. ¹¹Kaŋ Judame uŋahi adi kulemahi, adi Tesalonaikahi dabugoŋ moŋ. Unduŋ doktiŋa magi kametnadi baigoŋ hinek tiŋa helemahelamaŋ Poldi mede yoluguk u biyagoŋ be yalaŋ yoŋa Youkudip Medehik u kunatnadi tagiŋ. ¹²Unduŋ tiŋa Judame feedi nadisukiliti tigiŋ eŋ Gilikhi metam loloŋhinit muneerŋ bomboŋhinit adi maanŋ nadisukiliti tigiŋ. ¹³Kaŋ Judame Tesalonaikahi adi Pol yakat Mede Momooŋ Beliya uŋoŋ yohautayamuk kahat u nadiŋa buŋa Beliyahi bolik tiyembune ¹⁴me nadisukilitihinit uŋahidi Pol niŋkulune luhinerŋ uguk. Kaŋ Sailas dut Timoti adi uŋoŋ hakumuk. ¹⁵Kaŋ me noli Pol nagi wooŋ Atens kameerŋ kotigoŋ Beliyade udaneerŋ une tubu Poldi mede indiŋ yenimbu tiŋa ugiŋ, “Wooŋ Timoti dut Sailas yenimbu pilap hinek buŋa nabudemek.”

Pol adi Atens uŋoŋ Jesu'walaŋ Mede Momooŋ yohautaguk

¹⁶Timoti dut Sailasdok mede unduŋ kameerŋ Pol ne Atens uŋoŋ hali uŋahi metamdi welewele fee tutumbaŋ boiŋa yeniutumbayagiŋ yabuŋa welerŋ kisaŋ hinek kadagakuk. ¹⁷Unduŋ tiŋa bopyotneŋ fooŋ Judame eŋ me Judahi'walaŋ feknit mokit uŋoŋ Bepaŋ niutumbayagiŋ adut

siweneyagiñ, eñ metam noli talipmeñ be bopkwet wapumneñ yabuña helemahemañ siweneyagiñ.

¹⁸Kañ yokwet uñoñ me nadinadihinit me bop lufom hatiyagiñ wohik Epikue-hi dut Stoik-hi yenyagiñ, adi undugoñ Pol dut siwe tiña nolidi yoyagiñ, “Me nadinadinit mokit, nemek nemu nadilak i mañgoñ mede yobe tilak?” Pol adi Jesudi pilakuk wondok yenindidime kwanai tuguk doktiña noliyey “bepañ kwet niñkadehi’walañdok mede yolak,” yogiñ. ¹⁹Unduñ niña nagila bop kwet niñ wou Aliopaga uñoñ looñ ningiñ, “Indi du yodidime kwanai gitipmuñoñ tilañ yendok ninimbu nadinim. ²⁰Nemek noli yolañ i gitipmuñoñ hinek nadiyam ale wondiniñ mebi ninimbu nadinim.” ²¹Metam Atenshi eñ buñambu uñoñ itowagiñ adi yadi nadinadi be mede nemek gitipmuhi hogok nadiña kiyonadi tiñila kisañ hati yonadiyagiñ.

Poldi Atens uñoñ Bepañ biyagoñ hatihatinitdok yenindidimeguk

²²Unduñ ningiñ kañ Pol adi pilali metam Aliopaga bopneñiñ namandahik foloñ yali indin yeninguk, “Atenshi metam, nu hidi’walañ mebihik indin kalat. Hidi bepañ fee hinek yeniutumbaiñ. ²³Kañ nu yokwet wapumhik maaneñ yauña bepañ yeniutumbaiñ kwet fee hinek yabuñat, yabuña yaue yaue wooñ muni hemiñ hemiñ falik niñ kañat u kudi indin youla kamegiñ, ‘Bepañ mu nadimiyamdok,’ u adi Bepañ mu nadimiña hogok niutumbafit tiñ wondok adi kobuk nu hanilat ukuyoñ. ²⁴Adi Bepañ kunumkwet kameguk tiña nemenemek kwetfoloñ iñoñ be kunum gineñ ikiñ u adi boidapmaguk, tiña adi kunumkwet diniñ Wapum. Adi silonyot mehinekdi maiñ gineñ mu itoulak. ²⁵Kwetfoloñ iñoñ hatihati be munabut tiña nemenemek hogohogok u adigoñ nimilak, doktiña kwetfoloñ medi nemek niñ kwanaineu mintaune mimindok tuwot moñ. ²⁶Tiña undugoñ timenñ adi mehinek kubugoñ tubumintaguk diniñ kwetkwet mehinek bop fee mintaañ hatiyam. Eñ mintaañ hatidok kwet be nai u adigoñ ninguk.

²⁷“Unduñ tubune metam welehiñdi Bepañ lohitaueñ tubumintadok yona unduñ tuguk. Ingoñ Bepañ adi indi binibuña kweetniñ hinek mu hatilak. ²⁸Nebek niñdi youkuk unduñ, ‘Indi adi’walañ hatihatiñiñ gineñ hatiña nemek tiyam.’ Hidi’walañ me noli nadinadihinitdi indin yoiñ, ‘Indi maañ adi’walañ wapmihi.’

²⁹“Kañ indi Bepañ’walañ wapmihiñiye aditok agañ mintagumun doktiña nadine Bepañ adi kwetfoloñ iñoñ goldi be silwadi (ñañ momooñdi), be kawadedi, be bemdi tiñ undiniñ mu tibek. ³⁰Koom kaulenñ hatinene nibuña binibuluguk, iñoñ kobuk adi metam hogohogok kwetfoloñ iñoñ welenik tubutakaleen kadakaninñnik sigilulum tiyemdok yolak. ³¹Tiña undugoñ, Bepañ adi kwetfoloñ me indi’walañ mebinik kañ kibikoñ nimdok nai tinimguk hogok hatak. Kwanai u me niñdi tibaak

yoŋa nindapmaguk, tiŋa me u biyagoŋ hinek tibaak nadidakalenim yoŋa kumuŋ gineniŋ tubukaikaguk kaŋ pilali hatilak.”

³²Pol adi Jesu kumuŋa pilakukdok yoguk kaŋ me noli adi nihaŋinda tigiŋ, kaŋ noli adi naininde kotigoŋ yobu nadidok niŋgiŋ. ³³Unduŋ tigiŋ kaŋ Pol adi bop kwet u bikabuŋa uguk. ³⁴Me noli Pol dut yali nadisukiliti tiŋa Pol kelegiŋ. Me niŋ wou Diyonisiyo, adi bop kwet Aliopaga diniŋ me bop gineniŋ, eŋ tam niŋ wou Damali tiŋa metam noli adi maanŋ keleen ugiŋ.

Pol adi Kolin uŋoŋ woŋoŋ hatiŋa Wapum'walaŋ mede yohautaguk

18 ¹Unduŋ tiŋa Pol adi Atens biŋa Kolinde uguk. ²Uŋoŋ woŋoŋ Judame niŋ wou Akwila adi Pontas uŋoŋ mintaguk, ala tamŋiŋ Pilisila dut woŋoŋ Itali uŋoŋ hatilu me Mapme Wapum Kalaudiyodi Judame hogohogok Loma kwetneŋ uŋoŋ mu hatineŋ unduŋ yenimbu momoŋ Kolinde ugumuk. Kaŋ Poldi woŋoŋ yabuguk. ³Pol adi memalam wondi tagumuk unduŋ seli yot kwanai tuluguk, doktiŋa woŋoŋ yabuŋa noŋgoŋ itouŋa yehitubu-lodaan kwanaineyagiŋ. ⁴Unduŋ tiŋa Sabat nai hogohogok foloŋ Judahi'walaŋ bopyotneŋ fooŋ Judame heki be Gilikme heki dut Mede Momooŋ yonadiŋa adi'walaŋ nadinadihik u tubugweheyeune nadisukiliti titiŋdok wondok kwanai tuluguk.

⁵Unduŋ hatitulu Timoti dut Sailas adi Masedoniyanŋ busuwagumuk kaŋ Pol adi Mede Momooŋ yoyo fafaŋe tiŋa tiŋila Judame indiŋ yeniluguk, “Jesu adi Kilisto uŋakoŋ.” ⁶Unduŋ yenimbu Judahi metamdi kahaŋinda tiŋa niwoliwolike tubune adi kuduhuluŋ tinahukutiŋ foloŋ ulumamaŋe tiŋa yeniluguk, “Hidi woŋoŋ fitneŋ u nu'walaŋ yom mu tibaak, u hide'walaŋ nemek. Unduŋ doktiŋa nu kobuk hidi sigilulum tihamuŋa me Judahi'walaŋ feknit mokit heki'walaŋ hogok kwanaineluwaat.”

⁷Unduŋ yoŋa Pol adi woŋoŋ me feknit mokit niŋ Bepaŋ niutumbaluguk wou Tisas Yusto dut itowagumuk. Adi yoli Judahi'walaŋ bopyot gagayeŋ. ⁸Uŋoŋ bopyot diniŋ me talitimeŋ niŋ hatiluguk wou Kilispas, adi Wapum nadisukilitimiluguk ala adi wapmihiniŋ tam eŋ Kolin metam feedi Mede Momooŋ nadiŋa nadisukilitiŋa Imeyout tigiŋ.

⁹⁻¹⁰Heleniŋ, timiŋ Pol damo gineŋ kaune Wapumdi indiŋ niŋguk, “Metam fee iŋoŋ hatiŋiŋ adi nu'walaŋ metamneye, be nebek niŋdi nemek nemu tigambaak doktiŋa munta tiŋa wabi mu tibeŋ.” ¹¹Unduŋ niŋguk doktiŋa Pol adi uŋoŋ gulet kubugoŋ tiŋa gulet niŋ faki hogok unduŋ hatiŋa Bepaŋ'walaŋ Mede Momooŋ yoyo tuguk.

Judahidi Pol mebinit mokit mede gineŋ kamene nagila kiyap'walaŋ ugiŋ

¹²Me Galiyo adi Akaia kwetneŋ uŋoŋ kiyap itugukneŋ ala Judame heki adi noŋgoŋ bopneŋ Pol mik timiŋa nagila mede tine ugiŋ. ¹³Nagi woŋoŋ

indiŋ yogiŋ, “Me i indi’walaŋ Yodoko Medenik lahula metam Bepaŋ niutumbadok tali gitipmuŋ yenindidimelak.”

¹⁴Unduŋ yobu Poldibo mede yobit yo tuguk kaŋ Galiyodibo Judame indiŋ yeniŋguk, “Me i nemek kadakanŋ wapum tibetik wondok nu medehik kedem nadilit. ¹⁵Hidi adi mededok eŋ nemenemek wohiyedok tiŋa hide’walaŋ Yodoko Mededok yoiŋ doktiŋa hidi hide yotubudidimeneŋ. Nu nemek indihidok ale mede nadinadi mu tibit.”

¹⁶Unduŋ yeniŋa yeniŋkulune mede kwet biŋa fougiŋ. ¹⁷Yeniŋkulune fowoŋ nehi’walaŋ bopyot diniŋ talitimeŋ me Sositeni nagila woŋ me wapum Galiyo namanda foloŋ bem ukiŋ. Ingoŋ Galiyo adi wondok nemek nemu nadiguk.

Pol adi kwanai titawooŋ Jelusalem wosuwaan kotigoŋ Antiyokde uguk

¹⁸Unduŋ tiŋa Pol adi Kolin uŋgoŋ metam nadisukilitihinit dut yagigi hatiŋa heleniŋ Akwila malam dut Siliyade muwage foloŋ looŋ ugiŋ. Muwage foloŋ lolondok tiŋila Pol adi Seŋkiliya yokwetneŋ uŋoŋ ki hapmuŋ kulikut tuguk. U Judahi’walaŋ titiŋhik keleeŋ Bepaŋ dut mede yofafaŋe tiŋa tuguk. ¹⁹Unduŋ tiŋa uŋaniŋ muwage foloŋ looŋ woŋ Efeso yokwetneŋ wosuwaan Pol adi memalam u biyabuŋa bopyotneŋ fooŋ Judame heki Mede Momooŋ yeniyeniŋ tuguk. ²⁰Mede Momooŋ yeniŋguk kaŋ uŋgoŋ hatidok niŋgiŋ kaŋ moŋ yoŋa ²¹indiŋ yeniŋa uguk, “Nu Bepaŋdi nadinambune kedem kotigoŋ udaneŋ buŋa habaat.” Unduŋ yeniŋa kotigoŋ muwage foloŋ looŋ Sisaliyade uguk. ²²Sisaliya wosuwaan Jelusalemde woŋ kayoŋbop uŋoŋ yeniutumbaaŋ Antiyokde uguk. ²³Uŋoŋ muniniŋ-kabe hatiŋa kotigoŋ Galesiya eŋ Filigia kwetneŋ yaunŋa kayoŋbop uŋahi mede yeniŋkiliti tiyauguk.

Apolo adi Efeso uŋoŋ Wapum’walaŋ Mede Momooŋ yohautaguk

²⁴Judame niŋ wou Apolo adi Alesandiliya uŋoŋ mintaguk ala Efesode uguk. Adi mede yoyodok nadinadiŋiŋ wapum, tiŋa undugoŋ Judahi’walaŋ Youkudip Mede kunali nadidapmaŋ tuluguk. ²⁵Ala adi Wapum Jesu’walaŋ mede diki hogok nadiŋa muntanit mokit didimeŋgoŋ yohautaluguk. Ingoŋ adi Jon Imeyout’walaŋ mede Jesudok yoguk hogok nadiŋa Jesu wou foloŋ Imeyout tigiŋ u mu nadidakaleguk.

²⁶Adi Judahi’walaŋ bopyotneŋ fooŋ mede uŋakoŋ u saŋiniŋnit yohautaune Pilisila dut Akwila adi u nadiŋa nagila yopmaŋde woŋ Bepaŋ’walaŋ tali hinek nindidimegumuk. ²⁷Unduŋ tiŋa Apolo adi Akaiade we yobune Efesohi metam nadisukilitihinit adi nohiye Akaiŋa uŋgoŋ hatigiŋ doktiŋa Apolodi uŋoŋ uune niutumba titiŋdok yoŋa pepa youyemgiŋ. Kaŋ Apolo adi uŋgoŋ woŋ indiŋ yehitubu-lodaguk. Akaiahi metam noli adi Bepaŋdi welesiloŋ tiyembune Jesu nadisukilitimiŋgiŋ, kaŋ Judahidi u kaune tuwot mu tubune siwe tigiŋ. ²⁸Doktiŋa

Apolodi woon nehi'walaŋ Youkudip Mededi Kilistodok dedin yolak u yenindakaleŋ Jesu adi Kilisto unjakoŋ yeninguk.

Poldi Efeso unjoŋ Wapum'walaŋ mede yohautaguk

19 ¹Apolo adi Kolin unjoŋ hatilu Pol adi kweboboe fee lokadotawoon Efeso wosuwaguk. Unjoŋ metam kayoŋbop niŋ yehitubu-mintaŋ ²indin yeninguk, “Hidi Bepaŋ nadisukilitimiŋin kaŋ Unjoŋin Munabuli maanbe fotokihamguk?”

Unduŋ yeninadiguk kaŋ niŋin, “Indi Unjoŋin Munabuli unjoŋ hatilak u mu nadiyam.”

³Unduŋ niŋin kaŋ Poldibo kotigoŋ yeninguk, “Kaŋ hidi Imeyout dedin tigin?”

Yeninadiguk kaŋ yogin, “Indi Jon'walaŋ Imeyout tugumun.”

⁴Unduŋ yogin kaŋ Poldi kotigoŋ yeninguk, “Jondi metam kadakanihik sigilulum tinenok Imeyout tiyemiluguk. Unduŋ tiŋila Isilaehi metam indin yeniluguk, ‘Me niŋ mindaŋ nu sigineneŋ bulak unjak nadisukilitimineŋ.’ Me u Jesu.”

⁵Unduŋ yeninguk kaŋ nadiŋa Wapum Jesu wou gineŋ Imeyout tigin. ⁶Imeyout tigin kaŋ Poldi kohoŋ kihik foloŋ kameune Unjoŋin Munabuli foyembune mede unjoŋin unjoŋin gineŋ Bepaŋ wou nintiloŋ Bepaŋ'walaŋ mede yohautagin. ⁷Me kunakunathik 12 undun di tigin. ⁸Kaŋ Pol adi muyakip lufomkulitniŋ wondok tuwot bopyotneŋ foŋ metam dut Bepaŋ'walaŋ Hatihati Unjoŋin wondok yenindakale kwanai tuguk.

⁹Kaŋ metam noli adi mede u mu nadiŋa Jesu'walaŋ Mede Momoŋ u sigilulum timiŋa metam bop wapum gineŋ Wapum'walaŋ talidok mede yopekiti fee tigin. Unduŋ tigin kaŋ Pol adi biyabuŋa me nadisukiliti tigin hogok yanagila helemahemaŋ me niŋ wou Tilana'walaŋ nadinadi yotneŋ woon Mede Momoŋ yonadi tagin. ¹⁰Kwanai u gulet lufom wondok tuwot tubune metam Esiya maaneŋ hatiyagin Judame be me feknit mokit wanaŋ Bepaŋ'walaŋ mede nadigin.

Bepaŋ'walaŋ saŋiniŋdi Efeso unjoŋ kwanai tuguk

¹¹Unduŋ tubune Bepaŋdi Pol saŋiniŋ mimbune kudi gitipmuŋ mebimebi tuluguk. ¹²Kudi noli indin, mehinek nolidi buŋa Pol'walaŋ tinahukut fakaŋnenin be haule faki mimindi tumololuguk u moŋgo woon yagithinit be yabaphinit yembune yohoneŋ yagithinit adi kedebayagin eŋ yabaphinit adi yabap heki welehik ginenin labu bu wagin.

¹³Kaŋ Judame noli yokwet noli gineŋ yaŋa yabap yehikeleyagin adi maŋ Jesu wou foloŋ kwanai u tine nadiŋa yabap indin yeniyagin, “Nu me Poldi Mede Momoŋ yolak, Me Jesu wou gineŋ ganilat, bikabu weŋ!”

¹⁴Ala unjoŋ me hekidalit 7 adi Judame heki'walaŋ talitimenŋ wapum wou Siwa, adi mihiŋiyedi kwanai u tigin. ¹⁵Unduŋ tulu yabap niŋdi mede

indiŋ tubu-udaneyemguk, “Nu Jesu agaŋ nadilat, nu Pol agaŋ nadilat iŋgoŋ hidi! Hidi neeŋ hinek? Nu hidi mu nadihamulat.”

¹⁶Unduŋ yeniŋa me yabapnit adi mewoi u widihiŋa tinahukuthik kahibulagineŋ yehikeleune mewoi u yolineŋ logiŋ fotatakula hambiyek foloohik nangatnangathinit yohite ugiŋ. ¹⁷Kaŋ Judame eŋ me feknit mokit Efeso uŋoŋ itowagiŋ adi kahat u nadiŋa kisaŋ muntaaŋ Wapum Jesu wou nintilogiŋ.

¹⁸Unduŋ tiŋa metam nadisukilitihinit feedi metam bop wapum gineŋ buŋa kadakanŋ koom tigiŋ u yobihikiŋ. ¹⁹Kaŋ metam noli adi nadinadisu komihi kahaŋ dedinŋ titiŋdok wondiniŋ mebi pepa gineŋ youlu muneeŋ wapumdi tuwaaŋ boihebi hatiyagiŋ u moŋgo fooŋ metam bop wapum gineŋ kulaheu dagiŋ. Pepa kulahegiŋ u muneeŋ kunakunathik kunalune 50 tausen kina wondok tuwot mintaguk. ²⁰Metamdi unduŋ tubune Wapum'walaŋ Mede Momoonŋdi kwetkwet hautadapmaguk.

Poldi Efeso uŋoŋ bepaŋ yalayaŋhik diniŋ mebi yodakaleguk

²¹Unduŋ tiŋa Pol adi Lomade we nadiguk iŋgoŋ indiŋ yoguk, “Timeŋ Akaia eŋ Masedoniya kwetneŋkade dapmatauyeeŋ Jelusalem wosuwawaat, tiŋa mindaŋkade kedem Lomade waat.” ²²Unduŋ yoŋa tubuloda meŋiŋ yakat Timoti dut Elasto yeniŋkulu Masedoniyade uune ne Esiya kwet wapum maaneŋ uŋgoŋ hatiguk. ²³Kaŋ nai uŋaniŋ Efeso yokwet wapumneŋ Jesu'walaŋ Mede Momoonŋ doktiŋa tonŋiyonda wapum hinek tigiŋ. ²⁴Me niŋ silwadi moŋgola nemenemek tuluguk wou Demitiliya, ala adi bepaŋ yalayaŋa Atemis^u siloŋyot diniŋ welewele kuyahikuyahi silwadi fee tutumbaaŋ boiune me nolidi buŋa tuwaune adi tiŋa me noliŋiye adi muneeŋ wapum hinek beyagiŋ.

²⁵Unduŋ doktiŋa me noli kwanai Demitiliyadi tuluguk undugoŋ tagiŋ u maŋ kutiyenimbu buŋa bopneune indiŋ yeniŋguk, “Meheki, hide agaŋ nadiiŋ, kwanainik yendiŋgoŋ halune indi muneeŋ bomboŋhinit tiŋa ikam. ²⁶Kaŋ Poldi buŋa bepaŋ mehinekdi tiŋiŋ u bepaŋ biyagoŋ moŋ yolak u hide-ku agaŋ kaŋ nadiiŋ. Tiŋa mehinek fee iŋoŋ be Esiya kwet wapum maaneŋ agaŋ yenindapmaune nadiiŋ. ²⁷U malabumuŋ hinek, muneeŋ kwanainik wougigitŋiŋ kadaka tibaak, tiŋa undugoŋ u hogok moŋ, malabumuŋ niŋ metamdi Atemis'walaŋ siloŋyot u nadiune folooŋnit mokit tibaak, tiŋa Atemis wougigitŋiŋ Esiya maaneŋ be kwetkwet kadaka tibaak.”

²⁸Unduŋ yobune metamdi nadiune tuwot mu tubune kakaliŋa yogiŋ, “Efeso'walaŋ Atemis adi Wapum.” ²⁹Unduŋ totubune kakalihikdi yokwet wapum u kilidapmaune mewoidi Masedoniyahi meyat lufom, Alistaka dut Gaiyus adi Pol dut noŋgoŋ yaugiŋ u yehihamanenŋ yanagila bopyothik

^u 19:24 24, Atemis adi Efesohi'walaŋ bepaŋ yalayaŋa. Diksineli gineŋ kedem kawenŋ.

ginej nonjon ugin. ³⁰Unduŋ tigin kaŋ Pol ne metam namandahik foloŋ wooŋ mintawit yo tuguk kaŋ me nadisukiliti tagiŋ nolidi kamehep timiŋgiŋ. ³¹Unduŋ tubune Pol noliŋiye yokwet wapum wondiniŋ me wapuhi hatiyagiŋ adi maŋ bopyothik ginej mu wooŋ mintawek yo mede kamemiŋgiŋ.

³²Kaŋ metam bopyotneŋ hakiŋ feedi nemekde tiŋa bopnein u mu nadiŋa hogok kakalifit tiŋa noliyeŋ nemek niŋ yon, noliyeŋ nemek niŋ yon, unduŋ tiŋa toŋgiyonda wapum tigin. ³³Unduŋ tubune Judame nolidi Alesanda niŋa siloneune metam namandahik foloŋ looŋ kohonŋdi welewele tiŋa mede yoŋa yehitubu-kulawit yo tuguk, ³⁴kaŋ metamdi neeŋ yoŋa kagiŋ be adi Judame iŋgoŋ, u kaŋ kakaliŋa yogiŋ, “Efeso’walaŋ Atemis adi wapum,” mede unduŋ kutilu kutilu awa lufom dapmaguk.

³⁵Unduŋ totubune yokwet wapum wondiniŋ youkudip medi yehitubu-kulaŋ mede indinŋ yeniŋguk, “Metam hogohogok adi yokwet wapum Efesodi bepaŋ wapum Atemis’walaŋ silonŋyot eŋ kunum gineniŋ welewele foguk u yabudokolak u agaŋ nadiiŋ. ³⁶Mede i yalaŋ moŋ doktiŋa hidi wabiŋa nemek kaka kotigoŋ mu tineŋ. ³⁷Hidi meyat i silonŋyot maaneŋ nemek kubo nemu tumuk, be indi’walaŋ bepaŋnikdok mede kadakaninŋ nemu nimuk kaŋ hogok yanagi bufit tiŋit. ³⁸Me Demitiliya heki adi nebek niŋ mede ginej kamene nadiŋa nai fee hakiŋ ala wooŋ yokwet wapum diniŋ me wapuhi dut mede kedem tineeŋ. ³⁹Be hide’walaŋ mede niŋ halune kaŋ me wapuhi’walaŋ kedem tiŋa uneŋ. ⁴⁰Hidi kamiŋ kakali tifiŋ tiŋit kaŋ mik mintawe tilak, nemek i toyam yendok me yokwet wapum yendiniŋ talitimeŋ mede unduŋ be unduŋ ninim iŋgoŋ medenik tuwot mu nadinimbek.”

⁴¹Youkudip me wondi unduŋ yeniŋa metam yeniŋkulu mowogiŋ.

Pol adi metam nadisukiliti tigin mede yeniŋkiliti titauyeŋ Gilik wosuweguk

20 ¹Kakali wapum u kulemaune Pol adi me nadisukiliti tagiŋ yenimbu buŋa bopneune mede yeniŋkiliti tiŋa yapmeeŋ Masedoniyade uguk. ²Uŋandiŋ yaŋa metam kayonbop tigin Mede Momooŋ yeniŋa yeniŋkiliti tiyaŋa wooŋ Gilik wosuweguk. ³Uŋoŋ muyakip lufomkulitniŋ hatiŋa Siliyade we tiulidoko tuguk, iŋgoŋ uŋoŋ Judame hekidi uutdok mede yohebet kabukabup tigin nadiŋa kotigoŋ Masedoniyakade uguk. ⁴Masedoniyakade uguk kaŋ me indinŋdi kelegiŋ, Beliyanin Sopata adi Pilas mihiniŋ agaŋ Tesalonaikehi Alistaka dut Sekundo, agaŋ Debihi Gaiyus dut Timoti, agaŋ Esiya yokwet wapunehi Tikikus dut Tolofimo. ⁵Me unduŋdi timeŋ wooŋ Tolowa uŋoŋ woomniŋgiŋ. ⁶Kaŋ indi belet haguwonit mokit diniŋ hinamuni nai dapmaluguk kaŋ Filipai uŋoŋ muwage foloŋ looŋ ugumun. Helebufa

kohofukun dapmaune Tolowa ungon woong yabuŋa unon Sonda kubugon hatigumun.

Poldi Tolowa unon Yutikas kumun ginenin kotigon tubukaikaguk

⁷Sonda timin Dumun nane bopnegumun. Bopneen Poldi heleune agan uundok nadiguk doktiŋa Mede Momoon yolu yolu timin lekingon tuguk. ⁸Yotmaan folonin indi hakumunen unon kaman fee hinek ila dagin. ⁹Kan mekuya nin wou Yutikas adi yot dobutom^v folonin ila Poldi mede yoguk u ila nadiguk. Yagigi hinek yoguk doktiŋa Yutikas adi ha nadigenadige damo deimbakap ila tuguk. Undun ila tige deikauleen mage mage kwetfolon maguk. Kan foon tubupilali kagin e, agan kumun tuguk. Yot u kweheyenin hinek magin ala adi yotmaan folonin 3 wondok hali maan kwetfolon foguk. ¹⁰Kan Poldi foon Yutikas foloon folon maan hali metam indin yeninguk, “Hidi nadibedi mu tineŋ, adi agan kaikalak.”

¹¹Undun yeniŋa kotigon folonin loon Dumun nagin. Naan metam dut mede yoyo ha tulutulu mele labune biyabuŋa uguk. ¹²Kan metam adi mekuya u kaikaune welemomoon nadiŋa nagila ypmande ugin.

Pol adi Tolowa bikabuŋa yauge yauge Mailitas wosuwaguk

¹³Undun tiŋa noli indi Poldi nininikulune muwage folon loon Asode ugumun. Woong Pol ungon woomyanene Pol ne kwet tabe woong nibune ¹⁴muwage folon nongon loon woong Mitilini yokwetneŋ wosuwagumun. ¹⁵Unjanin pilakumundi heleune Kiyo wosuwagumun. Unjanin woong Samos wosuwagumun, unjanin helen yauge yauge Mailitas yokwetneŋ wosuwagumun. ¹⁶Kan Pol adi Pentikos gulet folon Jelusalem wosuwawe yoguk doktiŋa Efeso yokwetneŋ foon Esiya maanen yaune nai dapmawaakneŋ doktiŋa dapmatau hogok tiŋa woong Mailitas yokwetneŋ wosuwagumun.

Poldi Efeso kayonbop dinin talitimen mede yeningkiliti tiŋa yapmeen uguk

¹⁷Unon wosuwaan hali mede kameune Efeso kayonbop>walaŋ uune me kayonbop>walaŋ talitimen hogohogok Pol kane ugin. ¹⁸Wosuwaune Poldi mede indin yeninguk, “Hidi nu Esiya kwet wapum inon timen busuwaan hidigut dedin hatigut u agan nadiin. ¹⁹Buŋa Wapum>walaŋ kwanai-me doktiŋa kwanaine tibene Judame hekidi nunut tine mede yohebet kabukabup tagin kan fiit fafane tiŋa dautililititne makwaneu kwanai tulugut. Tiŋa natok nadiwe foun fiit kwanaine hogok tulugut. ²⁰Tiŋa nu hidi yohineŋ be metam bop wapum gineŋ yawoon mede yolugutneŋ nemek hehitubu-lodadok nemu kamehebiŋa yolugut. ²¹Me fekhinit

^v 20:9 Yot dobutom wou noli Bagi Mede gineŋ “winduwa” yoyam.

mokit be Judame habuhaŋinda mu tiŋa kadakanihik sigilulum timiŋa Bepaŋ'walaŋkade udaneer Wapumnik Jesu nadisukilitimineŋ haningut.

²²“Kaŋ i agaŋ Munabuli'walaŋ mede tagimneeŋ Jelusalemde wit, uŋoŋ nemek mintanambek mu nadilat. ²³Yokwet noli yaugutneŋ adigili Munabulidi yot fafaŋeniŋneŋ fofoŋdok be malabumuŋ niŋ mintanamdok u agaŋ naniluguk. ²⁴Bepaŋ'walaŋ welesiloŋŋiŋdok mede yohautadok kwanai u Wapum Jesudi namguk. Tiŋa talik yaudok naniŋguk uŋakoŋ keleeŋ yawe dapmawaak yoŋa na'walaŋ hatihatinedok nadiwe tuwaŋit mokit tilak.

²⁵“Hidi hogohogok itowiŋneŋ agaŋ yaudapmaan Bepaŋ'walaŋ Hatihati Uŋgoniŋdok yobe nadigiŋ, ala i wit i kotigoŋ hidi'walaaniŋ nebek niŋdi mu nabaak. ²⁶Unduŋ doktiŋa kulemaŋgoŋ indiŋ hanindakalewit. Nebek niŋdi filaak u nu'walaŋ yom moŋ, u hide'walaŋ nemek. ²⁷Nu Bepaŋ'walaŋ talii be Mede Momooŋ u agaŋ hanindapmaŋ tibe nadigiŋ.

²⁸“Unduŋ doktiŋa hide kikadoko tiŋa dompa Uŋgoniŋ Munabulidi hidi kohohik foloŋ yapmeguk u Bepaŋ ne mihiŋiŋdi yehituwaguk doktiŋa momooŋgoŋ yabudokoneeŋ. ²⁹Nu bihabuŋa wit kaŋ kamo moihidi” buŋa dompa yehisitubukadaka tineeŋ u agaŋ nadiŋa hanilat, ³⁰tiŋa undugoŋ hide'walaaniŋ niŋdi kayoŋbop yalaŋ yeniŋa yanagila talik fai yalineeŋ. ³¹Undudegoŋneŋ doktiŋa gulet lufomkulitniŋ maaneŋ makat dautililititnit helebufa indigoŋ tuwot hanindidimegut u naditomuŋa kikadoko tiŋa hatineeŋ.

³²“Ala kamiŋ Bepaŋ kohoŋ foloŋ hapmelat, kaŋ welekulema medeŋiŋ haningut wondi hehitubu-lodawek. Adi Saŋiniŋ Molomdi nadisukilitihik tububediŋa mehineŋkŋiyedok kahaŋ kame hatilak u hambek. ³³Nu nebek niŋ'walaŋ muneŋdok be tinahukut fofohidok nadinadi mu tugut. ³⁴Hide-ku agaŋ nadiiŋ, nu na kohone yendi kwanailewe mintaune me nehikeleyaugiŋ be na indi tuwot moŋgokumun. ³⁵Tiŋa nu nemenemek hanindidimeeŋ kwanai fafaŋeŋ tiŋa metam fiyewakahi be gweheyehi u yehitubu-lodadok haningut, ale Wapum Jesu ne mede indiŋ yoguk u kaule mu tineŋ, ‘Siloŋ toboniŋ tiyemtiyem'walaŋ nadifodi nemek toboniŋ datok hogok yabukahilekahile diniŋ nadifo u kalakapme hinek tilak.’”

³⁶Mede unduŋ yodapmaan Pol adi me noli dut noŋgoŋ mulelem tiŋa Bepaŋ ninadigiŋ. ³⁷⁻³⁸Bepaŋ ninadidapmaan kotigoŋ mu kaneeŋ yeniŋguk wondoktiŋa kohoŋ kulimiŋa makat kisaŋ kokiŋ. Unduŋ tiŋa nagi wooŋ muwage foloŋ kamegiŋ.

**Poldi Mede Momooŋ yohauta tauyeen muwage
foloŋ looŋ Jelusalemde uguk**

21 ¹Nagi wooŋ muwage foloŋ kameune kutiwoi tiyemiŋa didimeŋgoŋ wooŋ Kos wosuwapumun. Uŋaniŋ dilitelegumundi

^w 20:29 Kamo moihi u hinale yalayaŋa hekidok kamekaŋaŋ yoguk.

helenj Lodes ugumundi dapmaan Patala wosuwagumun. ²Uņonj muwage niņ Fonisiyade we tuluguk kaņ indi maan uņgonj loonj ugumun. ³Woonj Saipalas kapmadinik ginenkade halune kalakapmeenj Siliya kwetneņ Taiya yokwetneņ uņonj wosuwagumun. Wosuwaanj bombonj uņgonj mongo boine tagiņ kaņ ⁴indi foonj me nadisukilitihinit noli yabuņa uņonj Sonda kubugonj hatigumun. Uņonj hatine Uņgoniņ Munabulidi metam yenimbune metamdi Pol Jelusalemde mu wek niņgiņ. ⁵Iņgonj uuņdok nai tuguk kaņ muwage folonj lone ugumun kaņ me hogohogok adi wapmihitam nonņonj yanagilu ugumun. Woonj kiņ folonj wosuwaanj uņgonj mulelem tiņa Bepaņ ninadiņa ⁶kohokukut tiņa hakaneņ yeninene adibo mawaneņ niniņgiņ kaņ indi muwage folonj loyane adi maan kotigonj yohite udaneņ ugiņ.

⁷Kaņ indi Taiyaniņ woonj Tolemes uņgonj foonj metam kayonbop yabuņa timiņ kubugonj adut uņgonj deikumun. ⁸Heleune uņaniņ pilakumundi woonj Sisaliya wosuwaanj me uņonj Mede Momoonj yoyo tuluguk wou Filip, adi yolineņ woonj itougumun. Koom Jelusalem uņonj me ⁷yehitubu-mintagiņ adi'walaaniņ me niņ adikuyonj. ⁹Adi wabiņyi tamkuya lufolufom ala adi maan polofet dabugonj Bepaņ'walaņ mede yohautayagiņ. ¹⁰Ala adut uņgonj yagigi-kabe hatigumun, kaņ heleniņ polofet niņ wou Agabo adi Judiyaniņ busuwaguk. ¹¹Busuwaanj indi yakumunneņ buņa Pol'walaņ kiyegelep tiņa ne'niņ kohonj kayonj ibiguk. Ibiņa yoguk, "Uņgoniņ Munabulidi indinj yolak, kiyegelep i molom Jelusalem uņonj Judame hekidi indigonj ibiņa me fekhinit mokit heki kohohik folonj kameneņ."

¹²Unduņ ninimbu nadiņa metam uņahi indut yali Pol Jelusalemde mu wek yoņa nihep tugumun ¹³kaņ adibo niniņguk, "Hidi maņgonde makat kola wenedi Jelusalemde uuņdok nadilat u tubugweheyeiņ. Nu uņonj wene kayone kohone hogok ibineņ wondok nadibedi mu tilat. Wapum Jesu doktiņa nulukumun maan kedem tineeņ." ¹⁴Unduņ ninimbu indi kotigonj niņgigine mu tugumun. Adi Wapum'walaņ nadinadi kedem kelewek yo hogok yakumun. ¹⁵Unduņ tiņa agaņ uuņdok nai tuluguk kaņ tiulidoko tiņa Jelusalemde ugumun. ¹⁶Unene metam nadisukilitihinit Sisaliyahi adi indut nonņonj ninigila woonj me niņ Saipalasnij kayonbop timentimeņ hinek tuguk wou Neson adi yolineņ nipmegiņ.

Pol adi Jelusalem wosuwaanj talitimeņ heki dut nonņonj bopneņiņ

¹⁷Jelusalem wosuwane metam nadisukilitihinit uņonj itowagiņdi kohonik kutnimgiņ. ¹⁸Unduņ tiņa ikumun, ala heleune Pol adi Jems kawene uguk. Kaņ kayonbop diniņ talitimeņ hogohogok nonņonj bopneņiņ. ¹⁹Bopneune Poldi ne yaunja kwanai tubune Bepaņdi kwanaiņiņ gineņ metam fekhinit mokit nemenemek tiyemguk u kahat tiyembu nadigiņ.

²⁰Kahat tiyembu nadidapmaan Bepañ niutumbaan Pol niñgin, “Notnik Pol, i nadilañ be. Judame kunakunathik 1 tausen kalakapmeen lolakdi Jesu’walañ kayonbop tigin, ingon Yodoko Mede u gigin tiña kame yakiñ. ²¹Kañ du’walañ mede indin buune nadiyam. Metam fekhinit mokit lekingonhik ginen Judame hatiñ adi Moses’walañ Yodoko Mede u mu keledok yenilañ, tiña undugon wapmihi sigihik gitnem diki folon fek mu titindok yeniña Judame indi’walañ yayatnik be titinik u wabidok yenilañ. ²²Yalañ mede unduñ buune nadiyamneñ metamdi du inon busuwaguñ u nadineñ kañ dedin titindok? ²³Mon doktiña indi ganinim unakon kelej tibeñ. Indin tibeñ, inon me lufolufom adi Bepañ dut yofafañe tiña kihik filakut mu tiña hogok hatiñ. ²⁴Ala indi du adut gehitomboutnim kañ wooñ muni hemundumunduñe titindok tuwayembeñ kañ wooñ Bepañdok hemin tiña kihik kulikutneñ. Du unduñ tibeñ kañ metamdi du’walañ mede buune nadigin u kaune foloon mokit tibek, kañ du Yodoko Mede ungon kelelañ yo nadineñ.

²⁵“Kañ metam fekhinit mokit nadisukiliti tiindok adi pepa kameeñ nanañe bepañ yalayañdok hemin u mu nanandok yeningumun, be nangat, be kale kodihik folon ibikilitiu kumiñ u mu nanandok tiña kefile undugon mu titindok u agañ yeningumun.”

²⁶Unduñ niñgin kañ heleune Pol adi mewoi u yanagila kihik filakula walandadok tali hogohogok u kelej tigin. Tiña Poldi ne hogok Silonjotneñ foon me Silonjot dinin talitimeñ heki nai dedin hatiña dumuñ heen walandadok u yeninguk.

Judahi me nolidi Pol Silonjotneñ ula hamane tukulune fakan foon buguk

²⁷Kadehati 7 dapmaune Judame noli Esiyahi buña Pol Silonjot maaneñ kañ metam noli yeningigine tubune Pol Silonjot maaneñ honeñ ukin. ²⁸Ulaña indin kutigin, “Isilaehi metam, buña nihitubu-lodayaneñ. Me kwetkwet yauna Isilaehi indi’walañ titinik mu keledok yenilak eñ Moses’walañ Yodoko Mede mañ mu keledok yenilak, tiña undugon Silonjot yendok mede kadakanin nilak, me inakon. Tiña undugon kamiñ me fekhinit mokit yanagila buña Silonjot maaneñ foon Silonjot Ungonin u tubukadaka tilak.” ²⁹(Pol adi me Efesonin Tolofimo nagi buguk kagin doktiña Silonjotneñ nongon nobu fodemek yo unduñ kutigin.)

³⁰Togiyonda wapumdi yokwet u tuwot tubune metam nongon kiyaaneñ wooñ Pol honeñ hamane tukulu fakan fobuguk, kañ Silonjot taliyeme pilap hinek tehegin. ³¹Unduñ tiña metam adi Pol agañ ulukumune tulu Loma mikme’walañ talitimedok mede indin kamemiñgin, “Jelusalem me hogohogok mik tine tiñ.”

³²Unduñ nimbu unaniñgon mikme yanagila talitimehik mañ yeniña nongon kiyaaneñ metam bop hakiñneñ fosuwagin. Kañ metamdi yabuña Pol ukin wabiña

hogok yaŋiŋ. ³³Wabiŋa yalune mikme'walaŋ talitimerŋdi wooŋ Pol honeeŋ yenimbune tawa fafaŋeniŋ (sen) lufomdi youkilitigiŋ. Youkilitigiŋ kaŋ indiŋ yeninadiguk, “Me i neeŋ? Adi maŋgoŋ tiŋak kaŋ ukiŋ?”

³⁴Unduŋ yeninadiguk kaŋ metam noliyeŋ nemek niŋ kutibu, noliyeŋ nemek niŋ kutigiŋ. Unduŋ kutiŋa toŋgiyonda wapum hinek tigiŋ kaŋ maŋgoŋde tiŋa ukiŋ u mebi hinek mu nadiŋa mikmerŋiye yenimbune Pol nagila mikme heki'walaŋ yohineŋ logiŋ. ³⁵Metam hogohogok gu mik titiŋdok namandap hogok diweeŋ ilauiŋ doktiŋa mikme hekidi talolok foloŋ wosuwaan tubupilali beem tiŋa logiŋ. ³⁶Tubu metam adi mindaŋ yehikeleeŋ kakaliŋa indiŋ kutigiŋ, “Ulukumunŋ tinenŋ.”

Poldi Isilaehi nehi'walaŋ mede gineŋ hinek mede yenihautaguk

³⁷Unduŋ tiŋa yot maaneŋ fofoŋdok tubudulalu Poldi me wapum u indiŋ ninadiguk, “Kedem be mede neeŋ yobit?”

Unduŋ ninadiguk kaŋ me wapumdibo Pol indiŋ ninadiguk, “Du Gilik mede uŋgoŋ be nadilaŋ? ³⁸Koom Ispiniŋ me niŋ gapman mik timiŋa me 4 tausen yanagila wooŋ kwet fiileŋ itougiŋ u du kube?”

³⁹Unduŋ niŋguk kaŋ Poldibo yoguk, “Nu adi Judame, Silisiya maaneŋ Tasus uŋoŋ mintagut, tiŋa undugoŋ nu yokwet wapum wougigitnit gineŋ itoulat. Ale kedembe metam mede yenimbit?”

⁴⁰Unduŋ nimbune me wapumdi fiit nadimimbune talolok foloŋ uŋgoŋ yali kabup yayatdok kohowobu tubune metam mede wabiŋa kabup yadapmaune Pol adi Isilaehi nehi'walaŋ mede gineŋ hinek mede yoguk.

Poldi metam ne'walaŋ mebiŋiŋ yenindakaleguk

22 ¹Mede indiŋ yoguk, “Batneye, kwayaneye, nu natok yohehewe mede indiŋ hanimbe nadineŋ.” ²Nehi'walaŋ mede foloŋ unduŋ yenimbu kabup yali nadigiŋ kaŋ tomboyoula indiŋ yeniŋguk. ³“Nu Judame, Silisiya maaneŋ Tasus uŋoŋ mintagut, iŋgoŋ nanagila Jelusalemde buune Gameliye'walaŋ pepayot mihi hatigut. Hatibe Gameliyeldi Yodoko Mede hogok keledok nanimbu nu maanŋ hidi kamiŋ tiŋiŋ undugoŋ koom Bepaŋ'walaŋ Yodoko Mede keledok yolugut. ⁴Tiŋa metam Jesu'walaŋ tali keleyagiŋ widihikumunŋ tulugut. Metam noli yanagila yot fafaŋeniŋneŋ yapmelugut. ⁵Me Siloŋyot diniŋ talitimerŋ eŋ kansol bop gineŋ hatigiŋ adi mede u biyagoŋ nobu yolit u kedem hanimbu nadineŋ. Koom meheki wendi pepa youtnambu moŋgola Judame notniye'walaŋ Damaskode wooŋ metam noli uŋoŋ yabuŋa tawa fafaŋeniŋdi yehitehiŋa yanagila Jelusalemde buŋa yehiwihitnadidok ugut.

Damasko tubudulalune Jesudi mintaŋ mede niŋguk wondok yenindakaleguk

(Aposel 9:1-19; 26:12-18)

⁶“Pepa youtnambu moŋgola wooŋ mele lekiŋgoŋ tulu Damasko tubudulawe hauta fafau hogok foloniŋ nu ugutneŋ hautadapmaguk. ⁷Kaŋ

maan kwetfolon hali nadiwe mede niŋ indin naninguk, ‘Sol, Sol, du mangonde nula nehikele ti-hatilaŋ?’

⁸“Unduŋ naninguk kaŋ nubo indin ningut, ‘Me wapum, du nedigon?’

“Kaŋ adibo yoguk, ‘Nu Jesu Nasaletniŋ, du nula nehikele ti-hatilaŋ, nukuyoŋ!’

⁹“Unduŋ mintaune me nukut ugumun adi mede mu nadigin, hauta hogok kagin. ¹⁰Kaŋ nu kotigon yonadi indin tugut, ‘Wapum, nu mangon tibat?’

“Unduŋ yonadigit kaŋ Wapumdi yoguk, ‘Pilali Damaskode weŋ kaŋ Bepaŋdi du nemek titindok yoguk u uŋoŋ me niŋdi ganimbaak.’ ¹¹Unduŋ naninguk kaŋ hauta fafau hinekdi daune tubusububa-dapmaguk doktiŋa me notneyedi kohone folon nohoneŋ nanagilu Damasko yokwet maanen fogumun.

¹²“Kaŋ uŋoŋ me niŋ hatiluguk wou Ananiya, adi indi’walaŋ Yodoko Mede didimeŋgoŋ keleluguk, kaŋ Judame uŋoŋ itowagin adi kaŋ nadiu utumba tuluguk. ¹³Ala adi buŋa nu yakutneŋ uŋgoŋ yali naninguk, ‘Notne Pol, dauge kotigon diweweŋ.’ Unduŋ naninguk kaŋ nai unaniŋgoŋ hinek diweeŋ Ananiya kawe ¹⁴naninguk, ‘Du mamani-papaniye’walaŋ Bepaŋ adi’walaŋ nadinadi keleeŋ Mihiniŋ Uŋgoniŋ daugedi hinek kaŋ mede ne maŋin gineŋ hinek mintaune nadidok nadigamguk. ¹⁵Unduŋ doktiŋa du Bepaŋ Uŋgoniŋ Mihiniŋ sigiyakadi timiŋa nemek kaŋ nadiŋaŋ u metam yenihautawaan ¹⁶ale mangonde woomdim, pilali Imeyout tubu adi wou gineŋ ninadide kadakaninŋe tumolokukambek.’ ”

Poldi mikme heki netok adi maan Loma me iŋgoŋ u yenimbihikuk

¹⁷Pol adi mede unduŋ yoŋa tomboyoula indin yoguk. “Unduŋ tiŋa kotigon Jelusalemde wooŋ Silonyotneŋ fooŋ Bepaŋ ninadi hatiŋa ¹⁸lihineŋ Wapum kawe indin naninguk, ‘Du iŋoŋ nutok mede yobeŋ kaŋ metamdi medege mu nadineŋ doktiŋa Jelusalem pilap hinek biŋa weŋ.’ ¹⁹Unduŋ naninguk kaŋ ningut, ‘Wapum, nu koom Judahi’walaŋ bopyotneŋ yaŋa metam du nadisukilitigamagin u yanagila yehiwidihi tulugut u agaŋ nadidapmanamiŋ. ²⁰Tiŋa undugon Stiwen me du’walaŋ mede yoyo tuluguk u kedem ukiŋ unduŋ nadiŋa nadifo tiŋa me mik tigin’walaŋ tinahukut wahiniŋ boiyem yakut kaŋ ukiŋ.’

²¹“Unduŋ ningut kaŋ Wapumdi yoguk, ‘Agaŋ ganiŋkule Judahi’walaŋ fekhinit mokit’walaŋ weŋ ale mu ulaŋ.’ ”

²²Metam adi kabup yanadigin iŋgoŋ Poldi mede u yobihilu baham kakaliŋa yogin, “Me u kwetfolon iŋoŋ hatidok tuwot moŋ ale nagi wooŋ ulukumun tineŋ.”

²³Unduŋ toŋa tinahukuthik wahiniŋ kwihiniŋ moŋgola foloniŋgoŋ kwaikula kundufak waliŋa foloniŋgoŋ yakula totigin. ²⁴Kaŋ Loma mikme’walaŋ wapumdi fooŋ Judame heki nemekdok toiŋ u tubumintawit

yoŋa mikmeŋiye yenimbune Pol wihitnadi tine nagila mikme yohinen fogiŋ. ²⁵Nagi fooŋ tahi kwadidi wihitnadine kiyegelepdi kayoŋkohon ibikilitigiŋ. Kaŋ Poldi mikme talitimeŋhik uŋoŋ yakuk u niŋguk, “Nu Lomaniŋ iŋgoŋ, nu nemek kadakaniiŋ nemu tiŋat kaŋ maŋgoŋde nutne tiŋ?”

²⁶Unduŋ yobu mikme talitimeŋdi u nadiŋa kiyaneŋ wapumhik’walaŋ wooŋ niŋguk, “I deti indiŋ tilaŋ? Me ya Lomaniŋ iŋgoŋ.”

²⁷Unduŋ nimbune wapumhikdibo wooŋ Pol ninadiguk, “Biyakube du Lomaniiŋ?”

Unduŋ niŋguk kaŋ Poldi “Eeŋ” yoguk.

²⁸Kaŋ me wapumdibo yoguk, “Nu Loma gapmandok muneŋ wapum kamegut doktiŋa Loma me tiŋa hatilat.”

Unduŋ yoguk kaŋ Poldibo yoguk, “Du unduŋ tuguŋ, iŋgoŋ nu adi mane batne Lomahidi nehitudu-mintagumuk.”

²⁹Unduŋ yobu me wihitnadi tine yamaŋgoŋ wooŋ yakiiŋ kotigoŋ bubuye tigiŋ. Kaŋ me wapum adi Pol Loma me nadiŋa koom yodapmaune sen lufomdi youkilitigiŋ doktiŋa munta tuguk.

Pol adi talitimeŋ wapuhi namandahik foloŋ yali mede yoguk

³⁰Unduŋ tiŋa me wapum adi Judame heki Pol maŋgoŋde hinek uutdok yoŋi u nadidok yoŋa heleune me Siloŋyot diniŋ talitimeŋ eŋ kansol bop yenimbu bopneune tawa fafaŋeniŋ (sen) lufom Pol kohoŋ foloŋ dilitelekulimiŋa nagi fooŋ me bopneŋiŋneŋ namandahik foloŋ kameune yakuk.

23 ¹Poldi me uŋoŋ ikiŋ yabuhohoŋe tiŋa indiŋ yeniŋguk, “Notneye, nu koom Bepaŋdi kadakaniiŋne youtetnamguk kaŋ hatitalabulatneŋ uŋaniŋ welene maaneŋ kadakaniiŋ nemu hatak.”

²Unduŋ yobu me Ananiya Siloŋyot diniŋ Talitimeŋ Wapum adi me noli uŋgoŋ yakiiŋ adi Pol maŋiŋ foloŋ utneŋ yeniŋguk. ³Unduŋ yenimbu ukiŋ kaŋ Poldibo Ananiya niŋguk, “Sigige hogok walaniŋ eŋ welege maaneŋ adi geŋgeŋnit du, du Bepaŋdi gulek. Du Yodoko Mede diniŋ medi nu medene nadi tubudidimewe itaŋ iŋgoŋ Yodoko Mede lahula nunutdok yenilaŋ.”

⁴Unduŋ niŋguk kaŋ me nolidi niŋgiŋ, “Du Bepaŋ’walaŋ Siloŋyot diniŋ Talitimeŋ Wapum i maŋgoŋde unduŋ nintubukadakalaŋ?”

⁵Unduŋ niŋgiŋ kaŋ Poldibo yeniŋguk, “Yodoko Mededi indiŋ yolak, ‘Talitimeŋhik mede kadakaniiŋ mu yenindok yolak iŋgoŋ nu me i Talitimeŋ Wapum u mu nadilat doktiŋa niŋat.’ ”

⁶Unduŋ yeniŋa me bop noli Sadusi eŋ noli Falisi yabuŋa kansol bop gineŋ uŋgoŋ indiŋ yeniŋguk, “Notneye, nu batne Falisi doktiŋa nu maŋ Falisi. Unduŋ doktiŋa nu me kumuŋa pilatneŋ yolat doktiŋa mede gineŋ napmeiŋ.”

7-8 Sadusi heki adi me kumuŋa koti mu pilatneeŋ yoiŋ be munabuli be aŋelo nemu hatiŋ yoiŋ, kaŋ Falisi heki adi me kumuŋa koti pilatneeŋ be munabuli eŋ aŋelo ungoŋ hatiŋ yoiŋ doktiŋa me bop lufom u nehi ungoŋ siweneeŋ dane tigiŋ. 9 Unduŋ tiŋa mede wapum toŋa Falisi bop gineŋ me noli Yodoko Mede hinale hatigiŋ, ala pilali fafaŋeŋgoŋ indiŋ yogiŋ, “Me ya munabuli niŋdi bek be aŋelo niŋdi mede biyagoŋ binek niŋak. Tiŋa undugoŋ indi nemek kadakaniiŋiŋ nemu tubumintayam.”

10 Unduŋ yoŋa mede gibita totubu mikme’walaŋ me wapumdi tiyaugene unduŋ totiŋa Pol fukufukuŋ hamaneu bulagine sipisipik tibaakneŋ yoŋa muntaaŋ mikme yenimbu fooŋ Pol nagila momoŋ mikme heki’walaŋ yohineŋ logiŋ.

11 Kaŋ timiŋ Wapumdi Pol mintamiŋa indiŋ niŋguk, “Munta mu tibeŋ, fafaŋe tiŋa nutok iŋoŋ yohautalaŋ undugoŋ Loma gwaŋ maan yohautawaan.”

Judahidi Pol ulukumundok yohebet tigiŋ

12-13 Haniŋ Judame kunakunathik 40 kalakapmegukdi buŋa bopneeŋ nanaje ime kameheŋa hogok hatiŋa Pol ulukumuŋa mindaŋkade nanaje ime nanaŋdok yoŋa yofafaŋeeŋ yohebet tigiŋ. 14 Unduŋ tiŋa Siloŋyot diniŋ talitimeŋ heki eŋ me wapuhi’walaŋ wooŋ yogiŋ, “Indi nanaje ime kameheŋ tiŋa hatiŋa Pol ulukumuŋa mindaŋkade nanaŋdok yoŋa kamiŋ yofafaŋe tumun. 15 Unduŋ doktiŋa hidi tikamanda indiŋ tineŋ, hidi kansol bop dut Pol nagi foune medeŋiŋ didimeŋgoŋ hinek nadinim yoŋa mede kameune Loma mikme’walaŋ me wapumdok lowek kaŋ nagi foune indi talipmeŋ yali ulukumunim.”

16 Yohebet unduŋ tagiŋ kaŋ Pol tideudi nadiŋa wooŋ mikme yohineŋ looŋ kokoŋ nimbihit tuguk. 17 Kaŋ kokoŋ Poldi u nadiŋa mikme’walaŋ talitimeŋ kutinimbu buune niŋguk, “Mekuya i me wapum’walaŋ mede niŋ tiŋa bulak ale nagila me wapum’walaŋ weŋ.”

18 Unduŋ nimbu mikme talitimeŋdi nagila wooŋ me wapum niŋguk, “Mekuya i mede niŋ ganimbe yoŋak doktiŋa Poldi kutinanimbu wene nanimbu nagi bulat.”

19 Unduŋ nimbu me wapumdi Pol tideu kohoŋ foloŋ honeeŋ hamaneŋ nagi wooŋ nehi hogok hinek kamekaan “Nemek u nanimbu nadiwit,” niŋguk.

20 Kaŋ Pol tideudi yoguk, “Judame heki’walaŋ me wapuhi adi mede yofolokeneeŋ haloŋ koko’walaŋ mede nadidok yalaŋ ganimbu nagila bophik gineŋ foweŋ 21 kaŋ Judame yokunathik 40 kalakapmelak adi talipmeŋ hebihali ulukumuneŋ yoŋit. Adi nanaje ime kameheŋ tiŋa hatiŋa koko ulukumuŋa mindaŋkade nanaje ime nanaŋdok yofafaŋe tiŋit, tiŋa agaŋ tiulidokoŋ du dediiŋ yobeŋdok woomgamiŋ. Unduŋ doktiŋa medehik mu nadiweŋ.”

²²Unduŋ nimbu me wapumdibo niŋguk, “Du mede i bu nanimbihitaŋ u nebek nemu nimbu nadiwek.” Unduŋ niŋa niŋkulu uguk.

Mikme hekidi Pol nagila Sisaliyade ugiŋ

²³Me wapum adi Pol tideu niŋkulu uune mikme diniŋ talitimenŋiyat lufom yenimbu buune yeniŋguk, “Hidi Sisaliyade uuŋdok mikme 2 handelet yanagitemek, agaŋ wosi foloŋ ila mik tiŋ maŋ 70 yanagitemek, agaŋ me bohomdi mik tiŋ maŋ 2 handelet yanagitemek. Unduŋ tiŋa tiulidokoŋ kamiŋ timiŋ 9 kilok tibek kaŋ uneŋ. ²⁴Tiŋa Poldok wosi niŋ miŋa baigoŋ kadokoŋ nagi wooŋ kiyap Feliks kohon foloŋ kameneŋ.”

²⁵Unduŋ yeniŋa pepa indiŋ youla yembu tiŋa ugiŋ.

²⁶O kiyapne wapum Feliks,

Nu haniŋ kedemne dutok kamegamulat, tiŋa mede indiŋ youkamulat. ²⁷Mikme hekidi me niŋ nagi wiŋ u Judame hekidi ulukumune tigiŋ kaŋ me u Lomaniŋ nadigut^x doktiŋa mikmeneye dut fooŋ nagikumun. ²⁸Nagila medeŋiŋ nadidok yoŋa Judahi’walaŋ kansol bop gineŋ fogumun. ²⁹Iŋgoŋ adi nemek kadakanŋ niŋ kumuŋdegoŋ be yot fafaŋeniŋneŋ fofonŋdok nemu tuguk. Adi hogok Yodoko Medehik doktiŋa timiŋ. ³⁰Tiŋa Judame nolidi uutdok yohebet kabukabup tiŋ doktiŋa du’walaŋ kamewe ulak. Kaŋ me uut tine tiŋ maŋ agaŋ yeniŋat ala adi wooŋ gabuŋa medeŋiŋ ganimbu nadiwaan. Unduŋ hogok.

Nu Kalaudiyo Lisiya

³¹Pepa unduŋ youla yembu tiŋa ugiŋ. Pol timiŋ nagi wooŋ Antipatili wosuwaŋiŋ. ³²Heleune mikme noli udaneŋ bugiŋ kaŋ wosi foloŋ ugiŋ adi hogok nagi ugiŋ. ³³Nagi wooŋ Sisaliya wosuwaan kiyap kaŋ pepa miŋa Pol maŋ adi kohon foloŋ kameeŋ bugiŋ. ³⁴Kaŋ kiyap adi pepa kunali kaŋ Pol kwet wapum deŋaniŋ ninadiguk, kaŋ Pol adi Silisiyaniŋ niluguk kaŋ niŋguk, ³⁵“Me toboniŋhi buneŋ kaŋ medege nadiwit.” Unduŋ niŋa mikme yenimbu nagila wooŋ Helotdi yoli falipmeŋ yot fafaŋeniŋ tutumbagukneŋ kameeŋ kadokogiŋ.

Judahi talitimenŋi Pol kiyap wapum Feliks namanda foloŋ kameu yakuk

24 ¹Kadehati kohofukuŋ dapmaune Siloŋyot diniŋ Talitimenŋ Wapum wou Ananiya tiŋa Judahi’walaŋ me wapuhi noli eŋ me Lomaniŋ mede gineŋ yehitubu-lodaŋ mede yoyodok talii nadiguk, wou Tetalas, me heki unduŋdi Sisaliya yokwet wapumneŋ fooŋ Pol’walaŋ

^x **23:27** Lisiyadi mede i yalaŋ yoguk. Mede foloŋ Poldi yoguk u Aposel 22:25-29 gineŋ uŋoŋ kedem kunali nadidakaledok.

mede yodok Kiap'walaŋ wooŋ mintamiŋgiŋ. ²Wooŋ mintamimbune Kiapdi Pol kutinimbu buune Tetaldasdi mede indiŋ tububihila Pol mede foloŋ kameguk,

“O me wapumnik momooŋ, Feliks. Du kulemaŋgoŋ hinek nibudokooŋ malabumuŋnik tubudidimelaŋ kaŋ indi yotnik kwetnik wou kadaka mu tilak. ³Unduŋ doktiŋa indi metam uŋoŋ be uŋoŋ dutok hogok yeniyam, tiŋa dutok nadine utumba hinek tilak. ⁴Unduŋ dokti nu mede yoŋa nai mu tubukweheyewit, ale du kulemaŋgoŋ hinek ila medenik nadiweŋ. ⁵Me yendigoŋ tubune Judahi metam kwetkwet hatiŋ adi mik tine tiŋ, tiŋa adi me hogoli, adi Nasaleti'walaŋ talitimenhik niŋ. ⁶Adi Siloŋyotnik kahaŋjinda tiŋa tubukadaka tibe tuguk' kaŋ nagikumun, tiŋa indi'walaŋ Yodoko Medenik keleeŋ medeŋiŋ nadinim yogumun ⁷iŋgoŋ mikme'walaŋ me wapum Lisiyadi mikmeŋiye dut buŋa nihisilone moŋgokula bulap-eŋ nagi ugiŋ, nagi wooŋ me mede gineŋ kamegumun indi du'walaŋ bunim niniŋguk kaŋ bugumun. ⁸Ale indi mede ganiyam i da ninadi tiŋa mebiŋiŋ kedem tubumintaweŋ.”

⁹Mede unduŋ yoguk kaŋ Judame uŋoŋ ikiŋ adi pilali medeŋiŋ kasop tigiŋ.

Poldi kiyap wapum Feliks namanda foloŋ ne'niŋ mebi yodakaleguk

¹⁰Unduŋ tigiŋ kaŋ kiyapdi Poldok kohoŋdi welewele timiŋguk kaŋ Poldibo pilali indiŋ yoguk, “Du mede nadinadime kwet yendok gulet fee hinek hatilaŋ doktiŋa nu natok mede yodok nadifo tilat. ¹¹Nu Jelusalem uŋoŋ Bepaŋ niutumbadok wooŋ hatibe helebufa ¹²agaŋ dapmalak, u da yeninadiweŋ kaŋ ganineŋ. ¹²Nu Siloŋyotneŋ be bopyotneŋ be yokwet wapum maaneŋ fooŋ nebek niŋ dut siwe mu tugut. Tiŋa undugoŋ meeniŋ welehik nemu tubukadagakut. ¹³Unduŋ doktiŋa me i ikiŋdi nemenemek tugut ganiŋ u nadiune folooŋnit mokit tibe.

¹⁴“Kaŋ nu niŋ indiŋ ganimbe nadiweŋ, nu biyagoŋ hinek mamani-papaniye'walaŋ Bepaŋ Judame hekidi talik moiniŋ yoŋi u kelelat. Tiŋa undugoŋ Moses'walaŋ Yodoko Mede gineŋ nemenemek youkiŋ eŋ polofet heki'walaŋ Youkudip u kelelat. ¹⁵Unduŋ tiŋa nu maan me hekiyeŋ nadisukilitiŋ undugoŋ me fofohi be kadakahi kumuŋ gineniŋ kotigoŋ pilatneeŋ u nadisukilitilat. ¹⁶Unduŋ doktiŋa nu mehinek namandahik foloŋ be Bepaŋ namanda foloŋ nemek kadakanŋ nemu tilat. Nu adi nemenemek kedem hogok tibe kwanai titabulat.

¹⁷“Jelusalem bikabuŋa yokwet noli gineŋ yawe gulet kabe-feegoŋ dapmaune kotigoŋ Bepaŋ hemundumunduŋe timindok eŋ Judahi metam

^y 24:6 Me Bepaŋ'walaŋ feknit mokitdi Judahi'walaŋ Siloŋyotneŋ mu fofondok kamehep wapum hinek hatuguk. Unduŋ doktiŋa Pol adi Esiyahi me noli yanagila buguk u yahaŋeeŋ Siloŋyotneŋ fooŋ Siloŋyot tubukadakalak yoŋa niŋkamandagiŋ.

notniye injon itowiin aditok muneen mongo bugut. ¹⁸Buŋa kwanai u tuluwe Silonyotneŋ nehitubu-mintagin. Kedeba-utumba titindok tali keleen tubudapmagut, nai uŋaniŋ uŋon nebek nemu hakiŋ be tonŋiyonda nemu tigin. ¹⁹Inŋon Judame noli Esiyahi bugin adi nehi buŋa nu nemek tibe kadakagukdok mede kedem ganindok inŋon debek tiŋa hakiŋ on! ²⁰Be mewoi i ikiinŋi nemek tibe kadakaguk u kedem ganineŋ, ²¹en nu nemek tibe kadakaguk adi kansol bop namandahik folon indin kutifiyegut, ‘Nu kobuk kumuŋ tiin i kotigon pilatneen u nadisukilitilat doktiŋa kamiŋ medene nadiin.’ ”

²²Kiap Feliks adi Wapum’walaŋ kayonbopdi tali dedin keleen nadisukiliti tagin u agaŋ nadidakale hinek tuluguk doktiŋa Pol medeŋin mu yodapmaŋ indin yeninguk, “Mikme’walaŋ me wapum Lisiya adi Jelusalemniŋ udaneen buune medehik kedem yodapmawaat.”

Unduŋ yobune bop wabi tigin. ²³Unduŋ yeniŋa mikme diniŋ talitimen indin niŋguk, “Pol kadoko fafaŋeŋon kedem tineŋ, inŋon me noliŋiyedi nemek mine yobu kamehep adi mu tiyemneŋ.”

Feliksdi Pol yot fafaŋeŋneŋ uŋon bikabune gulet lufom hatiguk

²⁴Unduŋ yeniŋa mowoŋa wooŋ muniniŋ hatiŋa heleniŋ Feliks tamŋin wou Dulusila adi nonŋon bugumuk. Tamŋin adi Juda tam ala nonŋon buŋa Poldi Jesu Kilisto nadisukilitimindok medeŋin yobu nadidok yoŋa Pol mede kamemimbu nagila bugin. ²⁵Kaŋ yenintawooŋ didimeŋon hatidok, kadakanin gineŋ mu fofondok, en nai wapumdok yenimbu nadiŋa Feliks adi munta tiŋa yoguk, “Kedem ale wabiŋa foon weŋ. Ala denimbek kaŋ kotigon kutiganimbaat.” ²⁶Unduŋ niŋake nemek noli nimaŋ nadiguk adi indin. Poldi nehitubu-hohoket tubune mede gineŋ bikabe fo uuŋdok muneen nenobu nambek yoŋa nai fee hinek kutinimbu uune mede yonadi tagumuk.

²⁷Gulet lufom dapmaune kiyap niŋ wou Posiya Festa adi Feliks’walaŋ kwelikon tuguk kaŋ Feliks adi Judamedi nadimimbu utumba titindok yoŋa Pol yot fafaŋeŋneŋ uŋon bikabuŋa uguk.

Poldi kiyap wapum Festa namanda folon ne’niŋ mebi yodakaleguk

25 ¹Festa adi buŋa pop kahileen ilune hele lufomkulitniŋ dapmaune Sisaliyaniŋ Jelusalemde uguk. ²Uŋon uune Judame wapuhi tiŋa Silonyot diniŋ talitimen heki adi Poldok mede kotigon yogin. ³Mede yoŋa uutdok yohebet agaŋ koom tigin doktiŋa Festa adi Pol niŋkulune Jelusalemde wek yoŋa niŋgin. ⁴Kaŋ Festadi yeninguk, “Pol adi Sisaliya uŋon yot fafaŋeŋneŋ hatak, ala na muniniŋ hatiŋa Sisaliyade waat ⁵doktiŋa talitimenhiye yapmeune nukut nonŋon wooŋ nemek kadakanin tugukdok kedem yoneen.”

⁶Unduŋ yeniŋa melenai 8 bek 10 uŋon hatiŋa Sisaliyade uguk. Wooŋ deikuk ala heleune mede nadinadi tibene yenimbu Pol mede nadinadi

yotneŋ nagi fogaŋ. ⁷Foune Judame Jelusalemhi bugiŋ adi Pol kelemadi yali mede folooŋnit mokit fee yogiŋ, iŋgoŋ medehik u biyagoŋ mu tuguk. ⁸Kaŋ Poldi netok yohehewe tiŋa indiŋ yoguk, “Nu nemek kadakaniiŋ Judame heki’walaŋ Yodoko Mededok be Siloŋyotdok be Loma Mapme Wapumdok nemu yeniŋgut.”

⁹Kaŋ Festadi Judame welehek tubuhakaledok yoŋa Pol indiŋ ninadiguk, “Du Jelusalemde wooŋ medege uŋoŋ be yodok nadilaŋ?”

¹⁰Unduŋ ninadiguk kaŋ Poldibo yoguk, “Yadi Lomahi’walaŋ mede nadinadi yotneŋ yatat ale iŋgoŋ yodok. Nu Judame hekidok nemek kadakaniiŋ nemu tiyemgut u da-ku agaŋ nadilaŋ. ¹¹Be nu Yodoko Mede lahula nemek kadakaniiŋ nenobu tibit kaŋ kumuŋdok yoyaneŋ kaŋ nu momoŋ tuwot mu tibit. Iŋgoŋ nutok mede yoiŋneŋ uŋoŋ mede biyagoŋ nemu yoiŋ doktiŋa nebek niŋdi nu adi kohohik foloŋ tuwot mu napmewek. Unduŋ doktiŋa Lomahi’walaŋ Mapme Sisadi medene nadiŋa yodapmawaak.”

¹²Unduŋ yoguk kaŋ Festa adi mehinekrŋiye dut yonadiŋa Pol indiŋ niŋguk, “Lomahi’walaŋ Mapme Sisadok yolaŋ doktiŋa Mapme Sisa’walaŋ waaŋ.”

Mapme Agilipadi Pol’walaŋ medeŋiŋ nadidok hinek nadiguk

¹³Kadehati noli dapmaune mapme Agilipa tiŋa wiwi Benike adi kiyap Festa kohoŋ kuliminde Sisaliyade ugumuk. ¹⁴Uŋoŋ wooŋ muniniŋ hatigumuk kaŋ Festadi Poldok kahat indiŋ tiyemguk, “Iŋoŋ me niŋ Felixsdi yot fafaŋeniŋneŋ kameguk, ¹⁵ala nu Jelusalemde ugut kaŋ Judame eŋ me Siloŋyot diniŋ talitimeŋ heki adi aditok mede yoŋa nu me u ulukumumbit naniŋgiŋ. ¹⁶Iŋgoŋ nu moŋ yeniŋgut, Loma me heki indi yadi me niŋ kadakaniiŋ tubune kumuŋdok hogok mu yenindapmayam. Indi yadi me kadakaniiŋ tubu yanagila uune mede tobotobo yobu nadiŋa yenindapmayam. ¹⁷Adi iŋgoŋ buŋa deikiŋ ala heleune mede nadinadi titiŋdok yoŋa mede kamewe Pol nagi bugiŋ. ¹⁸Kaŋ me tobohidi pilali mede yogiŋ kaŋ nemek kadakaniiŋ hinek nenobu tibek yo nadigut iŋgoŋ nemu yogiŋ. ¹⁹Adi yogiŋ adi me wou Jesu agaŋ kumuŋguk iŋgoŋ Poldi kotigoŋ pilali hatilak yolak doktiŋa nehi’walaŋ Yodoko Mededok hogok yoŋa Pol dut siwe tigiŋ. ²⁰Kaŋ nu mede undiniŋ kaŋ nadibedi tiŋa Jelusalemde uune uŋoŋ wooŋ yodapmaŋdok yoŋa Pol ninadigut. ²¹Iŋgoŋ Pol adi moŋ yoŋa iŋoŋ kadokoune hatiŋa wooŋ Mapme Sisadi medeŋiŋ yodapmaŋdok yoguk. Kaŋ nu mikme yenimbe iŋgoŋ kadokou hatilu kougoŋ Mapmedok kamewene waak yogut.”

²²Kahat unduŋ tuguk kaŋ Agilipadi yoguk, “Nu me u medeŋiŋ nagoŋ hinek nadiwit.”

Unduŋ yoguk kaŋ Festadi niŋguk, “Haloŋ yobek kaŋ nadiweŋ.”

²³Unduŋ niŋguk ala haniŋ Agilipa dut Benike adi mapme diniŋ tinahukut kinonom hogok tiŋa mede nadinadi yotneŋ foune mikme diniŋ me wapuhi

erj yokwet wondiniŋ me lolonhinit adi nonŋonj yehikele tiŋa fogiŋ. Festadi mede kameune Pol nagi fogiŋ. ²⁴Nagi fogiŋ kaŋ Festadi yeniŋguk, “Mapme Agilipa tiŋa metam iŋonj ikiŋ hogohogok. Hidi me i kanerj. Me yadi Judame iŋonj itowiŋj be Jelusalem itowiŋjdi nadikadaka timiŋa kakaliŋa naniŋiŋj, me i ulukumuj titiŋdok. ²⁵Unduŋ yogiŋ kaŋ ne Mapme Sisa kakaŋdok yoguk doktiŋa kamewe uuŋdok yogut, iŋonj me i nemek kumuŋ titiŋdegoŋ hinek nemu tuguk. Unduŋ tubumintagut. ²⁶Unduŋ doktiŋa nu Mapmedok pepa youlimindok mede didimeŋgoŋ hinek nemu nadigut doktiŋa kamiŋ hidi tiŋa mapme Agilipa namanda gineŋ nagi bulat. Ala medeniŋ nadidapmaune kougoŋ pepa youlit. ²⁷Nu me niŋ kadakanŋiŋiŋjdi mede yodakale pepa gineŋ mu tiŋa hogok kamewe uuŋdok u kawe tuwot mu tilak.”

Poldi netok yohehewe mede yobune Mapme Agilipadi ila nadiguk

26 ¹Festadi unduŋ yobu Agilipadi Pol niŋguk, “Du datok tiŋa mede kedem yoberj.”

Unduŋ nimbune Poldi kohonj tiŋa loonj netok yohehewe mede indij yoguk. ²“O mapme Agilipa, nu Judame hekidi mede tinamiŋj wondok kamiŋ namandake folonj natok mede yohehewe tibit wondok welemomoon nadilat. ³Du Judame heki’walaŋ iithik be titiŋhik u biyagoŋ hinek agaŋ nadidapmalaŋ doktiŋa baigoŋ hinek ila mede yobit u nadikuwaleŋ.

⁴“Judame hogohogok adi nu koom mekuya gineŋ yotnekwetnenerj hatigut be Jelusalem uŋonj hatigut diniŋ hatihatine u agaŋ nadiiŋ. ⁵Nu koom adi Yodoko Mede didimeŋgoŋ hinek takalidok fafaŋe tagiŋ diniŋ me bop niŋ Falisi yeniŋj adi’walaŋ bop gineŋ hatigut. Unduŋ doktiŋa nebek koom mebine kaŋ nadigiŋj adi yone kaŋ kedem yoneŋ. ⁶⁻⁷Koom Bepaŋdi mamani-papaniye me bop 12 hatigiŋj aditok mede yofafaŋe tiyemguk kaŋ adi foloonj mintaune kakaŋdok haniŋ tebele ninadiiŋ. Kaŋ nu maan mede wendogoŋ doktiŋa kamiŋ Judame hekidi mede gineŋ napmeiŋ. ⁸Kaŋ hidi maŋgoŋde Bepaŋdi kumuŋ gineniŋ tuwot mu yehitubu-pilalek yo nadiiŋ? ⁹Nu maan koom Jesu Nasaletniŋj wou mik timindok fafaŋe tibene ¹⁰Jelusalem uŋonj Silonjyot diniŋ talitimeŋj hekidi nanindapmau Bepaŋ’walaŋ metam yanagila yot fafaŋeniŋneŋ yapmelugut, tiŋa undugoŋ widihikumunŋdok yodapmaune na maan medehik kasop tibene widihikumuyagiŋ. ¹¹Erj nai fee hinek Judahi’walaŋ bopyotneŋ Jesu sigilulum timiŋa wou nintubukadaka titiŋdok yeniŋgigine tulugut. Tiŋa nadisukilitihik yobihitdok yonja nemek kadakanŋj mebimebi tiyemilugut. Unduŋ tiŋa yokwet niŋkade maan yaunja yanagitugut.”

Pol adi Jesudi mintamiŋguk wendok Mapme Agilipa kahat niŋguk
(Aposel 9:1-19; 22:6-16)

¹²“Ala heleniŋ Silonjyot diniŋ me wapuhidi yodapmaan pepa youtnambu moŋgola Damaskode ugut. ¹³Talipmeŋj uluwe mele lekiŋgoŋ

tubu hauta kunum gineniŋ saŋiniŋnit hinek hautaŋ me nukut ugumun wanaŋ nihonedapmaguk. O me wapumne, mele hautaŋiŋ u hogok niŋ mebit, eŋ i yolat adi hauta agaŋ uŋgoniŋ hinek, ¹⁴wondi hautaune me nukut ugumun hogohogok maŋ kwetfoloŋ hakumun. Maŋ hali nadiwe kunum gineniŋ Judahi'walaŋ mede gineŋ indiŋ nanimbu nadigut, 'Sol, Sol, du maŋgoŋde nula nehikelelaŋ? Unduŋ tiŋa wooŋ nemek dendemnit gineŋ uune gedeune folofigita nadiwaaŋneŋ ala.'

¹⁵"Unduŋ yobu nubo niŋgut, 'Me wapum, du nedigoŋ?'

"Unduŋ yonadigut kaŋ Wapumdibo yoguk, 'Nu Jesu, du nula nehikele tilaŋ, nukuyoŋ. ¹⁶Ale pilali koloŋ yat. Nu du i mintagamulat adi du nu'walaŋ kwanai-mene titiŋdok yoŋa mintamuŋa ganindapmalat. Unduŋ doktiŋa du kamiŋ mintagambe nabulaŋ u me noli yenimbeŋ, tiŋa kougoŋ nemek noli ganimbe yenimbaaŋ. ¹⁷Nu Isilaehi eŋ metam fekhinit mokit heki kohohik foloŋneniŋ ganagituwaaŋ, tiŋa ganiŋkule adi'walaŋ lekiŋgoŋhik gineŋ yaŋa ¹⁸dauhik tubutomuŋa mambip gineŋ yaŋagila hauta gineŋ yapmeluwaŋ, eŋ Sadaŋ'walaŋ saŋiniŋ gineniŋ yaŋagila Bepaŋ'walaŋ saŋiniŋ gineŋ yapmeune nu nadisukilitinambune kadakanihik tumolokuyembe fooŋ metamneŋe natok yehikahilegut heki gut hatineŋ.' "

Poldi Mapme Agilipa mede muntanit mokit nindakaledapmaguk

¹⁹"Unduŋ doktiŋa, mapme Agilipa, nu nemek u mintanamguk kaŋ kawe kunum gineniŋ mede naniŋguk u nadiŋa kibida mu tugut. ²⁰Timen Damaskohi agaŋ Jelusalemhi eŋ Judame hatiŋneŋ kwetkwet wooŋ metam fekhinit mokit maŋ yehibopneŋ kadakanihik sigilulum timiŋa welehiŋ tubutakaleeŋ Bepaŋ dut gali yali nemek foloŋ titiŋdok wondok Mede Momooŋ yeniyagut. ²¹Unduŋ tiŋaŋ doktiŋa Judame hekidi Siloŋyotneŋ nohoneŋeŋ nulukumune tigiŋ. ²²Ingoŋ Bepaŋ hatilak doktiŋa kamiŋ nu iŋoŋ yali natok yohehewe mede yobe wapum be kuyaŋiŋ ila nadiŋ. Nu mede yolat adi koom polofet heki be Mosesdi nemek mintawaak yogiŋ uŋakoŋ hinek yolat. ²³Kilisto adi folofigita nadiŋa kumuŋa kumuŋ gineniŋ kaikaŋ pilapilatdok u ne tububihila talitimen tiŋa pilali Judame be metam fekhinit mokitdok hauta yembaak yogiŋ uŋakoŋ kasopneŋ yoyaulat."

²⁴Pol adi ne'niŋ mebiŋiŋ unduŋ yobune Festadi nadiŋa indiŋ kutifiyeguk, "Pol, i nadibubuye binek tilaŋ. Da'walaŋ nadinadige wapum wendi gehitubu-bubuye tilak."

²⁵Unduŋ nimbune Poldi yoguk, "Me wapumne Festa, nu nadibubuye mu tilat. Nu mede foloŋnit biyagoŋ hinek yolat. ²⁶Nu mede i loda tiŋa yolat kaŋ Mapme Agilipa adi agaŋ nadilak. Nemek i yolat u kabup nemu mintaguk, da-ku agaŋ yabu nadiguoŋ. ²⁷Mapme Agilipa, du Polofet heki mede yogiŋ u agaŋ nadikwambudalaŋ nadilat."

²⁸Unduŋ nimbu Agilipadi Pol indinŋ ninguk, “Be nai muniŋgoŋ yendok maaneŋ nukube Kilisto kedem kelewit yo nanilaŋ?”

²⁹Unduŋ yoguk kaŋ Poldibo kotigoŋ indinŋ ninguk, “Nai kweheyeniŋ be nai muniŋgoŋ yendok du tiŋa me mede yobe ila nadiinŋ, hidi Wapumdi hehitubu-lodaune nu nadilat undugoŋ hidi maanŋ nadineŋ yoŋa, Bepaŋ ninadilat. Tawa fafaŋeniŋ (sen) kohone foloŋ hatak unduŋ titiŋdok moŋ, adi Mede Momooŋ nadidok.”

³⁰Unduŋ yobune Mapme Agilipa yawit, kiyap, tiŋa metam noli pilali mowoginŋ. ³¹Mowoŋa nehi ungoŋ indinŋ yonadiginŋ, “Me i nemek kadakaninŋ tiŋa yot fafaŋeniŋ gineŋ fofonŋdok nemu tuguk, be kadakaninŋ kumuŋdegoŋ nemu tuguk.”

³²Kaŋ Agilipadi Festa ninguk, “Me u Loma Mapmedi medeŋinŋ yodapmaŋdok mu yobe tiŋak binek tawa fafaŋeniŋ (sen) du kedem dilitelekulimimbu hatiluwek.”

Pol mikme dut muwage foloŋ kameune Lomade uguk

27 ¹Italide uunŋdok ninimbune Mapme Sisa’walaŋ mikme bop dininŋ talitimeŋ wou Yuliyo, adi Pol tiŋa me yot fafaŋeniŋ gineŋ hakinŋ noli maanŋ yanagilu muwage foloŋ logumun. ²Muwage u Adalamitiumhi’walaŋ ala Esiya ime magineŋ yokwet haliulak indigoŋ wooŋ yaliudok yoginŋ doktiŋa logumun. Tesalonaika niŋ notnik niŋ wou Alistaka, adi noŋgoŋ logumun. ³Heleune muwage Saidon yokwetneŋ wooŋ yakuk kaŋ Yuliyo adi Pol not timiŋa nadimimbune wooŋ noliŋiye yabune nanaŋe dumuŋ talipmeŋ nanaŋdok miŋginŋ. ⁴Kaŋ une tugumun iŋgoŋ fifiŋ indi ugumuneŋkade fedikuk doktiŋa indi Saipalas kwet kambaŋgit eŋ Esiya kwet lekiŋgoŋhik gineŋ ugumun. ⁵Wooŋ Silisiya eŋ Pamfiliya ime magi hogok wooŋ Lisiya kwetneŋ Maila yokwetneŋ wosuwagumun. ⁶Uŋoŋ wooŋ mikme’walaŋ talitimeŋdi Alesandiliyahi’walaŋ muwage niŋ Italide we tuguk kaŋ ninimbu ungoŋ logumun. ⁷Wooŋ baigoŋ baigoŋ uŋila melenai fee kaŋ Naidas yokwet tubudulagumun. Kaŋ fifiŋ adi uuŋ tine ugumuneŋkade buguk doktiŋa udaneŋ Kilit kwet kambaŋgitkade ugumun. ⁸Wooŋ kwet mimim niŋ wou Salmoni u kalakapmendok kwanaimiŋ tige tige ime wou “Muwage Falik Momooŋ” yoiŋ uŋoŋ wosuwagumun. Kwet u Lasia yokwet wapum halu yamaingonŋ hatak.

⁹Imeŋgwaŋ foloŋ nai fee hinek hatigumun doktiŋa gwi sububa nai agaŋ dula hinek tuguk^z kaŋ Poldi mede niniŋkiliti indinŋ tuguk, ¹⁰“Mewoi, kobuk i tomboyoula unim adi kadakaninŋ hinek kalat. Muwage

^z 27:9 Gilik mede gineŋ “Nanaŋe kamehepdok nai” unduŋ yoyaginŋ. U Judahi’walaŋ nai wapum doktiŋa nanaŋe kamehep taginŋ. Nai uŋaniŋ gwi sububa wapum tuluguk doktiŋa muwage mu yawaginŋ. Nai wapum wendiniŋ mebi Wokplis 23:27-29 gineŋ youkiŋ hatak.

kadakaune bombonj ime maanerj foneerj, tiŋa me noli hatihatihik uŋonj binek dapmawaak.”

¹¹Unduŋ yoguk iŋgonj mikme’walaŋ talitimerj adi Pol’walaŋ mede mu nadiguk. Adi muwage molom eŋ me muwage tubu ugumun’walaŋ mede nadiŋa kedem uuŋdok yobu ugiŋ. ¹²Gwi sububa ginerj muwage uŋonj yayatdok falik hogoli doktiŋa me fee adi Finiksde uuŋdok yogiŋ. Kwet u muwage hekidok falik uŋgonj hatuguk, u Kilit kwet uŋonj. Ime u kwet fukufukuŋdi fifiŋ kamehep tubune kedem hatak doktiŋa sifo nai u uŋonj itoudok yogiŋ.

Fifiŋgobut wapum tiŋa imedi muwage youbulagineguk

¹³Kaŋ fifiŋ siginik ginerjkade baigonj baigonj fedilune me muwage folonj kwanai tagiŋ adi uuŋdok yoŋa anŋa hamaneu labuguk, kaŋ Kilit ime magi hogok kelegumun. ¹⁴Ila wanewane fifiŋ kweboboe ginerjkade fedikuk. Fifiŋ wou maniune, ala kwet kambangiŋ ginerjkade tububihila fedikuk. ¹⁵Fedila buŋa muwage fedininineune tubu-udanedok moŋ tiŋa kaŋ binene fifiŋdi fedila nagi uguk. ¹⁶Wooŋ kwet kambangiŋ niŋ wou Kauda uŋonj wooŋ muwage wapum’walaŋ kuyaniŋŋiŋ niŋdi ime maanerj fowe tubu kwanaimiŋ tiŋa hamantine loune ibikilitiŋa mindaŋkade ¹⁷muwage wapumbo tawawaakneŋ yoŋa tawa moŋgo ibikilitigumun. Unduŋ tiŋa Siliti kwet uŋonj ime wahingonj ginerj loneemneŋ yoŋa seli-kabe fiyalu fofoyeune fifiŋdi fedila nagi uguk.

¹⁸Heleune fifiŋgobut undiniŋonj tuguk doktiŋa bombonj noli moŋgo ime ginerj yakukiŋ. ¹⁹Unduŋ tiŋa bufaaŋ heleune muwage diniŋ bombonj noli moŋgo yakulu ime ginerj fogiŋ. ²⁰Helebufa fee hinek fifiŋgobut undiniŋ hogok tubune mele be bamholiŋa nemu mintane yabugumun, doktiŋa agaŋ kumuŋdapmanim hogok nadidapmaaŋ ikumun.

²¹Unduŋ tiŋa me nanaje map ila uune Poldi lekiŋgonjhik ginerj pilali yali yeniŋguk, “Mewoi, hidi nu’walaŋ medene nadine tiŋit binek Kilit ime maginerj uŋonj hatiyanim, kaŋ nemek malabumuŋ indiniŋ mu mintanimuluwek. ²²Fiit saŋiniŋ tiŋa itnim, nebek nemu kumumbek, muwagedi hogok kadakadapmawek. ²³Nu Bepaŋ’walaŋ tipilapilaye-me tiŋa adi hati-niutumbalat. Adigonj aŋelonjŋ kameune timiŋ buŋa ²⁴indiŋ naniŋak, ‘Pol, du munta mu tibeŋ. Du Loma Mapme’walaŋ namanda folonj minta hinek tibaaŋ. Bepaŋ adi momooŋ doktiŋa hehitubu-lodaune me dukut wiŋ hogohogok kumuŋ mu tineeŋ.’ ²⁵Nu Bepaŋ welelufom mu timilat, doktiŋa mede naniŋak u folooŋ undugonj hinek mintawaak nadilat. ²⁶Iŋgonj muwage adi kwet kambangiŋ niŋ ginerj looŋ tawawaak.”

²⁷Indi Meditelenien imenŋgwaŋ folonj helebufa 14 wondok tuwot hatine timiŋ lekiŋgonj tubune me muwage folonj kwanai tagiŋ adi kwet agaŋ tubudulayam yo nadigiŋ. ²⁸Unduŋ yoŋa nemek malabumuŋ niŋ tawa diki folonj tehiŋa kapmaaŋ kagiŋ 30 mita tuguk. Kaŋ kabe-muniniŋ uyeŋ

kapmaan kagiñ 20 mita hogok tuguk. ²⁹Kañ kawade foloñ loneemneñ yonja anga 4 mindan̄kade kiyapmaan pilap heledok ninadi kwanai tigiñ.

³⁰Kañ me muwage foloñ kwanai tagiñ adi momoñ tine yonadiña muwage-kabe niñ tiña kapmau ime gineñ foune yalañ indiy yogiñ, “Indi muwage mimim foloñ anga neeñ kiyapmanim.”

³¹Yalañ unduñ yogiñ kañ Pol adi mikme heki indiy yeninguk, “Me muwage foloñ kwanai tiñ adi fooñ momo uney adi indi kumuñ tinim.” ³²Unduñ yeninguk kañ mikme heki adi tawa dobune muwage-kabe adi imede uguk.

³³Agañ helemiñ dobulune Pol adi pilali me indiy yeninguk, “Hidi nanaje mu naañ hogok hatibune kadehati 14 tilak, ³⁴ale fiit nanaje neeñ naañ fafañeñ kiñ foloñ looñ hatineñ. Hidi walaaniñ nebek niñ ime gineñ nemu kumuña filek.” ³⁵Unduñ yenimbu ila kaune belet niñ tiña Bepañ niutumbaar wobuñ naguk. ³⁶Unduñ tuguk u kañ sañiniñ tiña me noli mañ nanaje nagiñ. ³⁷Me muwage wondok foloñ ugumun yokunatnik 276. ³⁸Nanaje nakilitiña bomboñ^a bethinit moñgola ime foloñ kutne muwage lodañ labuguk.

³⁹Mele labu hautaune me muwage foloñ kwanai tagiñ adi kwet u dan̄goñ hinek u mu kadakaleeñ kwet momooñ, kiñnit kañ muwage uñandiñ tubudidimeune wek ⁴⁰yonja anga tawañiñ dobudoko taugiñ, tiña bem muwage tubudidimeu uuñ diniñ tawa u fiyakut tigiñ. Unduñ tiña fifiñdi fedila seli foloñ siloneune muwage wooñ ime magineñ yalek yonja seli mimimneñ u tubu loguk. ⁴¹Iñgoñ muwage siyo adi kiñ foloñ looñ youkilitiña waliwali mu tiña yalune muwage kumoi agañ ime sañiniñnitdi buña youbulagineune tawamunumunuke tuguk.

⁴²Kañ mikme heki adi me yot fafañeniñneñ yapmeñdok heki nebek niñ tiyaugene kiñ foloñ looñ momoñ tibaakneñ ale widihikumun titiñdok yonja yohebet tigiñ. ⁴³Iñgoñ talitimeñhikdi Pol mu ulukumundok nadiguk doktiña unduñ mu titiñdok yeninguk. Tobo me ime kedem mopnedok nadiña tatakula timeñ kedem mopneeñ kiñ foloñ lolon̄dok yeninguk. ⁴⁴Kañ me noli hogohogok mindañ tatakula bem muwage diniñ gologiñ dikidiki yohoneeñ mopneeñ lodapmagiñ. Unduñ tiña nebek nemu kumuñguk, indi hogohogok wanañ kiñ foloñ lodapmagumun.

Pol adi muwage kadakaune looñ Malta kwet kambangiñ uñgoñ hatiguk

28 ¹Kiñ foloñ lodapmaan kwet kambangiñ u wou Malta yobu nadigumun. ²Kañ nai uñaniñgoñ gwi mañ tububihila ukuk, doktiña sububa nadine metam uñahi adi not tinimiña kudup henimgiñ. ³Kañ Poldi kudup moñgo buña heune miñgembet miknit niñdi kudup maaneñniñ labuñ kohoñ foloñ siña wodikaiguk. ⁴Kañ kwehiwahi adi Pol

^a 27:38 Bomboñ bethinit adi pandiñ dabugon̄. Wou “wit” yoyagiñ.

kohoj foloj mingembet wodiune kaj nehi uŝgoj yonadiŝa yoginj, “Me ya me widihikumuŝ tilak, ala imenŝwan gineŝ foonj mu kumuŝak doktiŝa bepaŝnikdi mingembetŝinj niŝkulune silak, ala agaŝ kumuŝ tibek.”

⁵Unduŝ yoginj kaj mingembet waipenetukulune kudup gineŝ foguk, iŝgoj Pol adi folofigita-kabe nemu nadiguk. ⁶Unduŝ tuguk kaj metamdi Pol folooj bediŝa kumuŝ nobu tiŝa maune kanim yoŝa yakinj, iŝgoj nai yagigi hinek yali kagin iŝgoj nemek nemu mintamiŝguk doktiŝa indinj yoginj, “Me ya bepaŝ.”

⁷Kwet kambaŝgit wondiniŝ me wapum adi wou Pubiliyas. Adi’walaŝ hamuheninj hakuk gagayeŝ uŝoj kudup hekobu ya tugumun. Adi me siloniŝ doktiŝa adi nibudokoune yolineŝ helebufa lufomkulitniŝ itougumun. ⁸Nai uŝaniŝ Pubiliyas beu adi yagit tiŝa folooj kudup daaŝ kumo nanŝatnit keleŝ yopmaŝgoj hakuk. Kaŝ Poldi yot hakuk maaneŝ foonj Bepaŝ ninadiŝa kohoj folooj foloj kameeŝ tubukedebaguk. ⁹Unduŝ tubune kwet kambaŝgit wondok maaneŝ metam yagithinit Pol’walaŝ buune yehitubu-kedebaguk. ¹⁰Unduŝ tiŝa metam uŝahidi niniutumbaaŝ ninintiloloŝ tigiŝ, tiŝa undugoŝ uŝoj tine tugumun kaŝ talipmeŝ nadamdaaŝ uŝdok nanaŝe fee moŝgo wooŝ muwage foloj boinimiŝinj.

Pol adi Malta uŝoj muwage gineŝ looj wooŝ Loma wosuwaguk

¹¹Uŝoj hatine muyakip lufomkulitniŝ dapmaune muwage Alesandiliyaniŝ foloj logumun. Muwage won diniŝ mimim foloj bepaŝ yalayaŝa Sus mihiŝyat’walaŝ welewelehik figinj. Adi gwi nai u indi hatigumunneŝ uŝgoj yakuk ala wondok foloj looj ugumun. ¹²Wooŝ yokwet wapum niŝ wou Silakus wosuwaŝaŝ uŝoj kadehati lufomkulitniŝ hatigumun. ¹³Uŝaniŝ dilitelegumundi Lisiyam yokwet wapumneŝ wosuwagumun. Ala helenŝ agaŝ fiŝinj siginik gineŝkade fedila nihiŝiloneu helebufa lufom yaue yaue yokwet wapum niŝ wou Puteoli wosuwagumun. ¹⁴Puteoli wosuwanene Jesu’walaŝ kayoŝbop uŝoj hatiyaŝiŝdi ninimbu Sonda kubugoŝ adut hatigumun. Hatiŝa uŝaniŝ agaŝ Loma kwetneŝ wosuwagumun. ¹⁵Unene Jesu’walaŝ kayoŝbop uŝoj hatiyaŝinj adi kahaŝnik nadiŝa me noli Apiyus yokwetneŝ uŝoj wooŝ nibugiŝ, eŝ me noli yokwet Nalum Yot Lufomkulitniŝ yoŝiŝneŝ uŝoj wooŝ nibugiŝ. Kaŝ Poldi u yabuŝa Bepaŝ niutumbaaŝ ŝaŝiniŝ tuguk.

Pol adi Loma uŝoj Jesu’walaŝ Mede Momoŝoj yohautaguk

¹⁶Loma wosuwane Pol adi mikme niŝdi kadokoune ne hogok kedem itowek niŝinj. ¹⁷Ala kadehati lufomkulitniŝ dapmaune Judame heki’walaŝ talitimeŝ yenimbu buŝa bopneŝinj. Bop tubune yeniŝguk, “Notneye, nu Yodoko Medenikdok be titiŝnikdok nemek kadakaniŝ nemu tugut iŝgoj Jelusalem gwaŝ nanagila yot fafaŝeniŝneŝ nehidaŝiŝa Loma me heki’walaŝ kohohik foloj napmeŝinj. ¹⁸Kaŝ Lomahidi nulukumuŝdok

malabumuŋ nemu tubumintagiŋ doktiŋa nanindapmaaŋ binabune hogok hatidok yogiŋ, ¹⁹iŋgoŋ Judame hekidi gigine tigiŋ doktiŋa Mapme Wapumdi medene nadiwek yogut. Tiŋa undugoŋ nu metamneye Judahi mede gineŋ nemu yapmegut. ²⁰Unduŋ doktiŋa hehibopneerŋ hidigut mede yonadinim yo haniŋat, tiŋa undugoŋ nu Isilaehi metam Mesiyadok nadikunakunaleerŋ woomiŋ aditok tiŋa tawa fafaŋeniŋ (sen) i kohone foloŋ hatak.”

²¹Unduŋ yoguk kaŋ adibo niŋgiŋ, “Indi du’walaŋ kahat Judahidi nemu youtnimbune kagumun, be notniye uŋahidi nemu buŋa niniŋgiŋ, be dutok mede kadakanŋ nemu yobu nadigumun. ²²Iŋgoŋ metam kwetkwet adi du’walaŋ kayoŋbopgeye yenimpekit tubune nadiyam, ale du’walaŋ nadinadige ninimbune nadinim.”

²³Unduŋ yoŋa nai tiŋa mowogiŋ ala nai uŋaniŋ metam feegoŋ buŋa Pol hakukneŋ bopnegiŋ. Kaŋ haniŋ tububihila Bepaŋ’walaŋ Hatihati Uŋgoniŋ diniŋ mede yenilu yenilu bufaguk. Tiŋa undugoŋ Jesu’walaŋ mede Moses’walaŋ Yodoko Mede gineŋ eŋ polofet hekidi pepa youkiŋneŋ uŋoŋ moŋgola yenintauguk. ²⁴Kaŋ metam adi mede yeniŋguk wondi welehiŋ tubukulemaguk, iŋgoŋ noli adi medeŋiŋ mu nadiŋa ²⁵nehi uŋgoŋ siweneerŋ mowogiŋ.

Poldi mede indiŋ yoguk doktiŋa siweneerŋ mowogiŋ, “Uŋgoniŋ Munabulidi polofet Aisaiya nimbu mamahi-papahiye kedem hinek mede indiŋ yeniŋguk,

²⁶‘Du wooŋ mebop i indiŋ yenimbenŋ:

“Mede magihikdi nadineerŋ iŋgoŋ nadidakale mu tineerŋ, dauhikdi kaneerŋ iŋgoŋ kadakale mu tineerŋ. ²⁷Metam i nadinadihik bubuyerŋ, tiŋa magihik teheŋa dauhik maŋ tehep tigiŋ. Unduŋ mu tine tigiŋ binek dauhik kedem diweyanerŋ, eŋ magihikdi mede kedem nadiyanerŋ, eŋ nadinadihik kedem dakaleluwek, kaŋ nu’walaŋ buune nu kedem yehitubu-kedebalit.” ’ ’

²⁸Unduŋ yoŋa indiŋ yeniŋguk, “Unduŋ doktiŋa indiŋ hanimbe nadineerŋ. Bepaŋdi kedeba-kedeba mede u metam fekhinit mokit hekidok kameyemguk, ala adi kedem nadineerŋ.”

²⁹Poldi unduŋ yenimbu Judame heki u nadiŋa nehi uŋgoŋ kisaŋ siweneerŋ mowogiŋ.

³⁰Pol adi Loma uŋoŋ yot tuwaŋila itouguk, kaŋ metamdi adi kakaŋdok yolinerŋ baŋiŋ kaŋ yabuŋa nadifo hogok tuluguk. ³¹Buŋa kaune Bepaŋ’walaŋ Hatihati Uŋgoniŋ wondiniŋ medeŋiŋ yeniluguk eŋ Wapum Jesu Kilisto’walaŋ Mede Momoŋ muntanit mokit gibitaŋ yeniluguk. Unduŋ tubune nebek niŋdi kamehep nemu timiŋgiŋ.